

FRANCISCI
BOCCHII

ELOGIORVM, QVIBVS
Viri Doctissimi


NATI FLORENTIAE
DECORANTVR,

Liber Primus.



FLORENTIAE,
Apud Iuntas. M. D C VIII.

Cum licentia Superiorum.



1921071003

1003-1003

1003-1003

1003-1003

1003-1003

1003-1003

1003-1003

1143

2

1003-1003

1003-1003

1003-1003



In supradictis viginti Elogijs clarissimorum virorum editis per D. Franciscum Bocchium nihil inueni, quod fidei Catholice, aut bonis moribus repugnet.

Camillus Pandulphinius Canonicus Florent.

Attenta relatione premissa, elogia presentia imprimi posse Florentie impertimur, servatis prius ordinibus consuetis; Die 28. Martij. 1609.

Petrus Nicolinius Vic. Generalis Florent.

Videat R. pater Emanuel Ximenes Societatis Iesu, & referat.

Frater Cornelius, Florentinus Inquisitor.

Legi Elogia clarissimorum virorum à Francisco Bocchio exarata, & nihil in illis à fide Catholica, & optimis moribus alienum reperi. Florentia in Coll. Societatis Iesu. 7. Aprilis. 1609.

Emanuel Ximenes.

Frater Cornelius, Florentinus Inquisitor; die 9. Aprilis.

Frater Vincentius Cimitella vidit.

1. The first of these is the fact that the
the following is a list of the names of the
the following is a list of the names of the

2. The second of these is the fact that the
the following is a list of the names of the
the following is a list of the names of the

3. The third of these is the fact that the
the following is a list of the names of the
the following is a list of the names of the

4. The fourth of these is the fact that the
the following is a list of the names of the
the following is a list of the names of the

5. The fifth of these is the fact that the
the following is a list of the names of the
the following is a list of the names of the

6. The sixth of these is the fact that the
the following is a list of the names of the
the following is a list of the names of the

PERILLVSTRI.
REVERENDISSIMOQVE

DOMINO, D. THOMAE XIMENIO,
VTRIVSQUE SIGNATVRAE
REFERENDARIO SAL.



AGNA est humani generis fragilitas; atq; ita magna, ut nisi se clarissimorum hominum virtute communiret, parùm profectò suis se viribus sustentaret. Praesid est igitur hac virtus in rebus dubijs; iuvat in periculis; oblectat in rebus latis; & quocunq; vocas, generosè cunctorum hominum utilitatibus inseruit. Sed quoniam eius virta modicis finibus humana vita terminatur, & id sit aliquo pacto diuturnior, publicisq; negotijs magis inseruiat, praesidio non mediocri se corroborat. Idcirco ne memoria extinguatur, pictura, & statua, & sepulchra adhibita sunt; sed literarum monumentis profectum est tam valde, ut, vita hominis extincta, duret tamen vis virtutis, & in sui exemplum cogitationes hominum inflamment. Hoc nomine, ut res ipsa exemplo prodesse possit, multorum admonitu impulsus viginti elogia doctissimorum virorum conscripsi paulò ante; qui Florentia, & sua industria, clarissimisq; virtutibus nobilitati dum se exornant, hanc ipsam nostram patriam magnis commodis afficiunt. Quamobrem mea obseruantia in te, Reuerendis. Thoma, atq; in tuum fratrem Nicolaum Ximenium nostrae ciuitatis patritium, & Senatorem amplissimum facile perfecit, ut has meas lucubrationes typis excusas ad te mittam; non solùm, quia iisdem te studijs exornas, quibus se viri clarissimi illustrarunt; sed quia hac semper amasti, & de summis eorum laudibus benè mereri numquam destitisti. Cara est vis virtutis usquequaq; sed qua nata domi est, caritate vincit omnia. In his elogijs legendis
morea

mores optimi occurrent ; qui nobilibus ex artibus profecti nonnihil voluptatis , aut commodi potius legentibus afferre possunt. Summa hæc clarissimorum hominum virtus mirabiliter inuit , dum eis vita præcipuè suppeditauit . Nunc verò post mortem minimè otiosa est ; prodest exemplo , atque ad opus consimile inuitat . Tu verò , vt audio , ishic Romæ mirabiliter ad laudem te exerces , vt Florentia nanda opera Illustrissimis Nuntijs Apostolicis gloriosis laboribus fecisti . Qui vir , & quantus fueris Pisis , dum ius ciuile per aliquot annos publico in gymnasio superiore è loco profiteris , silentio prætereo ; ne , dum parcè de tuis laudibus dico , mea hæc scribendi ratio parùm dignitati tuæ consuluisse videatur . Sed mihi crede , dum te in hac patria (quæ tibi nobiscum communis est) meritis clarissimis locupletas , omnium profectò , qui te admirantur , beneuolentiam concilias . Vt quis te excitet , minimè omnino eges ; sed tamen poterit rerum tantarum memoria currentem incitare , & , vt te aggreget ad numerum summorum virorum , & tua virtute hanc eandem tuam patriam illustres , faciliè perficere . Vale ; Florentia .
M. DCVIIII.

Franciscus Bocchius

dignitati tuæ deditissimus ;

FRANCISCI BOCCHII

ELOGIORVM,

QVIBVS VIRI DOCTISSIMI

Nati Florentia decorantur,

LIBER PRIMVS.



MNES humanæ Res fluxæ sunt, nec diu in suo statu possunt permanere; idcirco, ne illarum memoria extinguatur, si quid præclare actum est, huic humanæ fragilitati hominum industria occurrit. Optimè igitur comparatum est, vt humana conditio imbecillitatis suæ

conscia sibi ipsi consulat opportunè; & debilitari, quæ ex se oritur, dum potest, in tempore medeatur. Quicquid enim ars gignit, quicquid ingenium ex se parit, parum prodesset in posterum, nisi memoriæ præsidium extaret. Hinc, ne silentio tantû boni obruat obliuio, rerum gestarum monimenta, & literæ reperiuntur; hinc ad hominum commodum picturæ, & statuarum inuentæ, & ad id ipsum adhibitæ sunt, quæ & tueri memoriam, & vim virtutis omni tempore testari possint. Sed nobiles disciplinæ, id quod dicimus, adiuuantibus elogijs, melius, quàm picturæ, & statuarum efficiunt; in quibus, quoniam nostrates homines, secus, ac nonnulli arbitrantur, magnopere excellunt, iure optimo res ipsa flagitat, vt quibus rebus olim, dum viuerent, sibi Florentiæ præluxerint, iisdem nunc lucubrationibus nostris celebrentur. Legenti enim nequaquam permagnus virorum principum numerus apparebit, qui persapè nihil, nisi famam nominis fortunatis secum ferunt; sed absolutæ, & perfectæ virtutis doctissimorum hominum decora occurrent, quibus perpetuò & patria hæc nostræ illustratur, & animi eorum, qui legent, ad vim eandem exprimendam se incendunt. A me summi viri de claris artibus benemeriti elogia habebunt; Sed tamè aliquid exordij loco de statuis dicetur, quibus nonnulli ex no-

itris ciuibus decorati sunt. Hæbeant sibi alij Cæsares, & Ma-
 rios; glorientur in Metellis, & Pompeiis; dum nobis hac volu-
 pte, quæ maxima est, frui, & veram virtutem, quæ in viris
 doctissimis mirabiliter floruit, ad nostrum commodum liceat
 contemplari. Non veniunt in mentem, quæ casu, & fortuitu
 facta sunt (vt in viris militaribus contingit) dum eiusmodi vi-
 ros intuemur; sed virtus ipsa, mentis munditia, quoties rem
 propositam expendimus, miram quandam suauitatem molitur,
 & conficit. Iam verò mos ille, qui vultu, ipsisq; elogiis præci-
 pue exprimitur, quiq; sensus animi, vel vno tantum aspectu
 subito fatetur, in hoc negotio quanti est præcipue? quàm egre-
 gias cogitationes, & viriles in hominum mentibus exuscitat?
 Quid? benè moratæ ciuitates nonnè tribuunt multum huiusmo-
 di rebus? & mores suorum ciuium nonnè hac ratione ornari ar-
 bitrantur? Quod intuemur exemplar, multum potest; vim ha-
 bet, vt excitet, vt moueat, vt pellat segnitiam, aduocet indu-
 striam, & ad efficiendas res non dissimiles tacitè commoueat.
 Syrophani Aegiptio per multum debet seculorum omnium, at-
 que hominum posteritas; qui cum morte vnici filij inconsolabi-
 li dolore se conficeret, quò illius desiderium consolaretur com-
 modius, eiusdem imaginem primus sæpè spectando, quàm si-
 bi primùm effingendam curauit, memoriam lenire consueuerat.
 Per multis enim huius viri exemplo, qui post fuerunt, placuit
 hanc facultatem dilatare; qui primò rem eandem secuti, va-
 rijsq; de causis inuitati hoc totum negotium mirabilibus artifi-
 ciis auxerunt. Eis igitur, qui publicis muneribus, multaq;
 doctrina clari suæ Reipub. multum profuerunt, ita hoc genere
 laudis honor habitus est, vt publicis locis emineret, & rem ip-
 sam præclaris monumentis testaretur. Ea vis in hominum illu-
 strum animis esse putatur, vt inusitata omnino sit, & mirabi-
 liter excellat; hæc cum in vultu se se prodit, quid mirum est, si
 à cunctis expetitur, si, quoties se offert, tam veneranda sit, &
 tam visenda? Quod igitur nunc nonnulli ingeniosè in hoc ne-
 gotio meditati sunt, multò ante viri multa doctrina insignes in-
 uenerunt, & seculis post se futuris rem natura ipsa insignem tra-
 diderunt. Romæ scripsit Messala, vir primarius, ne memoria
 virorum illustrium periret, de familiis Romanis complures li-
 bros; scripsit itidem Pomponius Atticus ingeniosè, & eruditè
 de

dere eadem, hominū imagines suo volumini apposuit; & quid quisq; præclare gessisset, paucorum versum elogio declarauit. Quid sit hoc nobili labore consecutus, & doctorum hominum memoria testatur, & nostra hæc ætas præcipuo quodam modo celebrare non desistit. Res egregia, quam potest vnus quisque ad suum commodum imitari, facile perfecit, vt sit etiam nunc in honore, sit in precio apud omnes, atq; ad exemplum exprimendæ virtutis possit plurimum. M. Varro eodem in negotio versatus septingentorum hominum illustrium nobilitatis nominibus, cum vnicuiq; sua similitudo reddita esset, benè de humano genere meritis esse existimatus est. Et profectò hominis præsentia, in quo eluceat virtus, valet multum sua sponte; ad eandem virtutem; dum adest, homines commouet; suppeditat stimulos, quibus ad laudem vnusquisq; se incendat, & vt se exornet moribus optimis, hortatur. Nisi se huiusmodi præsidio excoletet natura, nisi vim suam, quæ per se parum potest, adiuuaret, rudis esset perpetuò, atq; agrestis, & parum commodè vires suæ virtutis explicaret. Vt idem faciant, quod alij fecerunt, res ipsa homines inuitat; vt rem eandem aggrediantur, naturalis cupiditas, atq; expetens laudis commouere solet; vultus verò per manus traditi quoties attenduntur, miras cogitationes in animis intuentium toties efficiunt. Non igitur facies quælibet, sed vultus, qui verus esse creditur, & similitudo summo virorum potest multum, atque ad eandem vim virtutis quæ se se offert, exprimendam multum valet. Nonnè id potuit plurimum in Cæsare, qui dictator dictus est? qui cum acer in ferro, atq; orij impatiens esset, visa Gadibus Alexandri Magni statua, suspirasse dicitur; quòd cum esset eiusdem ætatis, nihil a se simile actum esset, cum Alexander vbique victor nominis sui gloria orbem terrarum imp'euisset. Extat præterea Scipionis, qui minor Africanus dictus est, vox illa tam præclara, qua ingenuè testatur, animum sibi ad virtutem vehementissimè accendi, cum imagines suorum maiorum intueretur. Vetus ille mos tam multis verbis probatus, quo multis seculis Roma vsa est, etiam nunc multis, verisq; laudibus extollicur. Nulla erat domus, nulla familia, in qua, si quis aliquid Reipub. causa præstitisset, illustrium virorum non exaret imago; quarum copia & primo ædium aditu spectabatur, atque ad exemplum

virtutis cunctis intuentibus propofita erat. Iam verò si quæ statutz in vrbibus vifuntur (quafi in eis ad virtutem excitandam vis quædam fit) nemo eft omnino, qui fibi id non laudi ducat, & in fua fupellectili rem præcipuam non exiftimet. Non excidit ex memoria noftrorum patrum, quod Ticini non multos ab hinc annos huius rei nomine factum eft. Expugnarat Ticinum Lotrecchius, dux memorabilis; erat Ticini ænea ftatua equeftris, quæ Antonini Imperatoris dicebatur. Hanc Hoftafius Rhauennas, miles Lotrecchij, muros arcis, atque vrbis ascendens, cum primus ante omnes in urbem irrupiffet, ab fuo duce in hac expugnatione obtinuit, vt Rhauennam, in patriam præmij loco deportaret. Fuerat primùm hæc ftatua Rhauennæ; fed à Longobardis cuncta pœnè loca Italiæ obtinentibus, Ticinum fuerat abducta. Hoftafius igitur tanto munere lætus, multis operis coactis, eam fua fede moliri, & conuellere nitebatur; cum interea (nulla enim lababat ex parte) ex omnibus locis ad prohibendum subito concurrir; populus enim, qui iam fauiriæ militarcum fuerat expertus, quicquid vaftitatem fuz vrbis patienter viderat, fi iactura publici decoris faciendæ effer, paratus erat omnia pati potius, quàm vt res tam vifenda, tam illuftris è fua ciuitate auferretur. Parum igitur res aberat à tumultu vniuerfæ vrbis, hinc ciuibz obnitentibus, ne afportarentur, hinc Hoftafio milite diploma ducis proferente, quo fuam ftatuam iure belli iam factam effer clamitabat. Eunt igitur ad Lotrecchium: ciues vnâ cum Hoftafio copulari; & facta dicendi poteflate, Francifcus Botticella, quafi multò plus, quàm ciuitatis ftatus ageretur, deplorauit cafum, fi ftatua amittenda effer, tam variè, tam miferabiliter, vt lenito victore multis lacrimis, ftatutum denique fit, vt miles de fuo iure aliquid remitteret, & pro ftatua tantum auri à Quæftoribus acciperet, quantum ad muralem coronam faciendam effer fatis. Quamobrem fi in vna ftatua tantum decoris fitum effer arbitramur, quid ciuitati noftræ fiet, quæ tam multis ftatuis, eifq; admirandis effer exulta? Statua verò equeftris Cofmi, Magni Ducis, quæ princeps in platea fita effer, ea dignitate effer, eo artificio, vt, fi ingeniû fpectes artificis, antiquis ftatuis non concedat; fi merita fummi viri, qui exprimitur, intueare, omnino refipfa cunctis viris præferenda effer videatur. Cofmus enim viros omnes, qui apud

nos summi fuerunt, ingenij magnitudine superauit; qui reb: s. publicis administrandis ea semper vidit, quæ fugerant alios; ea etiam præstitit, quæ sibi laudem, salutem populis quotidie afferrent. Artifex verò Ioannes-Belga, dum virum, atq; equum miro exprimit artificio, miris omnino laudibus se extulit. Quicquid ingenio potuit, quicquid ex sua didicit arte, singulari studio in hoc opus contulit, & cum hæc poneretur statua, industriè respondit. Honestauit se iisdem laudibus idem Ioannes in statua equestri Ferdinandi Magni Ducis; quæ in platea Diuæ Annuntiata paulò ante statuta est. Spirat equus pulcherrimè vim naturæ: & vt se moueat ad iter, planè ostendit. Ferdinandus sua grauitate admirabilis, paternisq; vestigiis insistens, dum tota vita magnificè patrissat, hac illustri statua mirabiliter suam singulis horis rerum gestarum gloriam accendit. Statua igitur, si rem inspicimus, magnis viris, magnisq; pro meritis tribuuntur: sed illud tamen, quod Marius Gratidianus Romæ affecutus est, non ita laude videtur esse cumulatum, vt multum ei tribuendum sit. Erat Romæ quodam tempore ratio pecuniarum inconstans eo pacto, vt, quid quisque possideret, non esset exploratum. Variè iactabatur nummus; & in re nummaria nemo (vt mercatoribus mos est) in subducendis rationibus, vt in re explorata, affirmare aliquid poterat. Cum esset Marius prætor, de communi sententia reliquorum prætorum statutum est, quid obseruandum esset; sed solus ille ante omnes edixit, quanti esset vnaquæque pecunia in re nummaria. Id ipsum pro summo beneficio ab omnibus exceptum est: magnoq; illi honori fuit. Omnibus vicis idcirco statua facta sunt, atque ad eas etiam thus, & cærei adhibiti. Sed nostrum non est rem illis temporibus gratissimam secus interpretari, atq; illa æt estimauit. Cum satis tamen constet pro magnis meritis summis viris statuas esse tributas. Vt Andrea Dorio Genuæ in armorea statua posita est à suis ciuibus cum multis meritis, tum præcipuè, quòd deuictis aduersariis suam Rempublicam optimum in statum sua virtute deduxisset. Vt suis ducibus equestres statuas Senatus Venetus libenter tribuit; quorum operam fidelem, & salutarem benè gesta Repub. cognouit. Per multos alios possem enumerare, qui, vt fructum amplissimum, dignitatem statua adepti sunt; nisi aliò instituta oratio vocaret.

Omnis Respub. maximè vigilat, vt sit sua ciuitas maximè felix; cunctisq; bonis feliciter fruatur. Id ipsum præter cætera curat: id ipsum studiosè molitur, & vt cunctis commodis, atq; vtilitatibus ciuium cætus cumuletur, intentissima vigilantia vestigat. Quicquid est industriæ, ingenij, virium in ciuitate præcipuè, id omne ad conficiendam felicitatem adhibetur; quo in negotio non labori parcur, non sumptibus: sed vt præsto sit res tam insignis, tam expetenda, quicquid ubiq; opportunum est, sedulo conquiritur. Ij, qui id effecerint, qui docuerint ingenio, qui iuuerint consilio, qui præclaris doctrinæ monumentis suam urbem illustrarint, potissimùm deliguntur. Ex magno igitur numero clarissimorum virorum, qui apud nos magnis doctrinæ meritis ceteris sua virtute præstiterunt, delegimus ipsa lumina; qui si fraudati suæ laudis testimonio sint aliquando, elogium à nobis assequantur. Hi nunc sua sponte & mirabilibus dotibus lucent, & nostram hanc patriam egregiè illustrant. Delegimus, vt quisq; sua merita præ se fert, viros insignes singulari præditos virtute. Quamobrem vt rem eandem repetam, & quod sentio, definiam, non eo nomine hos viros delegi, vt meo iudicio probatos à ceteris postea probatum iri censeam; sed vt iam consensu omnium probatos decorandos esse doceam; atq; vnà etià ostendam, hanc nostram patriam clarissimis viris locupletem, cunctis pænè seculis clarissimis disciplinis floruisse, quando, quod summum bonum est, sua ipsi industria confecerint, & ceteris deinde hominibus liberaliter tradiderint. Sed quoniam duplex felicitas est; altera, quæ rebus humanis, atq; hominū artificio conficitur; altera, quæ diuinis rebus, & Dei præsidio comparatur, vtramq; summis in viris sum complexus; sed diuinæ felicitati omnia tribuens, quæ iure optimo hoc nomine appellanda est; alteram, quæ rebus humanis tantum nititur, vix nomine eodem appellassem, nisi ab iis, qui de rebus publicis scribunt, suis in libris nominata esset.



Doctrinis insignium
DIVVS ANTONINVS
ARCHIEPISCOPVS I.

7

ANTONINVS primò se se offert, Archiepiscopus Florentinus; vir ingenio mirus, mente verò omnium, qui sunt, qui fuerunt, eminentissimus. Hic lucubrationes tam multas scripsit, quæ diuinam sapiunt felicitatem (cum magnorum negotiorum curis quotidie distineretur) ut dum vitam, quam sanctissimè traduxit, unusquisq; admiratur, scientiâ rerû omnium in eo laudare non desistat. Primis ætatis temporibus quantæ virtutis vir fururus esset cum probitate, tum etiam doctrina, multis indiciis fuit exploratum. Res enim ita acta est, ut nullo pacto dubia fuerit vnquam, aut obscura. Publicis locis frequens erat, dum diuinis precibus operam daret, suamq; animi salutem Deo commendaret. Exhaustiri vitam cunctis ex viribus planè dixisses, si eum adorantem, dum adhuc puer esset, inspexisses. Quamobrem cum sibi vita traducta liberius non satisfaceret, cuperetq; cupiditatem efflorescentis ætatis persæpè nimis exultantem sanctissimis moribus illigare, statuit grauius sibi consulere, & Deo de meliore nota, vel puerili ætate, inferuire. Fuit illi cordisacer cœtus Diui Dominici cum insigni doctrina, qua semper floruit, tum multa sanctitate, qua fuit apud omnes admirabilis; hunc igitur cum expeteret, crebrò secum, multumq; animo agitabat, ut in eum reciperetur. Ecclesiæ Diui Dominici, quæ ab vrbe Florentia passus mille abest, sub radicibus montis, vbi Fesulæ non longe sitæ sunt, vir cum primus honestus, multoq; vsu tractandæ familiæ experiens Ioannes Dominicus præsidebat. Excitabat ibi Ecclesiam Diui Dominici à fundamentis vnâ cum ædibus, impensis tamen piorum hominum; & , ut quàm primùm haberi possent, satagebat. Erat tunc Antoninus annorum quinde im, cum ad hunc virum bono, ac firmato animo adiit; ab eo petiit demissè, ut in societatem eorum reciperetur, qui sub vexillo Diui Dominici Deo militarent. Hic tenui valetudine, pusillis membris primo aspectu hominè commouit, ut in societatem nō continuò accesseretur. Breuitas corporis ut esset minus sanitatis, minus etiâ ætatis fidem faciebat. Multis igitur verbis vltro, citroq; habitis, accerrimi ingenij puerum agnoscens, eundemq; sacris legibus

bus delectari, cum idemtidem Pontificias sanctiones meminisset, monuit hilariter puerum, vt tantisper conquiesceret, donec se nonnihil roboraret; edisceret interea Decretum, & anno vertente ad se rediret. Sentiebat admirabilis puer rem duram sibi imperatam; sed quò erat ardua magis, eò, vt sibi, quod erat imperatum, succederet, magis laborabat. Cum suam patientiam tentari intelligeret, exercuit se tamen eo pacto, tam multa cura, multisq; vigiliis, vt rediens ad constitutum tempus, facta interrogandi potestate, tam scitè ad ea, de quibus rogabatur, responderit, vt monstrum simile videretur, tam multas restam varias, tam inter se disiunctas vnus pueri memoriam comprehendere potuisse, quæ multos viros vel magno ingenio insignes defatigare potuissent. Obstupuit, qui aderat vnusquisq; cum ad ea, de quibus rogabatur, tam argutè responderet, cum omnia tam minutatim in digitos memoriter constitueret; vt totum volumen sine errati suspicione, & sine monitore recitare posse memoriter censeretur. Summa omnium voluntate, quorum præcipuè intererat, receptus est sacram in societatem, pauloq; post Cortonam missus, vt, quo se sacris literis erudiret, viris doctissimis operam daret. Puerili ætate exercuit se non pueriliter; clarissimis enim in disciplinis dum viris eruditissimis dar operam, tantum didicit ingenij acumine, vt non æquaret solum, qui ætate antecederent, sed hominum opinionem, quæ grauissima erat excitata, anteciret. In Philosophia, atq; in logicis facilis fuit totius temporis quasi decursus; nulla rerum leuium occasio, nulla puerilium cogitationum facultas temerata est, quò minus optimis studiis deditus rem propositam persequeretur opportunè, & cōficeret egregiè. Et profecto mirum fuit, hominem infirma valetudine, pusilli corporis, ex quo Antoninus dictus est, res tam difficiles, & arduas ediscere potuisse; qui viribus pænè destitutus, diruptusq; grauitè, vt aiunt, semperq; laboribus implicatus munia tamen publici oneris, & priuati obuiuit scienter, & salutariter peregit. Ingenium multo labore, multaq; industria subactum, expediendis negotiis opportunum, quod erat propositum, excipiebat facile, & nauiter conficere consueuerat. Ingenij magnitudo maximè perhibenda fuit in hoc viro; quod enim ars grāmatica tradit, à præceptore didicit tantummodo; res cete-

ras, vt aiunt, nobilioresq; disciplinas suo sibi Marte, adiuuante ingenio, comparauit. Suis contentus viribus cunctos philosophiæ recessus subtiliter emensus rerum sacrarum regiones peragrauit; atq; id tam scitè, tam doctè, vt mirarentur ij, qui eum eo quandoq; disputarent; qui discendi causa audirent, laudibus efferre non desisterent. Cum rem dissipar et rumor, & fama etiam augendo subsequeretur (rerum enim vsu, & annorum numero facta erat iam probitas robustior) ad dignitatem Archiepiscopatus Florentini, prensante nemine, vocatus est. Ad nomen plurimarum virtutum, & nobilium Pontifex Max. Eugenius III. excitatus hanc illi non petenti dignitatem obtulit; quæ fuit recusatio, supreme Deus, qui labor, honorem tam magnum ne acciperet? peterent alij è flamma dignitatem tam insignem, cum hic, ne afficeretur honore, paratus esset omnia perpeti potius, & quid vis difficultatis exorberet. Nihil reliquit intentatum, quo à tantæ dignitatis gradu se eriperet, sibiq; & Deo viueret, non hominum voluntatibus obsequeretur. Fregit se ipse tandem, cum Pontifex in sententia permaneret; victusq; dignitate viri conditionem cepit, & quo ad eius fieri potuit, vigilare pro multis, & nauare operam muneri sanctissimo instituit. Qui vir fuit suis in obeundis laboribus, in explicandis virtutibus, quas in libris legendis iam didicerat? qui ardor animi, vt dominaretur vis legum, vt ius suum probitas obtineret? Nihil ille, quod munus Pastoris vigilantissimi respiceret, omisit vmquam; exquirere in omnem partem, oculos intendere ita consuevit, vt nihil eum fugeret, nihil ipse omitteret, atq; omnia admirabili quodam modo administraret. Concionatus est crebrò magno eorum emolumento, qui conuenerant; Sedebat in eius labris persuadendi vis quædam admirabilis. Hic labor additus ad ceteras occupationes incendebat hominem, vt sibi non parceret, rationes conquireret, quibus, suis neglectis commodis, hominum vtilitatibus inferuaret. Vt salutem in suis, qui sibi commissi erant, lucraretur, ad sui vsque contemptum fortiter exarsit: atque id vnum spectans vt Dei negotium perageret, persèpè sui muneris prouincia peragrata corrigebat mores, proponebat virtutes, & vt mens deprauata vitiis ad suam ipsius salutem se conuerteret, hortabatur. In disciplinis humanioribus aliquando commoratus, si quid inesset, quod

10 *Elogia virorum Florentinorum*

laudari posset, eliciebat vir sublimis, rectisq; rationibus ad eodem muneris sui conuertebat. Præbita est ingenio facultas tunc, cum, quid in huiusmodi genere posset, res ipsa comprobauit. Obierat Nicolaus V. Pontifex Max. cui Calixtus III. successerat. Ad hunc publico Consilio legatio nobilium virorum ex numero Florentinorum ciuium Romam decreta est; in qua princeps rogatus à patribus Antoninus fuit, qui orationem haberet, & nostræ Reipub. nomine summam nouo Pontifici dignitatem gratularetur. Vir mirus in hoc negotio suisimilis fuit; orauit tam venustè cum gravitate, tam magna gratia cum veritate, vt gravitati oratoriæ non deesset, & muneri suo sanctissimè satisfaceret. Clarissimorum virorum confessus orbis terrarum nobilissimus miram in cunctis faciebat audientiam; sed viri sanctissimi dignitas omnino rem visendam efficiebat; nullum ei excidit dictum, quod corona nobilium virorum non expèderet, nullum verbum, quod is, qui audiret, non notaret, res nulla denique acta est, quam sedulitas vera, non artificium longè petitum non moliretur. Discessit consensu omniium, sed præcipuè iudicio Pontificis probatus. Profectus est iterum Legatus Romam, nobilissimis viris comitantibus, vt Pio secundo gratularetur; quam legationem, mandante patria, obiuit libens, & facultatem, quæ commissa erat, suppeditante ingenio, benè meditatus, vt solebat, grauiter peregit. Oratorem incensum, acrem, agentem præstitit res ipsa; magno tamen ingenio negotium actum est, vt artificium non desideres; summis quidem viris satis est, vt rem breuiter possint intueri, dicendi præcepta non requirunt. Vt quicquid in hoc viro industriz deprehenderis, bonitati naturæ, non artificio assignes. De summis meritis, quibus non sine Dei Opt. Max. voluntate in numerum Sanctorum cooptatum esse Sancta canit Ecclesia, nequaquàm hic ponam; aliàs præbebitur laudandi locus, (cum breuitati nunc studendum sit) vt aliquando de illis agatur copiosius, & res tam magna magis commodè tractetur. Sed tamen, quod omittendum non est, tantum ille, quocumque ibat, opinionis sanctitatis secum tulit, vt nemo esset, qui de eius virtute leuiter, aut mediocriter sentiret. Contigit igitur, cum esset Romæ, vt Eugenius Pontifex Max. grauiter ægrotaret. Præbò illi fuit Antoninus; officia Christianæ pietatis præstitit, nunc dolo-

dolores, qui morbo comitantur, ut patienter ferret, nunc æternæ salutis præmia proponens, eò hominem redegit, ut benè secum agi arbitraretur, si eo præsentē, atq; in eius complexu, ut tunc accidit, moreretur. Iam verò in huius Pontificis interrogno oneris Antonino permultum consensu Cardinalium commissum est; vigilauit igitur sanctissimè, ut in ferendis suffragiis abesset fraus, ut optimè vnusquisq; suo officio fungeretur, ut res in creando Pontifice rectè, atque ordine agerentur. Quæ ille integritate animi rem suscepit, eadem summa diligentia præstitit, & ut desideraretur nihil, atq; omnia rectissimè fieret, curauit. Quamobrem cum de eo, quierat successurus, ambigeretur, & qui clauum Reipub. teneret, quinque Cardinalium suffragiis Antoninus, ut Pontifex Max. esset, appellatus est; liquit enim tunc, cum res de eligendo Pontifice inter Cardinales non conueniret, eos etiam, qui Cardinales non essent, ad Pontificatum vocare, parumq; abfuit, quin Antoninus ad supremum illius dignitatis gradum omnium vocibus efferreretur. Scripsit ille humana quidem Minerua, si tantummodo verborum spectes artificium; sin sententiarum vim intueare, plus hic multò, quam qui vis hominum persequitur, qui sublimi stylo eò progreditur, quò profectò mos vsitatus scribendi non aspirat; diuino enim spiritu afflatus, quoties de Deo dicendum est aliquid, quam mirabiliter se se effert, quam altè euolat, quæ legentem vtiliter incendit? Dum eò, quò intendit, prouehitur, sentit lector tacitè se commoueri; experitur, se insciente, dum id agitur, quam fructus sacrarum literarum sit suavis, quam sit Sanctæ Ecclesiæ mysteriorum dignitas sublimis; ut, legendo cum se non mediocriter incendat, cœlestibus iam bonis intereisse, & salutem, quam exoptat, sitienter imbibere videatur. In opere, quod scribit de Virgine, Dei Matre, mirus est; quam ille verè, quam insigni dicendi copia rem pertractat; ita enim hanc virtutem pudoris, & sanctitatis considerat, ut in eam singulari inflant matum amore tacitè intelligas; ita sensus abditos sanctissimè dilatat, ut rem ipsam oculis planè perspicias. Sed cæmen dum dotes contemplatur virginitatis, atq; in ea singulas res expendit, declarat satis apertè, quam sibi tam magnum bonum sit cordi, quam salutare in se experiatur, cunctisq; etiã bonis præferendum esse putet. Lucubrationes de virtutibus

quas scripsit in ram, & viro sanctissimo dignam sapiunt sapientiam. Se ipsum pietate augeat, qui legit; multa cognoscit, quæ nullis in auctoribus inueniet; mens sublimis sublimia petit; dum, quod scriptum est, intueris, dum contemplaris ingenij magnitudinem, ut alitè euolat, eodem rapi te mirabiliter sentis, terrenisq; cogitationibus dimissis, cogitare cœlestia instituis. Satis se insigniter virtutibus exornat, qui hoc virtutum opus sedulò legit, & quod in iis colligitur, grauiter attendit. In eo præterea, quod de censuris Ecclesiasticis inscribitur, sui similis est, immò seipsum vincit, qui factus ad grauitatem, quanta in eis sit virtus, quanta vis, & planissimè describit, & quanti sit faciendâ, omnes, quorum permagni interest, admonet præceptis sanctissimis, & hortatur. Nemo omnino grauius hæc facultatem, nemo magis seuerè tractauit vnquam: quod enim ille scripsit, cum animo sanctissimè sentiret, tam acri stylo verborum, & sententiarum expresse, ut pœnam impiis, præmiū bonis tuis pœnè oculis propositum esse intueri videaris. Facultas præterea concionaria, quæ in eis, qui curam animarum suscipiunt, tantopere necessaria est, viguit egregiè in viro sanctissimo; non ille humanè præceptis rhetoricis confusus concionatus est vnquam; fulgurare, & tonare, ut de Græcis quondam dictum est, verissimè de viro hoc sanctissimo dici potest. Factis enim, non verbis, virtutibus, non ineptiis persuadet, qui sua oratione Deum, non hominum opiniones perpetuò considerat. Quamobrem permultis in concionibus, quas variis in locis suorum librorum sparsit, videre licet, quàm crebras assensiones appositè commoueat, quàm sanctè delectet, quàm doceat vtiliter. Conficit verè, quod vult, qui veris rationibus innititur, sensusq; hominum sedulò comprehendens, quo modo vult afficit, & quò vult, facile perducit. Quid? liber ille qui de faciendis concionibus inscribitur, nonne quanti esset vir eximius, planè ostendit? quæ res ad commouendos animos possit plurimum, quæ docere scrutatur diligenter, ita vestigat studio sè, ut fideliter rectis itineribus te ducat, & dummodo sanctissimè persuadere velis, res omnes tibi commodè suppeditet. Historia, quam scribit, & quam ab mundi initio ad sua vsque tempora perducit, & ingenij magnitudinem declarat, & admirabilem quandam diligentiam ostendit, Res gestas populorum,

vrbium

urbium situs, hominum mores conservatis temporibus ita comprehendit, ut quando velis, & ubi velis, suo ordine compareant omnia, tuisque cogitationibus commodè respondeant. Labor immensus, & summo artificio excultus homines doctos aliquando commovet, ut diligenter legerent, & quæ maximè memoranda essent, accuratè notarent. Extiterunt in iis viri doctissimi de Societate Iesu, qui res pænè innumerabiles, & scitu dignas graviter notarunt, & eas, quas quotidie hominum usus præcipuè requirit, ediscendas suo iudicio indicarunt. Adrianus porro Pontifex Max. qui Antoninum in Sanctorum numerum allegit, quàm graviter de viro eximio sentiret, egregiè ostendit; in Bulla enim Canonizationis disertè significat, multos scripsisse subtilius, neminem tamen, ut facit Antoninus, utilius. Idcirco eum Sanctæ Ecclesiæ doctorem declarat, eundemque, ut eius verbis utar, in Sanctorum Confessorum, & Ecclesiæ Doctorum Decalogo adscribit. Quid? quod mirum est, & cunctis rebus præferendum, quod optimè scripsit, in se ipso etiam optimè expressit. Nihil est enim in suis scriptis, quod cum suis sanctissimis moribus non consentiat. Verissimo artificio pinxit se ipsum vir insignis, ut ipse Antoninus nihil aliud sit, nisi id, quod à se ipso scriptum est; quod autem scriptum est, nihil sit aliud, nisi Antoninus. Hoc certissimo testimonio decoratus, quicquid alij afferunt laudis, non attendit; neque aliorum eget vocibus, qui, dum virtutem exprimit, se ipsum insciens sine fuco mirabiliter describit. Erat, ut dictum est, pusilli corporis, atque exigui Antoninus, sed in ferèdis laboribus excelsò animo, & sublimi; de quo illud benè dici potest;

Maior in angusto regnabat corpore virtus.

Iure optimo idcirco canon canonum Etruriæ, & Latij dictus est.

ALOYSIUS MARSILIUS. II.

CELEBR AVIT antiquior ætas ob multa merita Aloysium Marsilium, multumque laudis iure optimo ei tribuit. Virtus clarissimi viri magna fuit, dum vixit; ut sua sponte admirabilis omnem Italiam, atque etiam exteras regiones peragrata ubique locum omnem sui nominis gloria impleverit. In animo doctissimi cuiusque viget etiam nunc memoria tanti viri; quæ

nec obsoleuit obliuione, nec diuturnitate temporis extincta est. Ingenio magno fuit; cuius præsidio nobilissimas artes complexus tantopere profecit, vt sibi sapientiz apud omnes magnum nomen compararit. Fuit illi cordi potissimum vita optimis moribus, sanctissimisq; disciplinis instituta. Quamobrem & sua sponte, & diuinis monitis inuitatus in sacram militiam Diui Augustini Eremitani Ordinis cooptari voluit; vt qui vitæ munditiæ diligeret, à vulgari se conditione hominum remoueret, & Deo curas omnes, & cunctos vitæ sensus fortia animo dicaret. A Etas puerili traducta primùm est optimis studijs, & liberalibus. Sitienter imbibit, ingeniosè percepit, quod discendum erat, nec vmquam maioris ætatis cuiquā concessit. Exarsit ille singulari quodam modo ad laudem sua sponte; animoq; inflāmato mirabiliter sese commouit, simul atque virtutis via demonstrata est. Præclara indoles, & suarum virium conscia primis ætatis temporibus & sapere grauiter visa est, & humanæ imbecillitatis oblita ea ipsa appetere, quæ perrarò robustior ætas solet intueri. Adde cupiditatem in bonas artes, adde animi propensionem nullis vitijs inquinatam, quamquam iure optimo vim ingenij probes, singularem tamen industriam admirari nõ desistes. Audacter disciplinas clarissimas annis florentibus ad iutus animi dotibus complexus est; quibus tam longè, lateq; se extendit, vt etiam nunc fama admirabilis ingenij vigeat, & quæta iam fuerit, ostendat. Quod autem ad hoc vsq; tempus memoria clarissimarum rerum non sit imminuta, sed multis seculis permanserit, satis, vt opinor, indicio esse potest, vim quandam in eis constitisse, quæ perpetuò posset celebrari. Durat, vt apparet, adhuc summi viri gloria, quam nec temporis limauit diuturnitas, nec hominum obliuio imminuit; ita laus continenti tenore per manus tradita, nunc quanta iam fuerit, mirabiliter ostendit. Admirandæ indolis vim odoratus est Frāsciscus Petrarca; qui cū esset exacta ætate, Aloysium, quis esset, vix egressum è pueris cognouit, & quantus paulo post futurus esset, sedulo prædixit. Emergit vel florentibus adhuc annis virtus insolita, & insignis; multò est cunctis visa generosior, quàm quæ in singulis quotidie conspicitur; quæ cum ceteros tam valde anteiret, sui nominis laude clarissimorum hominum laudes corrogauit. Expectationem, quæ minimè mediocris ex-

circa

cirata est, non fefellit Aloysius; perfecit enim, quò se magis corroborat, vt maturior ætas ita suo cum initio consentiret, vt Petrarchæ, ceterorumq; virorum illustrium opinioniresponderet. Dedit igitur operam, vt se probitate primùm communiret, dein de ita animum nobilibus artibus ornaret, vt, cum coniungeret virtutem cum doctrina, operam suam vtiliter nostræ ciuitatis Reipub. & castissimè nauaret. Animus doctrinis exquisitis subactus, atque integer, bellissimè præstitit vtrumque; nobilissimorum iuuenum idcirco magnus ad eum discendi causa factus est concursus; disciplinas enim varias, & clarissimas edoctus potuit ille permultis satisfacere; quibus docendi officio dictum mirum est, quàm cupidè inseruierit, quàm responderit nauiter, quàm multos suis sibi beneficijs deuinxerit. Præclaris in artibus qui vir fuerit, permagnus summorum hominum, & discantium numerus declarat. Præter ceteros eminent Robertus Roscius, Nicolaus Nicolus, Ioannes Laurentius, viri planè doctissimi, atq; omnium iudicio probati. Aloysius verò acer ingenio, & vehemens in disciplinis Peripateticis enituit; ex eis tantum didicit, quantum ad summos homines erudiendos esset satis; eò tamen, quò se exercuit, ita ingenij præsidio peruenit, vt acerrimis in disceptationibus esset admirabilis, & in tradendis disciplinis utiliter opportunus. Testis est Poggius, vir insignis, qui eum ob multa merita laudat; testis est Leonardus Aretinus, qui suo quodam iure multis laudibus afficit; accedit laudatus vir celeberrimi nominis Petrarca, qui eum non solum summis cum viris comparat, sed cunctis omnino præferendum esse putat. Nō ille literas Sacras labris primoribus gustauit, sed, vt se ornaret intimis sensibus, maximè studuit; vt doctissimorum hominum more haberet publicè scholas, & de rebus grauib; copiosè, & subtiliter discereret. Hanc doctrinam in se, quoad potuit, excoluit, fuit industria, ingenio auxit, cunctisq; etiam ad se aduentibus liberaliter impertijt. Quod maximè perhibendum est, fuit nobilibus in doctrinis insigniter eloquens, & in summa eloquentia mirabiliter insignis. Potuit enim appositè, quoties fuit opus, & munus oratoris obire, & grauib; in disceptationibus, vel doctissimis viris audientibus, consistere. Magna ingenia res magnæ decent; Nihil fuit claris in auctoribus insigne, quod non didicerit; nihil egregium, quod non cognouerit; nihil tam

abdi-

16 *Elogia virorum Florentinorum*

abditum, aut tam difficile, quod sibi præcipuè ediscendum nō putarit. Peruasit igitur ingenij magnitudine, quò Augustini, quò Hieronymi; eos se feliciter extulit, quò Chrysostomi, quò Ambrosij peruehant. Dicendo tantum potuit, vt eo ipso orāte, eos qui audirent, commoueret grauiter, & vi quadam admirabili in suam sententiam traduceret. Vis quædam vehemens virtutis, atq; admirabilis in eo conuiescere non poterat; magnum semper aliquid, in quo se exercebat, postulabat; vt faceret egregiè, vt prodesset multis, potissimum studebat. Sermo grauis, & decorus diuinum quiddam olere videbatur; quoties de superiore loco ei dicendum fuit, oratio multa conficiens, & capitalis inusitato quodam ex fonte eloquentiæ profecta, quàm copiosè, quàm egregiè, quàm sanctè in eorum, qui aderant, animos influebat? quàm id faciliè, quod concupierat, docere, quam scienter, & ornatè commouere solebat? Cùm virtus summi viri magnum iam nomen adepta esset, statuerunt nostræ Reipub. ciues eandem publicis in negotijs adhibere. Appellatus igitur Aloysius huiusce rei causa & hominum expectationi egregiè respondit, multoq; etiam plus, quàm petebatur, explicandis multis virtutibus præstitit. Datum est ei negotium, vt legationes Reipub. causa ad viros principes obiret, magna auctoritate de rebus publicis ageret, & vt res postulabat, ad suum arbitriū liberè transigeret. Præterea quoties esset Senatus, publicis consilijs intererat, afferbat in medium, quid sentiret, multumq; sua sapientia publica commoda augebat. Apud quos ille viros principes in obeundis legationibus suam operam Reipub. nauarit, & quo etiam tempore contingerit, literarum monumentis parū constat; rem omnem penitus obliuio obruisset, nisi in principe æde extaret sepulchrum, quod summo huic viro huius rei causa, multaq; etiam ob merita publicè tributum est. Nostra enim ciuitas homines benè de se meritos magnis profectò præmijs prosequi solita est; vt dubitare debeat nemo, quin Aloysij in nostram patriam maxima extiterint merita, qui post mortem publico sepulchro decoratus tam magna sit signa beneuolentiæ adeptus. Non omni tempore, nec leuibus de rebus, sed perarrò, grauisimisq; negotijs tam clarum virtuti testimonium tribuitur. Insigni sapientia, summo ingenio, nobilissimis artibus præditus sit necesse est, cui tantum decoris defertur. Verborum
sonitus

sonitus, & pecuniarum dona inania sunt, si sepulchri honorem omnino spectes; non hominis conditio, sed virtus nullis fucata laudibus decoratur; habeant ceteri iactationem in populo, exultent vanis vocibus, dum modo liceat summo huic viro firmissimo hoc testimonio quodam modo secum gloriari, qui magnis meritis adeptus est, quod planè cunctis laudibus est præferendū. Statuis quondam priscis temporibus honor magnus habitus est, & nunc etiam habetur; sed dignitas sepulchri ea ratione excellit, ut ei iure optimo præferatur. Per multis statux multis meritis publico consilio decreta sunt, paucissimis sepulchra, ut Cicero factum esse Romæ præcipuè testatur; qui Ser. Sulpitio, viro clarissimo, quod mortem in legatione obierit, dum ad id hortatur Senatores, sepulchrum amplissimi meriti nomine sua sententia decernit. Statux intereunt, verborum laudes obsolescunt, sepulchrorum dignitas in dies fit sanctior, & quod summum est, vetustate augetur. Quid? quod nobiscum facit, in ipso Aloysij stemmate, quod sex rosis præcipuè conficitur, non ne aquila supra addita est? quo insigni, dum esset in legatione, ab Imperatore donatum esse Aloysium putamus. Quæ domi grata suis civibus virtus semper fuit, eandem longinquis in locis viris principibus gratam fuisse arbitramur. Non vnus viri, sed omnium hominum vna est sententia, admirandæ virtutis hominem fuisse, qui viros prudentia insignes ad se tam magno honore afficiendum ingenij magnitudine impulerit. Quod vir cucullatus publicis consilijs interfuerit, negotiaq; publica tractarit, legationes etiam publico nomine obierit, tam magnum est, ut numquam pænè contingat, & nisi testimonij causa tam multa prestò essent, nequaquam credibile visum iri sum arbitratus. Aloysium præterea legationes publico nomine obijisse cum purmulti dicunt, tum Leonardus Arretinus (qui eodem pænè tempore vixit) præcipuè testatur. Hic in maximis Reipub. perturbationibus nostræ ciuitatis & flagitatam esse industriam, & adhibitam affirmat. Docendo ille, & legendo muneri suo, hoc est summæ virtuti, numquam defuit. Multa scripsit, quæ partim hominum negligentia, partim iniuria temporum perierunt. Extant tamen, quæ etiam nunc asservantur, theologicæ quæstiones mirabiliter viles; vetus itidem, ac nouum Testamentum heroicis versibus exaratum; opus profectò translatum miris modis, si laborem

18 *Elogia virorum Florentinorum*

species, omni ex parte laude efferendum; si ingenium, iustissimis de causis probandum. Nihil ei, quod sit inutile, excidit unquam; nihil, quod summa cum gloria non sit coniunctum. Integer vita, doctrina admirabilis quicquid attigit, gloria cumulatum semper præstitit. Quod autem in Elogio Ioannis Acciajolij scriptum est, Aloysium nihil scripsisse, nequaquam ei, qui multa scripsit, fraudi esse debet; decem enim viri typis ante sunt impressi, quàm hi viginti nunc editi sint; admoniti enim potest, ne Aloysius sua laude fraudaretur, sedulo curauimus. Scripsit, ut diximus, multa, quæ non sine magno dolore hominum doctorum, & intelligentium desiderantur. Tam magna de virtute tanti viri apud suos ciues erat opinio, tam grauis autoritas, ut quod ille censeret, faciendum esse omnino cogitarent. Id eo tempore patuit præcipuè, anno 1387. cum Senatus Florentinus consultus ab vnâ partis legatis, de duobus Pontificibus, quid sentiret (cum vterq; sibi vni Pontificatum affereret) Aloysium consuluit potissimum, &, quod ille censuit, faciendum esse iudicauit. Volumina optimorum librorum, qui erant illi in amoribus, vndiq; collegit tam summa cum voluntate, ut summus cumulus amplissimæ bibliothecæ instar esset. Vir insignis, & alto ingenio præditus, quantum valeret virtute, his præclaris monumentis præcipuè ostendit. Hos ille libros omnes Ecclesiæ Sancti Spiritus legauit; qui incendio sacrarum ædium anno 1471. miserandum in modo perierunt.

LAPUS A CASTILIONCHIO. III.

LAPUS à Castilionchio, vir memorabilis, & iuris ciuilis peritissimus peregrinam laudem secum affert, multamq; ob virtutem, quam apud omnes præ se fert, iure optimo summis in viris numerandus est. Is nobili genere Florentinæ natus est; nobilibusq; parentibus nutritus multa vel puerili ætate didicit; iis rebus adiutus, posteaquam se corroboraui, spem magnam futuræ probitatis, & virtutis de se præbuit. Ex ea familia Lapus ortus est Florentinæ 1322. anno, quæ originem à viris clarissimis ducit, qui quondam in Quonam oppidum vallis Seuz imperium habuerunt. Hominibus, atque opibus fuit hæc gens potentissima, & longe, lateq; non solum in valle Seuz omni-
domi-

dominata est (cuius rei post longi temporis spatium non obscura etiam nunc vestigia apparent) sed in valle etiam Arni superioris; quo in loco 1204. anno, sicuti extat solennis stipulatio, Sinibaldus, Rainerius, & Aldobrandinus Faellam, & Faillam cum Pulicciano Ricafulis dederunt, vt ab eis Castilionchium compensandi negotij causa reciperent. Ex qua emptione factum est, vt familia à Quona nominari desita sit, atque in eadem nomen Castilionchij perpetuò infederit. Non erit igitur mirum, Lapum ipsum, cum à tam nobili stirpe, & tam generosa fuerit profectus, euasisse inferioribus temporibus tam insignē, & egregium. Impellebat eum ingenij magnitudo; inflammabat singularis animi cupiditas; & ne vllam in partem ab suis maioribus degeneraret, studiū veræ laudis hortabatur. Hic igitur vt iuri ciuili daret operam, Bononiam se contulit; vbi, cum esset progressus maximos adeptus, doctissimi iuuenis, optimisque moribus præditi dedit documenta. Contigit eo tempore cum Respub. nostra summa pace frueretur, anno præsertim 1348. vt publico consilio publicum gymnasium Florentiæ aperiretur: ad id, quò floreret magis, nostra ciuitas Doctores vsquequaq; doctissimos vocauit, magnisq; præmijs inuitatos ad se facile perduxit. Mouit igitur Lapum & patriæ amor, & rei dignitas, atque hominum doctissimorum auctoritas; præcipueque Lapi Abbatis Diui Miniati, viri consultissimi, vt se Florētiā lato animo reciperet; vbi, cum eidem Abbati daret operam assidue, quod antea didicerat, mirabiliter locupletauit; habendisq; scholis ob doctoris insigniam magna laude affectus est. Clarissimis suis ciuibus notus multorum, atq; eorum potissimum, qui summis præerant magistratibus, beneuolentiam collegit. Tractandis ciuilibus occupationibus, paulatim virtus tanti viri cœpit fieri illustrior; additis præterea nobilibus disciplinis, nulla occupatio tam magna erat, quam obire non posset nauiter, & singulari vigilantia conficere. Itaque cum sui faret potestatem suis ciuibus, consultusq; esset de rebus contro- uersis, aucta est in eo auctoritas, magisq; negotiorum concursus ad eum factus est. Id ipsum contigit non populari fauore, qui tamen in huiusmodi rebus spernendus non est, sed magno iudicio summi magistratus nostræ ciuitatis; quæ, quoties vsu venit, vt grauis disceptatio in rebus publicis oriretur, Lapi

præcipuè appellare solita erat, magniq; ponderis causas, vt ipse decerneret, doctissimi viri industriæ committere. Delectus itaq; per seipsum arbiter, singulari studio, acri vigilantia onus summi muneris persecutus est; quo in negotio cum clarissimis magistratibus, mirabiliter responderet, summoq; iuri, summæq; æquitati satisfaceret, eos omnes, quorum res agebatur, dimittere à se placatos consueuerat. Vir mirus, atque aditu facilis benignè excipiebat omnes, præbebat patienter aures, summæq; sapientia singulas perpendens, vt ipsa vis legum, & veritas postulabat, potissimum itatuebat. Quantopere his rebus gestis cunctis hominibus, se probauerit, consensu totius Reipub. apparuit. Oblata est enim, magno proposito præmio, honestissima conditio, qua Florentinorum iuuentutem cum moribus optimis, tum ediscendis legibus ad sapientiam erudiret. Hac opportunitate ius ciuile professus est: superiore è loco; docuit tam facile, vt esset nemo, qui sibi satisfieri non affirmaret; tam sciè, tam appositè interpretatus est, vt rem ipsam intueri vnus quisq; & completi videretur. Vir profecto insignis doctrina, atque in causis tractandis admirabilis euasit: nemo ab eo petiti opem frustra; nemo fidem, atq; industriam desiderauit; qui cum iuris esset consultissimus, quoties appellabatur, decrat nemini, sed quicquid poterat, in medium prompto animo afferebat. Vixebant huius viri ætate duæ ille factiones, Gueipha, & Ghibellina; quibus tota Italia, & magnis fuit calamitatibus addicta, magnisque dissidijs quandoque succubuit. Etenim cum eiectis Ghibellinis, importunis hominibus, nostra se ciuira subleuasset, vt perpetuo, tranquilloq; vitæ statu frueretur, quattuor homines, qui Sapientes vocabantur, graui consilio delegit; in quibus noster hic Lapis númeratus est. Exco- gitatos igitur à se mores in Rempub. induxit cunctis bonis probatos; leges præterea tulit salutares, atque optimas; quas si per homines turbulentos exercere licitum esset, non dicam multos annos, sed perpetuò nullum motum nostra ciuitas, vel furentibus seditionibus, sentire potuisset. Quamobrem prævalentibus Ghibellinis, anno 1378. exarsit dira seditio de repente, atq; eidem, eiusq; popularibus aqua, & igni interdictum est, tanta sauitia, vt direpta supellectile, inflammata sit domus, atque vsque ad solum deinde hostiliter excisa. Fuerunt

des huius nobilissimi viri non longe à templo Diui Remigij, atque à domibus Albertorum ciuium. Quamobrem Florentia expulsus Romam è vestigio se contulit; atque ab Pontifice, Urbano Sexto, summa cum beneuolentia exceptus est. Etenim quasi diuinaret, tempore ipso deinde Pontifici se se obtulit, cum posset sanctæ Ecclesiæ suam operam nauare. Erat tum Romæ Carolus Tertius, Rex Pannoniæ, cui de Regno Siciliæ, & Hierusalem contentio quedam minimè mediocris cum Pontifice intercedebat. Aduentus igitur Lapi opportunus utrique gratus fuit; ita enim variis disceptationibus proponendis vir clarissimus se se gessit, ut Pontifici mirabiliter, & ratus Regem sibi magna industria deuinciret. Cum esset causa, ut res inter eos conueniret, tulit Lapius ciuilibis pacificatoris laudem, amplissimisq; præmiis affectus est. Erat tum Carolus Rex Regni Siciliæ, & Hierusalem, eiecta Ioanna, nominandus; sed aliò Pontifex, aliò Rex re trahebat; eas proponebat conditiones Pontifex, quibus si Rex fuisset usus, necesse esset omnino, ut Regni iura minuerentur, minusq; commodi, & dignitatis ad Regem deniq; perueniret. Conuenit igitur inter Regem, & Pontificem, ut sibi quisq; arbitros deligeret, quibus rem committeret, & quod statuerent, rarum deniq; haberet. Quinque Cardinales iuris utriusque consultissimos delegit Pontifex; Rex verò vnum tantummodo sibi Lapum cooptrauit: præter eum habebat fidem nemini; in eo omnia sibi sita esse arbitratus est. Magnus honos in hoc negotio Lapi agitur; nec Regem sapientissimum hominem mira Lapi industria fefellit. Proponendis enim conditionibus eum finem habuit contentio, ut pars utraque contenta suis commodis, sublati dissidiis, lætaretur vehementer, & rem omnem vnius Lapi industriæ referret libenti animo acceptam. Hoc nomine lætatur Pontifex, exultat Rex; laudat uterque Lapum; & cum inter eos conueniret, ut vtriusq; ceremoniis corona Regia Rex insigniretur, vocauit Lapum ad se Pontifex, præsentem Rege, cunctaq; etiam cohorte, atq; his verbis usus est, Rex Carole, Rex Carole, hic Lapius (acciderat enim Lapius ad genua) ita per patrum hominum est; ut eum habere debeas præcipue commendatum; effecit enim suo ingenio, ut esses Rex. Quibus verbis respondit Rex, satis esse sibi exploratum, quantus vir esset, quanta fide, & doctrina; eoq; nomine se quam maxime.

ximè Pontifici eundem vicissim commendare; quòd cum vtri-
 que esset cognitum, quantopere illi præcipuè Sanctæ Ecclesiæ,
 & sui Regni iura cordi essent, non esse dubitandum, quin, cum
 vtriq; carus esset, vtriusq; beneuolentiam ob multa, magnaq;
 merita experiretur. Satis tamen constat, rem controuersam
 fuisse eo pacto, vt parùm absuerit, quin Rex, & Pontifex, re inse-
 cta, vterq; ab altero discederent; & cum dissentirent vehemen-
 ter, secutum esse Lapi opera mirum consensum vtriusq; partis,
 & rem à summo mœrore ad incredibilem læticiam peruenisse.
 Discedens Carolus Roma cum exercitu (ad Regnum enim Ne-
 apolitanum recipiendum profectus est) reliquit Lapum suis in
 rebus omnibus aduocatum; ad eum se scripturum, quid opus
 factum esset, & vt se gereret, vt antea factum esset, benignè, &
 grauitè admonuit. Non multum intercessit temporis, vt mor-
 tem obiret Lapi, multis non suorum tantum lacrimis, sed eo-
 rum etiam omnium, quibus vir summus notus erat. Magno
 dolore Rex, & Pontifex affecti sunt; doluit Pontificia cohors
 vnà cum Cardinalibus, vt ei, quem consultißimum, & pruden-
 tißimum meminerant, numquam se parem reperturum esse af-
 firmarent. Dolore totius corporis quatiebatur, cum ei dictum
 est, appropinquare cum Sacramento Eucharistiæ Sacerdotem;
 Nulla igitur commodi sui ratione habita de repente desiluit de
 lecto, flexisq; genibus sacrum Christi corpus adorauit; & sum-
 psit tanta pietate, vt caderent cunctis lacrimæ, qui aderant, &
 suam vicem viri clarissimi interi u miserari non desisterent. Vi-
 ta igitur integerrimè acta, & summi decoris vim nobis reliquit,
 & summum desiderium propter singulares virtutes secum tulit.
 Se ipsum enim primò, deinde ob multa merita suam familiam il-
 lustrauit. Quoties enim res grauis, aut controuersa incidit, ad
 Lapi iudicium referebat Pontifex, atq; eius industriæ commit-
 tendum existimabat. Cum Sanctæ Ecclesiæ quotidie operam
 nauaret, magnaq; negotia conficeret, Aduocatus Concistoria-
 lis summa voluntate Pontificis declaratus est; vt haberet (qua
 in facultate valebat plurimum) vbi se exerceret, atque in dies
 fieret illustrior. Prouehente eodem Pontifice, Bernardus
 eius filius dignitate Canonicius principis nostræ ædis deco-
 ratus est; quo in negotio sacris muneribus suam operam, &
 æquè nauauit, & quantopere vitam suam sanctissimis mori-
 bus,

bus, optimisq; artibus munierit, egregiè multis occupationibus susceptis declarauit. Honeſtauit præterea Pontifex Lapum dignitate Romani Senatoris; qui honos non niſi uiris clariſſimis tribuitur. Lapis enim patria pulſus, cunctis præſidiis ſpoliatus vna virtute duce ſubleuatus eſt; fulſit eius ſplendor ad oculos virorum principum, nec paſſa eſt, vt perpetuò in tenebris iaceret, qui præcipuam ad res præclaras illuminandas vim habebat. Decus enim non mediocri cum commodo admiſtum perfecit facilè, vt Lapis vitæ ſplendori non deeſſet, ſumptuſq; neceſſarios ſuppeditaret. Cùm floreret ciuitas noſtra ſummarum virorum maximis ingeniis (ne rem tam grauem ſilentio præteream) contrigit tunc potiſſimùm, vt Lapis hic noſter tractandis grauib; negotiis floreret. Miſſus enim Legatus publico Conſilio varias in regiones ad viros principes grauiſſimis de rebus, ſatis indicat, quantus vir eſſet, & quanti fieri iure optimo deberet. Fuit illuſtris Legatio ad Vrbanum Quintum, Summum Pontificem, qui tum ſacra cum cohorte Auenione cōmorabatur; principes erāt in comitatu Nicolaus Albertus, prudentiæ laude inſignis, & Carolus Strozzius, vir ſapiens, & grauis. Homini igitur de nobilib; artibus tam benè merito mirra audientia facta eſt. Neque enim Lapis vna iuris ciuiliſ ſcientia contentus fuit, ſed, vt magnis negotiis ſatisſaceret, dicendi vim copioſè, & enucleatè mirabiliter adamauit. Ad eundem Pontificem, cùm eſſet ille Viterbij, legationem Lapis itidem ſuſcepit; aſſuit, cùm id ageretur, Alexander Antellentiſ, inſignis iuris vtriuſque doct̃or, & vir valde honoratus. Legatione præterea functus eſt ad Gregorium XI. cū eſſet Anagnia; actum eſt tunc, vt res noſtræ Reipub. cū Pontifice conueniret; cū vterque ab altero vehementer diſſentiret. Præſto fuerunt in comitatu Pazzinus Strozzius, Alexander Antellentiſ, Simon Peruzzius, Benedictus Albertus, viri prudentia inſignes, & nobilitate præcipuè illuſtres. Miſſus eſt præterea Genuam, comitantibus Franciſco Rinuccinio, Stoldo Altouito; legatioq; è Repub. Florentina ſomma cum dignitate explicata eſt. Senas præterea euntem ſecuti ſunt Nicolaus Tornaquincius, Philippus Cauiccinlius, & Ioannes Mozzius; res acta ſtrenuè perficit, vt ab omnibus Lapis non mediocriter gratiam iniret. Ad Lucenſes demum legationem ſuſcepit comitante Nicolao Tornaquin-

naquincio; quam & obiuit prudenter, & quod erat mandatū, nauiter peregit. Vir singularis nobilibus laboribus semper intentus multa ingenij sui monimenta reliquit, quæ, quantum valeret, doctissimis lucubrationibus ostendunt. Tractatus insignis est; in quo agitur ab eo de vera nobilitate. Multis quaeritur rationibus, quæ nam sit ea nobilitas, de qua differitur; quæ ti ea sit, quàm colenda, ita multis verbis rem persequitur, ut probetur postea pulcherrimè, & necessariò concludatur. Huius rei exemplar Florentiæ apud nos in bibliotheca Diui Laurentij summa cum diligentia conseruatur. Tractatus de Canonica portione doctissimus utique est, atque admirandus; qui & viri clarissimi vim redolet, magnoq; precio ab iis, qui rerum sunt periti, ubiq; æstimatur. Tractatus præterea de Hospitalibus fonte ex eodem profectus eodem modo in precio est, atq; à doctis miris laudibus afficitur. Liber verò de Allegationibus, siue consiliis mirus est omnino, atque aureus; summo ingenio id opus, magnaq; doctrina, ut apparet, conflatum est; quicquid habuit Lapis ingenij, quicquid industriz, doctrinæ (cùm multa legerit, multa didicerit) in hunc librum sedulò contulit. Profuit tunc illis, à quibus in re præsentī Lapis est consultus. Nunc non minus prodest, aut potius dilataratus typis prodest magis. Nemo est, modo ius ipsum profiteatur, & de iure præcipuè respondeat, qui eo veris in causis non utatur, suisq; in bibliothecis non adhibeat. Clarissimo enim iure consulto cārere minimè potest, qui maximè est iure consultus; ita enim agitur causa à viro doctissimo, ut veritas, non fucata malitia, res ipsa, non calumnia litium vlla conspici posse videatur. 140. Consiliorum numerus totius panè iuris instar est; quo si quis benè, atq; industriè utitur, satis sibi appositè, & verè iure consultus haberi poterit. Extant orationes variz, quas diuersis habuit in locis, dum patriæ legationis munere inseruit. Non minus ei facultas iuris civilis, quàm vis oratoriz artis nota erat. Qui Rempub. tractent, deliguntur homines cùm magno ingenio præditi, tum summa virtute cumulati; qui curam sibi creditam tueri, & dignitate, & commodis augere dicèdo possint. In quo quanta fuerit Lapi dignitas domi, forisq; summa dignitas eorum, qui Lapum comitati sunt, indicio esse potest. Legitur præterea Epistola ad Lapum missam Francisci Petraræ
sa. is

fatis elegans; vir, illustris à viro illustri commendatus, mirum, quantopere delectat, quàm cunctis laus præterea insignis iure optimo probatur? Vir benè doctus & doctrinam viri clarissimi mirabiliter perpendit; & quanti sit, suo testimonio (quò quid grauius?) confirmat. Hæc familia à Castilionchio quàm semper à pietate insignis fuerit, quàm generosa, vel ex hoc faciliè apparet; etenim, cum fuerit à multis diuitiis copiosa, multas Ecclesias suo sumptu à fundamentis excitauit, donis affecit, cōmodis auxit; &, quibus rebus potuit, locupletauit. Fuit præterea alius Lapus, Auerardi filius, Lapi superioris nepos, miro ingenio præditus, literisq; nobilibus ornatus. Hic doctrinam multiplicis generis edoctus, cum linguam Græcam, & Latinam egregiè didicisset, ex Plutarchi Græca lingua xiiij. vitas virorum clarissimorum in Latinam linguam multo labore, multaq; industria conuertit. Vix sibi fore licitum arbitratus est, vt, iam tã multis literis illustrata familia, cessaret vtiq; vt iis præcipuè mos esset, qui nulla imitandæ rei præclaræ facultate vterentur. Indoles insignis florentibus annis id dedit virtutis specimen; vt si diutius vixisset, nemo eum ingenio, & literis superaturus videretur. Raptus è medio flore ipso ætatis, cum suos dolore affecisset, mirum eis itidem, qui eum nouerant, desiderium reliquit. Quantum erat vir futurus, quàm mirus, quàm experiens, qui vix medium vitæ cursum ingressus (mortuus est enim anno tertio, & trigesimo) tot monimenta admirandæ industriæ reliquit? Floret hæc familia etiam nunc, quæ à Castilionchio dicta est; cuius pars minimè illa quidem à Castilionchio diuulsa, sed adiecto nomine Zanchinia nominata est, cum vna, eademq; re ipsa sit. Hæc vna igitur familia, sed duplicis nominis habet ius in Ecclesiis, quæ à Quona, atque à Castilionchio, itidemq;, quæ à Miransu nuncupatæ sunt, nonnullisq; etiam aliis in locis, vbi huius eiusdem familiæ vna cum agris sita hæc oppida fuerunt. In Castilionchio verò, quò ad solum hoc tempore excisum est, huic familiæ Zanchinæ ius, & auctoritas est. Præterea Ioannes Zanchinius à Castilionchio in Templo Diuæ Crucis prope portam, quæ princeps est, sacellum ædificandum curauit, eo potissimum in loco, vbi Lapi, de quo loquimur, fuerat antea sepulchrum. Cuius rei nomine hoc Epitaphium (quò Lapi virtus sit testator) ibidem legitur.

Si tibi quos patria, & virtus Lape maxima fasses

Tradidit, exilio perdidit inuidia;

At tua non odium, non mors, non tempora possunt

Perdere, quæ reparat nomina clara nepos.

Fuit omnino hic Lape sollertia insignis, ingenio sublimis; qui, cum multis premeretur incommodis, non lacrimis, aut defidia fractus est, sed ab animi magnitudine præsidium petendū esse duxit. Contra ærumnarum concursum suarum virtutum concursum aduocauit. Fortissimè ille, si quis vmquam alius, præliatus est; nec cessit vmquam vel iniquissimis viris, nec minitantibus malis demum victus est. Suorum ciuium iniuriis coactus solum vertit, patriaq; diu orbatus est; Sed tamen hoc exilio dignitatem suam non imminuit. Subleuatus egregiis artibus, præclarisq; rebus gestis adiutus, iniuriæ quicquid erat, patriæ condonauit, suisq; se virtutibus miro quodam modo cōsolatus est.

ALDOBRANDINVS CAVALCANTHIVS. IIII.

LONGE ab his temporibus enituit Aldobrandinus Cavalcantius, natus Florentiæ nobilissima familia. Hic natura factus ad religionem, conculcatis sui seculi voluptatibus, vt in se veram virtutem exprimeret, opus sanè arduum aggressus est.

Tenui enim valetudine, domiq; suæ delicatis moribus nutritus, hilarè tamen in Religionem Diui Dominici ingressus est, diuinisq; præceptis se subiecit tam magna animi propensione, vt in vigiliis voluptatem, in labore quietem experiri videretur.

Sed diligenti Deum nihil omnino durum, nihil arduum; victis enim difficultatibus, quæ aliis bellum faciunt, & quæ proponebantur, fortiter excipiens, nauauit operam suæ Religioni studiosè, & Deo ardenti animo insertiuit. Mirabiliter coluit in primis patientiam; fuit cordi humilitas; qua se ipsum pænè despiciens, vt à Deo iniret gratiam, magna contentione multiplici virtute se exercuit. Dedit ille operam primis ætatis temporibus nobilibus literis tanto studio, vt sibi non parceret, & dum modo magno se fructu auget, nullum laborem, nullam molestiam, nullum incommodum vmquam recusauit. Incubuit in philosophiæ studium vehementer; curauit, vt quæ in ea optima

optima sunt, optimè cognosceret, atq; eisdem in amplificandis virtutibus vteretur. In sacris tamen literis omnia ei sita erāt; in id ipsum laborem, studium, conatum omnem conferebat, vt non solum res præclarissimas edisceret, sed in se ipso virtutes quoque grauitè, & verè explicaret. Minimè ille ostentationis gratia, aut voluptatis hæc huiusmodi studia adamauit; Sed vt ea grauib; in negotiis adhiberet, & se ipsum ad exemplar virorum sanctissimorum conformaret. Quamobrem in familia Diui Dominici cū euassisset multis virtutibus admirabilis, nec sibi tantum, sed aliis quoque prodesse posset, vel multum recusanti à suis gregalibus grauisimæ administrationis munera delata sunt; in quibus ita se se gessit (neque enim in viro clarissimo dormitauit vñquam virtus) vt suum mirabiliter officium impleteret, atq; omnem expectationem, quæ de se maxima excitata erat, superaret. Versatus est arduis in negotiis magno ingenio, magnòq; animo; explicauit vim industriæ per egregiè suo more, & sanctè; quibus rebus, dum summa virtus omnium vocibus celebratur, excitati sunt viri graues; qui, cū Aldobrandinum maximarum dignitatum gradibus dignum iudicaret, Gregorium Decimum, Pontificem Maximum suis vocibus impulerunt, vt eum Oruiti Episcopatu decoraret. Quæ recusatio, supreme Deus, à viro innocentissimo facta est? quā se ille suo iudicio imminuit? quā, ne acciperet dignitatem, multis verbis, quicquid erat in se virtutis, extenuauit? Eò redacta res est, cū ille se indignum, qui deserebat, dignum iudicaret, vt obiurgatione quodammodo, & censuris ad dignitatē accipiendam adigeretur. Præfuit igitur sacro huic muneri summa cum laude, atq; ita præfuit, vt nihil omitteret, & quod erat sui muneris potissimum, persequeretur. Maxima ab illo rerū sacrarum ratio habita est, quam vel vitæ periculo constantissimè defendit, & ne vsipiam imminueretur, quanta potuit vi maxima, curauit. Sacris concionibus dedit operam assidue, vt moneret homines suæ improbitatis, vt vitia obiurgaret; bonos autem vt confirmaret, & vt permanerent in sententia, quibus poterat rebus, inflammaret. Fructum omnem, quem ex Episcopatu capiebat, in egentes erogabat tāta cum animi propensione, vt vix sibi aliquid ad necessarium vitæ vsum reseruaret. Numquam, dum hæc ageret, vñlo tempore prætermisit,

quin (ut res se se offerebat) varias virtutes exerceret, res commodas proponeret, & gregem sibi commissum sanctissimis preceptis erudiret. Tractandis negotiis magnū vsum quotidie affequebarur; ut non magno tempore vir valde experiens, idemq; doctissimus omnium iudicio haberetur. Quamobrem cum Lugdunum Gregorio eundum esset, quò ipse grauissimarum rerum causa Concilium condixerat, deliberatius ei nihil fuit, quàm ut Aldobrandinum Romæ Vicarium relinqueret, qui onus Pontificis Max. tantisper sustineret, quàm diu esset abfuturus. Habebat Summus Pontifex Aldobrandini benè cognitos mores, quanti ille esset, expertus fuerat: cunctisq; in locis seditiosis hominibus ad arma excitatis, magni ingenij viris tam erummosis temporibus erat opus, qui pacem Italiæ, quietem perturbatis animis afferrent. Hæc ipsa Maximi Pontificis summa animi industria de Aldobrandino (qua quid nobilior, quid maius excogitari potest?) tantum omnino iure optimo valet, ut sit cunctis laudibus gloriosè præferenda. Certissima enim opinione statuere animo, eum, qui Pontifex non sit, Pontificis munia obire posse, tam magnum est, ut is, cuius virtus etiam periclitata est, quouis amplissimo gradu dignus esse videatur. Et profectò, quicquid sapienter in disciplinis nobilissimis didicerat, sapienter explicauit in hoc onere Pontificio; gessit enim se summa cum vigilantia, & grauiter; nec defuisset ei, ut hominum est opinio, dignitas maior, si Gregorius Romam (mortuus est enim Regij) incolumis ex Gallia rediisset. Dum curam rerum amplissimarum Romæ sustinet, magno dolore vir probus, atq; integer affectus est. Iniquissimi enim homines graues inter se inimicitias tota Italia exercebant; crudeliter certabant odiis; neq; vrbes modo, aut oppida, sed singulæ etiam familiæ factionibus Guelphorum, & Ghibellinorum diuisæ atrociter dissidebant; nec qui tot ruinis, & cædibus consuleret, aut mentes deprauatas sanaret, reperiebatur. Homines sua peruersitate incitati quin Aldobrandino facerent negotium, non desierunt; quibus tamen vir probus, & pius diuino præsidio adiutus restitit vehementer, & ne quid detrimenti caperet Ecclesia, summa vigilantia prouidit. Vir apprimè insignis probitate, idemque doctissimus dum vitam suam exornat sanctitate, facile (vel se insciente) posteros suæ familiæ illustrauit. Valuit enim in illo

tantum

tantum vitæ integritas, & morum mundicia, ut multi eum Beati nomine nuncupauerint; quasi nihil defuerit ad summam clarandam sanctitatem, &, ut Sanctorum in numerum reciperetur, nisi Ecclesiæ, & Pontificis Max. declaratio, & auctoritas. Fuit ille, quod farentur omnes, vir summus in philosophia, summusq; etiam theologus; ut sibi præsidio esset, philosophiâ attigit; ut se penitus ad Dei Opt. Max. voluntatem conformaret, Theologiam ascendit; qua, & sibi mirabiliter profuit, & per multis maxima commoda suppeditauit. Reliquit scripta maximè utilia, plena doctrinæ, plena pietatis. Extant adhuc conciones Latine super diebus Dominicis totius anni, & Sanctorum festiuitatibus; quæ non doctrinam solum, sed mores probatissimos testantur. His lucubrationibus, qui legerunt, tantum tribuunt, ut in eius laudibus nihil reliqui sibi faciant, & res singulas in huiusmodi scriptis admirentur. Omissum nihil est, si animorum salutem intueare, quod mira sedulitate non attigerit; nihil in medium protulit, quod non iure optimo probandum esse putes. Facile illi fuit verbis effingere, quod rebus explicauit; cuius vitam nobilissimis artibus ornatam dum inspicimus, nonne animum clarissimis conflatum virtutibus intuemur? Reliquit præterea sermones maximè utiles de rebus pluribus, & variis; quibus profectò plantum factum est, quàm multa vir eximius didicerit, quàm optimè cognouerit, quàm literis prudenter explicarit. Satis noti sunt patribus Diui Dominici; qui dum eos legunt, & nobiles artes in se augent, & suum animum præceptis salutaribus exornant. Utinam typis excusi aliquando in publicum exirent; quæ viris doctis occasio præberetur in doctrinis variis tradendis, quæ facultas in animis iuuenum sanctissimè excolendis? Ingenij fecunditas efficeret, ut virtus, quæ in illo fuit admirabilis testata esset magis, & c'arior. Venetiis in bibliotheca Canonicorum Regularium Diui Saluatoris conseruantur lucubrationes Aldobrandini super Diui Ioannis Apocalypsi, atq; ita conseruantur, ut multum eius loci patres illis tribuant. Vir ingeniosus multis rationibus facultatem abditâ, & obscuram ita declarat, ut, quæ in eis reperiuntur, mysteria perspicuè aperiat, & p'sanisimè explanet. Qui iudicare de hoc opere egregio potuit, magnis extulit laudibus; qui lectioni nobilissimorum laborum dedit operam, nequit expleri animo, quin

quin rem omni ex parte absolutam, & luculentam maximè dilaudet. Hæc quæ scripsit Aldobrandinus, cum omnium iudicio probentur, satis sibi indicio sunt sua verustate (etenim circa annum 1270. scripta sunt) optima esse, & cunctis etiam laudibus efferenda. Et profectò à vitiis temporum, ne tam bonæ lucubrationes extinguerentur, virtus præstantissima eximij viri in causa fuit. Quæ minimè placent, quæ non leguntur, neque etiam describuntur, omnino brevis ævi sunt; voluminum enim celebritas tunc diuturna est, nec vlllo pacto extinguitur, si eis laus perpetua comitatur. Id ipsum in scriptis Aldobrandini pulcherrimè vsu venit; qui multum intelligunt, legerunt viri doctissimi, & ne rerum optimarum splendor obsolesceret, æquabili quodam temporum tenore præstiterunt. Florentiæ mortem obiit Aldobrandinus non solum suorum gregalium, sed totius etiam ciuitatis dolore; Luxerunt propinqui, desiderarunt viri graues, & quicumque eum nouit, dedit ei verborum, & lacrimarum testimonium. Vt tunc tempora tulerunt, sepultus est sūma cū dignitate, & magnificè in Ecclesia Diuæ Mariæ; quæ quia instaurata est, Nouella postea nuncupata est; Anno 1279. Aedificationem huius pulcherrimi templi, ne rem egregiam silentio præteream, non consilio solum, atq; auctoritate, sed labore, & pecunia iuuit Aldobrandinus mirabiliter; quibus rebus vir indutrius tantopere profecit (subiecit enim se oneri grauissimo sua sponte) vt, quæ necessaria erant, curarit diligenter, & ne quid deesset ad rem persequendam, sapienter prouiderit. Nunc, quoniam multos viros hæc illustris familia tulit, eosdemq; clarissimis artibus insignes, res ipsa quærit, ne ij, qui maximè eminent, suo test. monij merito fraudentur; addemus ergo aliquid de Guido, deinde etiam de Bartholomæo tamquam auctarium; ne, si præteriti silentio essent, admirationem, & querelam hæc fuga laboris parere posset. Fuit Guidus vir omnino absolutæ virtutis admirabilis. Is tam magno ingenio fuisse dicitur, vt neminem suæ ætatis ei iure optimo preferendum esse putes, sed cunctis eundem præstitisse planè affirmes. Eodem tempore, quo Dantes, vixit Guidus; tulit enim illa ætas vsquequaq; viros clarissimos nobilibus in literis; tamen si spoliata esset opportunitate, quæ copiosè nostræ ætas fruitur (libris enim typis impressis vti non potuit) quasi

tam magni præsidij egestas præsidio esset, potuit tamen stimulus libros sua manu describendi acuerè ingenia, inflammare animos, atque opportunè homines doctissimos efficere. Nunc dies est nostra hæc ætas à librorum copia tam valde, vt tot voluminum lectioni (qui numerus panè est infinitus) iam non fatisfaciat. Quæ igitur nunc debet adiuuare, obest fertilitas; nimiusque prouentus, quod mirum est, vim ingenij difficultatibus inuoluit, & incommodè moratur. Magno quondam, (secus, ac nunc fit) venit pretio liber mediocris magnitudinis; nec cuius facile erat bibliothecam multorum voluminum consistere. Librorum inopia fortasse locupletauit ingenia, quæ nunc summa copia debilitat. Fuisse dicitur ætas illa, de qua dicimus, valde à claris viris copiosa; in qua Dantes, Guidus Caualcantinus, Dinus Garbius, Turisianus Rustichellius, pauloq; post Boccaccius, Petrarca, Lapus à Castilionchio, ne dicam de exteris, floruerunt. Quod multa Guidus scripserit, non defunt, qui affirmant; vt de eloquentia sui seculi, de regulis linguæ Tuscæ, de natura verborum, quibus sit oratio numeris astrictior, artificij ornator: Vir summus ingenij magnitudine sublimia spectans, humaniores literas contemnens totum Philosophiæ corpus complexus est. A poetis, atque ab huiusmodi scriptoribus non ille quidem abhorrens, sed, dum illis studuit, planè despiciebat, totum se Philosophiæ tradidit excolendum; vt in cantilena, quæ ad nostram ætatem iam peruenit, hoc est, in poesi, nihil, nisi philosophiam olere videatur. Qua propensione animi tantum didicit, atq; eò incredibili diligentia progressus est, vt primæ ab omnibus in philosophia deferrentur ei partes: cunctisq; qui tunc vivebant, apud nos in hoc genere præferretur. Hæc ipsa cantilena admirabili industria scripta est, omniumq; iudicio probata; vt eam tamquam ex vngue leonem viri doctissimi inspiciant; eandemq; sic admirentur, sic probent, vt nihil ea nec doctius, nec ingeniosius fieri posse arbitrentur. Hanc cantilenam, quia obscuris, abditisq; sensibus confecta est, Dinus Garbius, summus Philosophus commentatus est. Huic negotio itidem non defuit Egidius Columna, Cardinalis amplissimus; qui, dum cogitationes nobilissimi operis scrutatur, quātus vir fuerit Guidus, multis verbis planissimè demonstrat. Interpretatus est etiam Paulus Rubeus, insignis Melitenfis eques; atque

atq; hanc eandem operam clarissimi viri memoriz Iacobus Minius, Plinius Tomacellus, & Hieronymus Frachetta, homines doctissimi nauarunt; quo in negotio res ita acta est, vt Guidi summa gloria cum summa laude interpretantium extiterit. Postremo Celsus Cittadinius, natione Senensis, multum operæ ad Guidi nomen illustrandum contulit. Studiosè vir mirus elaborauit, vt, quibus rebus posset, quicquid est scriptorum, quod ad Guidum pertineat, vndiq; corraderet diligenter, & colligeret. Quid? nonnè Petrarca, & Boccaccius suo testimonio hunc virum magnificè extulerunt? Boccaccius autem tanti fecit, vt cum cunctis, qui cunctis in locis philosophiz rationes attigerunt, omnino præferendum esse putet. Valorius ita celebrat, vt eum admiretur, & ceteris sui temporis vel doctissimis viris anteponat. Vgolinus Verinus miris eum afficit laudibus, &, quanti fieri debeat, his versibus testatur;

*Ipse Caualcantum Guido de stirpe vetusta
Doctrina egregius numeris digessit Hetruscis
Pindaricos versus, tenevosq; Cupidinis arcus.*

Conseruari Romæ in bibliotheca Vaticana alia etiam scripta dicuntur huius eiusdem Guidi; quæ, vt cetera, elegantiam eandem redolent; quæq; si in publico extarent, omnino laudem, vt creditur, viri clarissimi merito auferent. Quod in elogio Ioannis Acciaiolij diximus, nihil reperiri de scriptis Guidi præter vnâ cantilenam, ab eo, quod hic posuimus, non abhorret. Perexiguum est præ multis lucubrationibus, quas scripsisse dicitur, quæ vetustate temporis interierunt; eas tamen suspirantes petimus, &, dum laudes viri præstantissimi cogitamus, ipsum nos desiderium consolatur. Præterea nostra pænè ætate fuit insignis Bartholomæus Caualcantius; de quo nunc, quæ scribamus, hæc collegimus. Fuit igitur hic vir multis literis, eisq; elegantibus ornatus; præcipuè tamen ab omnibus mirus orator habitus est. Minimè ille in liceras abditus, vt permultis vsu venit, omnes vitæ suæ annos silentio traduxit. Sed, quicquid didicit, & agendis negotiis explicauit nauiter, & vt ingenij sui monumenta legi possent, literis mandauit. Complures, quas dixit, leguntur conciones, multa elegantia, atque artificio perpolitæ. Ad hunc virum, tamquam ad viuum oraculum, sui temporis ætas concurrere solita erat; vt in rebus dubiis, & arduis,

arduis, quid tenendum esset, eo disceptante, liquidò cognosce-
ret. Magna erat de viro clarissimo opinio apud omnes, nec
minor erat doctrina, qua tam magna auctoritas conflata est.
Leguntur nonnullæ lucubrationes poeticæ super tragædia qua-
dam, magno profectò ingenio confectæ, quæ Bartholomæo do-
ctorum hominum consensu tribuuntur; quas tamen, quia pro
certo non asseritur, neque ego hic pro certo ponere ausim; cu-
iuslibet tamen fuerint, optimas esse scimus, doctorumq; viro-
rum iudicio probatas. Huius summi viri præterea epistolæ nò-
nullæ extant scriptæ magno artificio grauib; potissimùm de
rebus; præ ceteris duæ magis celebrantur, quibus affatur Fran-
ciscum Gallorum Regem, & ne Turcarum amicitiam expetat,
verissimis rationibus dehortatur. Vir mirus, dum Regi persuad-
et, & nihil ei minus conuenire, quàm vt se contra Carolū Quin-
tum cum barbaris fœdere coniungat, quantum Christianæ pie-
tatis præ se fert, quantum religionis? Etenim ab eo res ita agi-
tur, vt mirabiliter habeat conditionis Regiæ rationem; ita re-
rum grauitas expèditur, vt Ecclesiæ sanctitate nihil ei sit anti-
quius. Et profectò quò quisq; est ingeniosior, & magis sapit; eò
vim diuinæ legis imbibit magis, magisq; etià obseruat. Tracta-
tus de metandis castris, quibus Romani duces utebantur, ad-
mirabilis est, doctorumq; iudicio probatur. Homines milita-
res magnum idcirco huic viro debent beneficium, atque eius
industriæ multum tribuunt. Liber verò, qui omnium manibus
iam teritur, quo præcepta eloquentiæ complexus est, nonne
ostendit, quàm multa didicerit, & quàm valde cunctis in hoc
præsertim dicendi artificio præstiterit? Hoc nomine de illo cre-
brò dictum est; Rhetor rhetorum Tusciz. Tantum industriæ
hic labor præ se fert, tantum ingenij, vt scripssisse eodem modo,
quo orauit, appareat: Rem vnā omnium præclarissimā ag-
gressus & mirabiliter persecutus est, & sapienter conclusit. His
enim scriptis, & lingua nostra Tusca locupletata est, atque ipsa
dicendi ars omnium commodis exposita, dum ab omnium in-
genijs gustatur, benè mereri de genere humano singulis ho-
ris non desistit. Insigniter laudat Franciscus Sansouinus hoc
Rhetoricorum opus, quod Barhaolomæus septem voluminibus
doctrina admirabili confecit; facultatis enim (si benè rem per-
pendimus) totius Rhetoricæ iustar, est. Res nulla in dicendi arte

experitur tam obscura, quam summus hic ora, or non declaret, nulla tam difficilis, quam non explanet, nulla tam ardua, quam penè oculis claram non subiiciat. In hoc Rhetoricæ artis labore omnes nostræ ætatis, qui hanc facultatem attigerunt, omnium concessu Caulcanthius superauit.

BEATVS PHILIPPVS NERIVS. V.

ADEST præterea Philippus Nerijs, vir planè ad pietatem factus mirabiliter, & sanctissimis moribus illustris. Hic optimis parentibus natus Florentiæ, dum facilitatem, & comitatem præ se fert, dum se salua probitate ad mores omnium accommodat, dum se optimis disciplinis erudiens doctrinam omnibus, & veræ vitæ fructum liberaliter impertit, faciliè perfecit, vt vnus è multis non sine admiratione omnium tamen crederetur. Nemo enim fuit, dum suppeditantem omnibus quicquid poterat, studio, opera, ingenio intueretur, quin maioris cum arcani operis vim moliri intus animo existimaret. Quod alij temporis scribendis lucubrationibus consumunt, rectissimis ille in se ipso vitæ suæ rationibus explicauit; & vt de Socrate memoriæ proditum est, qui literam nullam scripsit, sed vt de se scriberetur ab alijs, vitæ modestia, atque optimis moribus facile præstitit; ita vir hic sanctissimus, & si, vt scriberet aliquid, neglexit, vitæ tamen sanctitate tantopere profecit, vt dū vixit, genus humanum salutaribus beneficijs affecerit, & Pater patrum Oratorij Romani à se conditi dictus sit. Dedit tamen operam, sua permittente probitate, nobilibus literis; fuit cor di philosophiæ studium, ea ratione tamen, vt illa diuinū opus intueretur, & Dei sapientiam agnosceret. In doctrinis sacris, quibus se dediderat, cunctasq; suorum sensuum cogitationes dicarar, Diuum Thomam Aquinatem constantissimè secutus est. Legit ille libros multos, eosq; claris artibus salutares; quibus & se grauiternauit, & cum ad eos se conformaret, animum suum communiuit. Colebatur ab eo Diuus Thomas præcipuo quodam modo præter ceteros; in eius doctrina vti iter proficere, & conquiescere salutariter solebat. Qui vnà cum eo erant, iisdemq; studijs tenebantur, admirabantur ingenij acumen, facilitatem vitæ, morum sanctissimorum præstantiam. Nullum dictum

dictum auditum turpe, aut liberius prolatum; nulla leuitas in eo, aut inconstantia nominata est; quæ res florentibus in annis dominantur. Ita enim mentis munditia omnes vias præferat, quibus ad deprauandos animos aditus præbetur, ut vitæ omnia posset, cunctisq; suis in moribus dominaretur. Quærunonnulli, ut viris doctissimis mos est, reliquerit ne posteris scriptorum aliquid, quo nomē summi viri in literis retineat; quasi exiguum sit (quod omnium maximum est) sui ipsius exemplar reliquisse, plenum doctrinæ, & probitatis, nobilibusq; artibus cumulatam. Ipse verò quod facultatem multis præbuerit de se scribendi, meritò lucet inter omnes, sibiq; laudis plus tribui sentit, quàm si libros sua manu penè innumerabiles scripsisset. Quid Annalium Ecclesiasticorum scriptio, quos Cæsar Cardinalis Baronius scripsit, nonne auctoritari Philippi Nerij tribuitur? Etenim nisi Baronium Philippus excirasset, nisi grauius esset adhortatus, hodie rem omnium vtilissimum Ecclesiæ non haberet. Et profectò post homines natos res nulla vquam scripta est nec singularis magis, nec vtilior. Qui aliquid intelligunt, legendo se se augent; multis rebus cognoscendis indocti se se ornant; viri docti facultate admirabili se expleant, suumq; animum cœlestibus cogitationibus locupletant. Huius operis præclarissimi auctor, & adhortator Philippus Nerius nominatur. In rebus Romanis, quæ maximè perhibentur, maximè nunc Philippi visendum est sepulchrum; preciosis lapidibus virum sanctissimum Nereus Nerius, nobiliq; artificio decorauit. Hic enim vir Florentiæ patriciæ gentis (atque id iure quidem optimo) laudi sibi tributum iri arbitratus est, si non modò eiusdem gentis nomen, verùm etiam, quod executus est, Philippi stemma suam in familiam ascisceret. Nullius doctrinæ, quæ grauis esset, & insignis fuisse expertem testatur vnusquisque, cui contigit, ut cum eo de doctrinis egregiis disliceret; quod autem sanctissimus esset, satis ipse circumfluens gloria testatur. Itæ enim iam Roma vitam, & mores constanti animo dilaudat, ut diuinis eum laudibus afficiat; Florentia verò, vnde est ortus, dum alumnum insignem tantopere agnoscit, mirabiliter commendat, magnaq; hoc nomine lætitia exultat.

ACCURSIVS LEGVM INTERPRES. VI.

PRODIT sese deinde Accursius legum interpres admirando ingenio, & sublimi; hic, vt vno omnium ore dicitur, singulari industria, incredibili patientia, dum Corpus ciuile sedulo enoluit, latebras omnes iuris obscurioris sensus illustrauit. Res nulla tam fuit abdita, tam occulta (vt pateret vsus cunctis gentibus) quam summo ingenio non declarauerit. Hic modicis parentibus ortus, sed Florentinis, diu suo in fundo, vbi natus est, commoratus est. Abest ab vrbe Florentia locus quinque millibus passuum, cui Balneolo nomen est, è regione Montis boni; quem incolæ Accursij domicilium vocare soliti sunt. Hic admirandis illis lucubrationibus omnes omnium civilium legum sensus scrutatus est; cuius operam ita terrarum orbis probauit semper, vt eius auctoritatem ceterorum iurisperitorum sententiis prætulerit. Nemo nunc pro suo eum sibi vendicet, quem Florentia suum esse dicit iure optimo, suumq; certissimis rationibus agnoscit. Multum profuit explicandis legibus Irnerius quidem, multum Ioannis Bosiani opera cum Azonis industria; sed vigilantia Accursij iurisperitorum omnium curas superauit. Inter ætatem Accursij, & Iustiniani tempora anni septingenti, aut amplius interfuere. Cum multa cura hic Imperator studisset, vt haberent, qui ius dicerent, quod exploratè profiteri possent, adhibitis prudentissimis viris, & consultissimis, quod esset superuacaneum in legibus, sapienter remouit; quam rem noster Dantes in persona Iustiniani egregiè expressit.

Dentro alle Leggi trassi il troppo, e'l vano.

Sed, Gotthis, & Longobardis res cunctas in Italia obtinentibus, obsoleuit paulatim vis Legum eo pacto, vt nulla earum amplius esset auctoritas. Lotharij tamen opera, qui post Iustinianum regnauit, factum est, vt respiraret Imperij Romani dignitas, & legum vis paulatim reuiuisceret. Post hac igitur tēpora incidit Accursius; qui (cum verus sensus iuris, & legum, furentē barbarie, iactaretur, nec sedem, in qua consisteret, haberet) viribus suis fretus ita totum hoc opus complexus est, vt, cum sibi non parceret, absoluerit tandem, & concluderit. Nulla

cum

eum leuitas remorata est, nulla interpellauit libido, quò minus suo studio intentus rem tantam conficeret, & expectationi hominum, quæ de illo admirabilis excitata erat, cumulatè responderet. Obstupuit illorum temporum ætas, simulatq; tam egregium opus, tam salutare promulgatum est; & quò considerari magis potuit, eò, carè admiraretur, magis causam habuit. Verus ille sensus in legibus abditus iacuisset miserandum in modum in tenebris, nisi hic vir admirabilis opportunè excitasset; & ut pateret omnibus, magno ingenio præstitisset. Quid enim ille molitur aliud, quid conficit, nisi ut præclara legum facultas, quæ vix admodum paucis cognita erat, in promptu esset omnibus, omniumq; utilitatibus commodè inseruiret? Hic profectò

Non fumum ex fulgore, sed ex fumo dare lucem

Cogitat; atque ita cogitat, ut tenebris ciecitis, quæ sit legum sententia, planissime declaret. Quoties inter eos ambigitur, qui hanc iuris facultatem profitentur, toties tamquam ad arcem, quæ tutatur omnes, vnusquisque ad auctoritatem Accursij se se confert. Hic mille oculis mentis præditus, quocumque in iuris Corpore te conuertis, scrutatur omnia, omnia perpendit, omnia considerat; & quò ceteri non aspirant, eò tamen vis admirandi ingenij facillimè peruenit. Consilio suo, quo multum valuit, non satis fuit, ut commentaretur ingeniosè, sed ut glossas etiam sapienter conficeret; quibus abditos sensus aperiret, & legum sententiam, quæ obscurior esset, explicaret.

Qui sunt bonos auctores interpretati, non mediocri cum laude nominantur; Laudatur Commentator Auerroes, qui Aristotelis sensum subtiliter adeptus, eos, qui hunc philosophum sequuntur, magnis utilitatibus affecit; Laudatur Donatus, qui in Terentium commentationes egregias conscripsit; celebratur Seruius, qui in Vergilium commenta composuit. Omnes hi viri doctissimi non glossas, sed commenta confecisse dicuntur, eo nomine, ut opinor, quia qui commentis auctores interpretantur, sensum tantum modo eorum vestigant; quem cum repere rint, satis officio suo factum arbitantur, atque eo contenti nec progrediuntur vterius, nec aliud præterea requirunt; is verò qui sibi sumit, ut in iure glossas conficiat, non satis habet ut sensum vnum scrutetur tantum modo, sed, si quis sensus aliis in

legibus reperitur, qui spectet eodem, qui eadem in re sit dissimilis, aut contrarius, ut vis iuris sibi constet, curiosè, & sapienter disceptat. Considerat Accursius increduli studio, aut patientia potius non sine magno tamen ingenio, qui sit singulis in legibus sensus; consentiat ne aliis cum legibus, an abhorreat, subtiliter expendit; num lex legem abroget, aut eidem deroget, aut obroget, diligenter inquirat. Qui labor profectò, si rem metiri ratione volumus, tam magnus fuit, dum has glossas, id est interpretationes secretioris sententiae conficit, ut vix cum eo comparare aliquid audeam, sed praerendum cunctis ingeniis, & cuiusvis lucubrationibus existimem. Nequaquam, ut opinor, Homerus, aut Vergilius glossas admitterent, qui unum tantum sensum, quo constant, intuentes, ut intelligantur, laborem illum infinitum non requirunt. Legum facultas, quae diversis auctoribus, variisque sententiis, & temporibus conglutinata est, glossas requirit, & ut omnibus pateat, lucubrationes huiusmodi efflagitat. Post hunc virum, qui glossas similes conficeret, inuentus est nemo; omnes enim siue operis difficultate territi, siue, quod rem perfectam, & nihil amplius addi posse putarint, hoc labore parè infinito implicari nolunt. Contulit se Accursius, ut id ipsum de eo, quod institutum est, aliquando concludam, ad iuris studium, & legum, cum annorum esset septem & viginti; quam rem profectò, si opus immensi laboris intuemur, nimis serò aggressus est. Quamobrem non sine causa dictum ei est ab eisdem, qui rem eandem petebant, tardè venisti; quibus ille subitò respondit; citò me expediam. Non desunt tamen, qui id negent, & rem summi laboris suo tempore aggressum esse planè affirmant.

TURRISIANVS RUSTICHELLIVS. VII.

PERMULTIS comitatus meritis adest deinde Turrisianus Rustichellius; qui simplicibus moribus ornatus ita ingenij acumine se se extulit, ut iure optimò in numerum summorum hominum à viris doctissimis relatus sit. Natus est hic Florentiae honestis parentibus eo in loco, qui Diui Proculi Vineae dictus est, ex gente Rustichellia; quae deinde in duplicem familiam, Valoriam, & Turrisianam diuisa est. Hic cum multis literis se

com-

communisset, quò vires ingenij explicare posset commodus, alias regiones sibi potendas esse iudicauit, cum hic Florentie, vt id efficeret, pertenuis facultas videretur. Contulit igitur primum se se Bononiam; vbi multa didicit in phisicis; deinde Lutetiam profectus doctorum hominum more scholas habere coepit, & docendo de loco superiore nobilissimas artes profiteri. Ardebat verò laudis desiderio; &, dum cupiditas magno ingenio discendi faces suppeditaret, dictu mirum est, quàm res multas collegerit, quàm arduas explicarit, quàm abditas declararit. Tanti viri cognitio viribus ingenij magnus ad eum concurtus factus est; & cum sui in dies maior facta esset expectatio, nec sibi nobilissimis lucubrationibus deesset, quippe qui mente sublimi moliretur semper aliquid, coepit Galeni opus, quod parua ars nuncupatur, illustri commento interpretari. Perutilem facultatem, & maximè necessariam ita tractauit Turrisianus, vt res obscuras absterfis difficultatibus aperiret, & de suo multum addens rem propositam locupletaret. Vir mirus, cum vires suas subtiliter expèderet, non satis habuit, vt auctoris sensum fideliter explicaret, nisi diuite ex vena multa proferret, suoq; ex ingenio expromeret, quæ valde opportunè subiectam in materiam cadere possent. Quamobrem si hæc, quæ Turrisianus addidit, in Galeni opere defuerunt, laudanda sollertia; sin abfuerunt, & quasi ornandi causa dicta sunt, nimirum celebranda voluntas, quæ tam luculentis scriptis nobilissimum auctore illustrauit. Cunctis enim rebus perspectis factum est, vt hæc summi viri interpretatio omnium voce plus, quàm commentū diceretur. Præterea quæ medicorum artem multum iuuant, multa composuit; in facultatem medendi suo ex ingenio multa contulit. Ad extremum senio confectus, cum sua sponte ad religionem factus esset, ad Carthusianos sodales se se contulit, eorumq; in numerum adscribi voluit. Vir bonus in hac societate sanctissimè vixit; &, ne abuteretur otio, quod dabatur, studuit præcipuè, vt suum animum sacris literis excoleret. Cum enim singulis diebus vires iam deficerent, & dies mortis aduentare videretur, ne se iniquitatis nimio silentio damnalet, duos ex suo ordine sodales, qui Florentini erant, ad se accersit. Hos vehemènter obsecrat, vt suum hoc opus, quod multis laboribus confecerat, sedulo accipiant, & primo quoque tempore suo nomine

nomine Bononiam deferant, vt, ne periret, publico in gymnasio promulgetur. Ob id ipsum literæ Dino Garbio scriptæ erant, quibus rogabatur, vt pro veteri amicitia, & pro communis patriæ caritate rem susciperet, & studiosis optimarum artium impertiret. Volumen Dinus egregium euoluens, simul atq; per publicas occupationes licuit (res enim easdem, quas Turrifianus Lutetiæ professus fuerat, Bononiæ docebat publicè) primò obstupuit, deinde dum cogitat, quanto sibi emolumento labor ille futurus esset, statuit lucubrationes viri clarissimi pro suis venditare. Rogat igitur homines enixè, qui librum attulerant, ne rem cuiquam enatrent, sibiq; beneficij loco dent, ne tum opus illud diuulgetur. Illi aut animi simplicitate mori, aut inficitia impulsu, quod rogantur, concedunt, & vt faciat, quod sibi sit ex vsu, hominem relinquunt. Non procrastinat ille, quin miros labores viri acutissimi venditet pro suis, & ad se audiendum plurimos inuitet. Fit hominum intelligentium, & doctorum breui tempore magnus concursus, gymnasium completur; & quò rem tenebat magis vnusquisque, eò magis admirabilis doctrinæ vim efferre laudibus non desistit. Res insolita, quæ primò sagaci viro laudi fuerat, suspecta esse cœpit; Qui singulis diebus eum audire consueuerant, mirari vehementer, vnde tam subito doctrina tam insignis orta esset; qui verò amandi causa res easdem profitebantur, relictu à discipulis, cum suum gymnasium vacuum inspicerent, vix præ dolore ferunt ignominiam; scruari idcirco omnia statuunt, vt causam nouæ doctrinæ, atq; admirabilis reperiunt. Adolescentem igitur subornant, qui domi, vbi Dinus habitabat, familiariter versari solitus erat; monent, vt hominem obseruet, quid agat, quos libros euoluat, dum scholas, quas publicè docturus erat, tacitè colligit. Ne quid emanaret, rectè ille, & arcanè rem agebat. Adolescens verò dum sedulò attendit, animaduertit Dinum magnum quoddam chartarum volumen cura intentissima euoluere, & adnente hora, quæ publicum ad gymnasium eundum esset, in scrinium recondere, & clauu denique occludere. Aemuli re ipsa hac ratione patefacta, clamore magno faciunt impetum in Dinum; cogunt, vt opus, quod alienum esse putabatur, subito depromat, & publicis vtilitatibus exponat. Dinus cum vim paratam esse cerneret, furori iusta flagitantium concessit

& librum dat in manus doctorem hominum, vt Turrisianus multò ante mandauerat. Hic multis expositus, & in multa exēplaria dilatatus famam auxit viri clarissimi; & nunc quoq; quā magno ingenio præditus esset, maximè testatur. Non ille solum commentatur doctissimè, sed de suo permultra addens, facillè perfecit, vt hic suus liber gloriosè plus, quàm commentum vocaretur. Hæc ex libro Valorij decerpta sunt; nos nihil addētes, sed quicquid ille tradidit, ex eo huc contulimus. Vixit Turrisianus eodem tempore, quo Dantes poeta floruit, magna insignis doctrinæ opinione. Anno M. CC. LXXX. Multis aliis operibus, eisq; præclaris cum in phisicis, tum etiam sacris in rebus, magno sibi parto honore, nomenq; Carthusiani Monachi adeptus, Florentiam, patriam nostram, in qua natus est, etiam nunc maximè illustrat.

MARSILIUS FICINIUS. VIII.

MARSILIUS Ficinius natus est Florentiæ non obscuris parentibus anno M. cccc. xxxij. xliij. Calend. Nouemb. Hic procurante patre, qui medicam artem proficebatur, linguā latinam primò edoctus, deinde Græcam facillè adeptus eo pacto se nobilibus literis ornavit, vt magnitudine ingenij adiutus non se ipsum rantum, sed hanc nostram patriam illustrarit. Rhetoricæ, Dialecticæ, Philosophiæ Peripateticorum more dedit operam non sine magna laude; qui vix tertium, & vigesimū attingens annū, res controuersas, atq; arduas, quæ proposiit illi fuerāt, explicare, adiuuante nemine, ausus est, & libros quattuor de Platonis dogmatibus conficere. Gliscente in dies cupiditate laudis, crescebat vis ingenij; datusq; Cosmī Medicis in clientelam, ab eodemq; in rei familiaris difficultatibus subleuatus, dictū mirum est, quā multū in doctrina Platonica profecerit, & quā admirabilis euaserit. Hortantibus igitur, & pro- uocantibus Othone Niccolinio, & Benedicto Accolto, iuris peritis clarissimis, è Græco libros Platonis de legibus in Latinā linguam conuertit, tam scitè, & doctè, cum annum ageret quartū, & vigesimum, vt quantus, ir paulò post futurus esset, facillè ostenderit. Cum esset tenui valetudine, fidebat parum suis viribus; & ne succumberet grauioribus laboribus, cauebat. Duas omnino horas, dum suis studiis operam daret (ne sibi

nimia animi contentio obesser) non excessit. Sed paulò post, dum se reficeret, repetens opus animò maiore rem ipsam persequi solebat: Platonis multa opera, quæ conuertit, interpretatus etiam est. Siquis inciderit locus obscurior, minimè ille fugi laboris rem deserit, sed obnixè, ut lacem afferat, in rem se se insinuat, atque obscuritatem, quoad eius fieri potest, penitus propulsat. Qui Platoni multam tribuunt, vtilitates magnas Marfilio referunt acceptas; eius enim opera factum est, multumq; continentibus laboribus, ut summus ille philosophus cognitus magnà commodà mortali bus afferret. Neque verò Platonis doctrinam tantum est professus, sed magnam partem sui temporis sacris literis impertiit. Liber, qui de vita cœlitus comparanda inscriptus est, vehementer ab omnibus laudatur, qui Marthiæ Coruino, Pannoniæ Regi dicatus est. Magno est in precio commentum, quod in Diuum Dionysium Areopagitam mira diligentia composuit. Quid dicam de volumine, quo Christianam Religionem dilaudat? quid de lucubrationibus in Epistolam Diui Pauli ad Romanos? Perpendat, ut liber, qui vis totius vitæ viri clarissimi mores; scrutetur omnes animi sensus; excutiat mentis latebras, atque recessus; profectò nihil inueniet, nisi quod summa cum virtute sit, exultum, & magna cū sanctitate sit coniunctum. Liberalitatem Medicæ familiaris in se experens est, dum studio literarum incensus tam multas res, tam varias persequitur. Cosmo igitur, Petro, & Laurentio carus fuit; atque ab iis adiutus eisdem permultis sui ingenij monimentis illustrauit. Coluit præterea Philippum, Bartholomæum, Nicolaum Valorios; eorum domus doctissimo viro ita patuit, ut sui temporis apud eos magnam partem commorari solitus sit, & suas lucubrationes honesto in otio conficere. Scripsit pressio stylo, satisq; eleganti, multumq; ad id, de quo dicitur, accommodato; nam & granitatem quandam sapit, & dulci quodam modo influere in animum, & sententiam, quæ proponitur, planissimè enarrat. Multa prætereo, quæ ab ipso summo artificio elucubrata ingenij magnitudinem ostendunt; & quàm multum opimis ex artibus didicerit, veterumq; gloriâ sit amulatus, omnesq; sui temporis homines anteierit, facillè significant. Per magnis mentis viribus nequaquam exiguæ corporis vires respondebant; artificio quodam igitur tenui valetu-

dini consulere solitus est, ne se spectantem semper alta vis morbi importuna interpellaret. Cum sua causa nullum esset ei oriū oriosum, atque omni tempore distineretur magnis curis, mul- ti, vt cum viderent, & viserent, veniebant Florentiam; alij, vt de rebus obscuris interrogare, alij, vt lectis lucubrationibus, quas attulerant, suo commodo, quid sentiret, exquirere pos- sent. Magnus ad eum tota ex Italia, Germania, Gallia fie- bat concursus; magnum nomen viri doctissimi celebratur cun- ctis in locis; vt, cum magnus summorum virorum tunc nume- rus esset, vnus tamen Ficini virtus omnium vocibus emineret. Mortuus est, cum annum ageret sextum, & sexagesimum, mul- tis cum lacrimis non ciuitatis nostræ solum, sed mœore etiam hominum doctorum, qui in eo admirari virtutem, & colere cō- sueverant. Multò ante, viris illustribus prouehentibus, in nu- merum Canonicorum principis zdis fuerat cooptatus; eoq; no- mine honestis exequiis funeratus est, & in sepulchro eorumdem Canonicorum sepultus. Eidem statua marmorea eodem in tē- plo (qui honor non nisi summis viris pro magnis meritis tribui- tur) virtutis ergò statuta est, è regione eius tabulæ, vbi Dan- tis poetz effigies conspicitur, cum hoc epitaphio.

En hospes; hic est Marsilius Sophiæ pater;

Platonicum qui dogma culpa temporum

Situ obrutum illustrans, & Atticum decus

Seruans latio, dedit flores primus sacros,

Diuina aperiens mentis ælius numine.

Vixit beatus ante Cosmi munere;

Lauroq; Medicis nunc reuixit publico.

DONATVS ACCIAIOLIUS. IX.

DONATVS præterea Acciaiolius fuit vir tantæ virtutis, vt ei sequens deinde ætas, aut potius posteritas omnis mul- tum debeat. Natus est hic anno M. cccc. xxxviiiij. nobilibus parentibus Florentiæ. Magno studio, cum magno ingenio præditus esset, primo institutus est. Iacobum initio ætatis Am- mannatum Lucensem præceptorem nactus (qui paulo post à Pio II. in Cardinalium collegium cooptatus est) operam de- dit humanioribus literis diu, magnoq; cum fructu. Hic, qui

44 *Elogia virorum Florentinorum*

vir futurus esset, in reliquum omne tempus, in hac puerili aetate planè ostendit. Magno enim ingenio ad res maiores invitante scientiam linguæ Græcæ cum Latina ita coniunxit, ut ex eis mihi oslucraretur progressus, & se in dies optimis disciplinis augeret. Cum se corroborasset multa cum laude, oblata est occasio, qua suæ virtutis faceret periculum, & quantum profecisset, in eloquentia præsertim appareret. Nuntio enim allato de morte Francisci Vaidæ, qui, dum bellum gerit in Pannonia contra Turcas, morte in prælio occubuit, laudavit eum Donatus latinis verbis luculenta oratione in principe æde, magnamq; laudem omnium iudicio adeptus est. Cum permultis meritis in Christianam Rempub. viri fortissimi virtus celebris esset, cunctisq; in locis celebraretur; non defuit ciuitas nostra, quin pietatis exemplum libenti animo sequeretur, publicisq; exequiis honestaret. Explicandis laudibus viri clarissimi magnam laudem sibi peperit; & ut sui deinceps vigilantia, & labore similis esset, res ipsa faciliè admonuit. Hoc edito opere, quasi se cunctis obstrinxisset, ut res consimiles posthac suo ex ingenio expromeret, philosophiæ studium ardenti animo complexus, nobiles inde fructus satis opportunè ad suum commodum decerpfit. Cœperat esse suo tempore Aristotelis doctrina magno in precio; crescebat in dies fama disciplinæ summi viri; ut, qui rectè, atque ordine percipiendis optimis artibus dare operam vellet, hunc ipsum sequeretur, & edisceret. Studit igitur Donatus, ut doctrinæ clarissimi philosophi quàm plurimum colligeret, & quantum ei à publicis negotiis daretur otij, tantum, quo se egregiè ad eius exemplar exerceret, laboris, & ingenij impenderet. Ut explicem, quid verbis opus est, fallacibus Sophistarum proiectis rationibus, quàm se ad res arduas tractandas multa virtute munierit, quàm mirus, atque eximius in disciplinis Peripateticis euaserit? Id ipsum indicat volumen, quod suo nomine Joanni Oricellario dicatum est de natura virtutis, & vitij; quæ sit virtutis difficultas, quæ vitij procliuitas, testis est itidem liber eidem Oricellario inscriptus, rei familiaris cura; in quo multa cum doctrina dum rationem diuitiarum persequitur doctissimè, quo pacto comparari possint, faciliè ostendit. Grande opus est præterea, atque admirandum, quo Ethicorum opus eximio commento interpretatus est.

est. His lucubrationibus profecto patet, quam ingeniose nobilissimis in disciplinis versaretur, quam industriè rerum præclarissimarum volumina euolueret. Nihil enim in his libris tam arduum reperitur, quod non explanarit; nihil tam obscurum, quod subtiliter non explicarit; nihil tam laboriosum, quod admirabili patientia non vicerit. Si quæ antea sententiæ summo in hoc philosopho latebant, si obscura verba doctorum hominum mentes sollicitare solebant, illustravit vir doctissimus opportunè, & tenebras omnes admiraudo illo ex opere detexit. Nemo est, dum modo literarum aliquid attigerit, cui hoc opus nobilissimum cognitum non sit, qui accuratè non euoluerit, qui fructus vberes sui commodi causa non decerpserit; ut, cum sit omnibus tam enucleatum, & expositum Donati civis nostri opera potissimum, quis est, qui dubitet affirmare, quòd ipse de cunctis gentibus non benè meritus sit, & quòd illius orbis terrarum magnum beneficium non agnoscat? Eiusdem pænè commodi, & decoris est labor, quo Aristotelis Politicorum libros interpretatus est. Multum ille laudis ex hoc opere sibi peperit, multum doctis viris gratum fecit; qui, dum obscuros sensus philosophi clarissimi demonstrat, non longis itineribus, sed compendio totius operis sententias enucleat. Si occupationes rerum civilium consideres, quas ille Reipub. nomine obivit, nihil eum aliud agere potuisse planè affirmes; sin lucubrationes spectes admirabilis doctrinæ, nihil eum aliud tota vita egisse fateare. De rebus, quas mandato suæ civitatis egit, nihil hic ponam; tantum dicam, cum esset tenui valedudine, suæ Reipub. iussu Mediolanum est profectus, ut publica negotia publicis cum hominibus tractaret; ubi grauibuscursis, multisq; vigiliis oneratus, cum sibi in laboribus non parceret, mortuus est, cum annum quinquagesimum attingeret. Vir profecto longiore vita dignus, si rebus gravissimis obeundis facere modum voluisset, & suam cupiditatem, quæ nimis ad laudem propensa esset, imminuere voluisset. Grauis iactura eius obitu nobilissimis in artibus facta est; Veris ideo lacrimis illum sua ætas luxit; patria verò deportandum corpus Florentiam inisit, ut sumptu publico magnificentissimo funere efferretur. Conditum est enim in sepulchro suorum maiorum Chartusiano in templo, quod extra civitatem ædificatum,

& à sua familia locupletatum quotidie quanta fuerit eius gentis pietas monumentis publicis testatur. Laudauit eum pro cōcione Christophorus Landinius; nactusq; dicendi miram facultatem & rei propositæ copiosè, & suo officio cumulatè satisfecit. Reliquit lucubrationes in quattuor libros Phisicorum Aristotelis multum à doctis viris expetitas; atque iridem commētum in tres libros eiusdem philosophi de Anima; quæ quidem opera cū in publicum prodierint (neque enim adhuc typis impressa sunt) & laudem summi viri augebunt, & beneficio non mediocri studiosos optimarum artium afficient. Conuertit è latina in hanc linguam Tuscam historiam Leonardi Arretini. E Græca lingua duas Plutarchi vitas, vnā Alcibiadis, Scipionis alteram latinās fecit. Multa prætereo, idque consultò; ne meus hic labor, qui, ne sit longior, maxime curat, fines breuitatis temerè transiliat.

PETRVS VICTORIVS. X.

PETRVS Victorius nostris finitimus temporibus mira doctrina ætatis nostræ annos illustrauit. Natus enim Florentiæ nobili genere; eis disciplinis parentum diligentia traditus est, quibus & progressus extulit eximios, & patriæ suæ non mediocrem laudem comparauit. Eius animo, qui fuit integerrimus, nullaq; suspicione vitij afflatus, quicquid optimis ex artibus oblatum est, facile adhasit. Didicit ille tam multa, ut puer vires ætatis anteiret, & docentium curam superaret. Ex Græcis auctoribus cū esset ei cordi Aristoteles potissimum, ex Latinis Cicero; fecit ille suarum cogitationum summam, ut eos ipsos diligenter cuolueret, quoad eius fieri posset, & edisceret. Huic cupiditati res vna obstabat vehemēter; Aetas citior codicibus tam corruptis vsa erat, ut vix, qui tollerabilis esset, sensus elici posset. Quamobrem ut sibi, & populo inseruiret, immo ut genus humanum saluari beneficio afficeret, ardētī studio aggressus est. Quā patientia vsus sit tam continenti in labore, neque hic ponam; neque si ponerem, satis, ut gesta res est, pro dignitate assequi possem. Perfecit ille multa vigilantia, suoq; Marte, ut veram lectionem duorum clarissimorum

aucto-

auctororum consensus doctorum hominum sequeretur, & rerum
 usu cupidissime comprobaret. Durat nunc hæc cura tam sin-
 gularis, tam egregia, quam publicis in gymnasijs concursus do-
 ctissimorum hominum admiratur, terrarumque orbis, ut bene
 factorem suum, hunc virum clarissimum agnoscit. Hominum
 qui disciplinis nobilissimis dant operam, locus nullus est, cui
 hæc res ipsa non sit cordi, qui animo non complectatur, & re-
 quirat. Hoc nomine non mediocri diligentia usus est, ut Lati-
 nos libros, qui de agricultura sunt inscripti, expo'iret; cui rei
 studuit animo tam propenso, ut ostenderetur, quæ cuiusvis plā-
 tæ esset vis, quæ cura adhibenda, ut vnā cum doctrina rerum
 usum vtiliter afferret, atque agrum excolentibus, quod obser-
 uarat, pro præcepto proponeret. Hinc multiplex cogitatio
 eleganti homine digna, hinc liber de olearum insitione ortus
 est. Delectat hic labor, qui cum suavi doctrina iunctus est, tū
 eam vtilitatem præcipuè suppeditat, quam qui cultui agrorum
 dat operam, magno suo commodo experitur. Dederat iam
 Victorius multa ingenij sui documenta, cum factum est, ut ex
 magna rerum perturbatione nostra Respub. Cosmi Medicis sa-
 pientia tranquilla pace frueretur. Facta est igitur mentio de li-
 terarum studiis; quibus ut consuleretur, & ratio iam temporū
 hortari, & hominum voluntas postulare videbatur. Cum res
 multæ multis de rebus statuerentur, quæsitum est à viris graui-
 bus, ut vir doctus reperiretur, qui Florentiæ Grecos auctores
 atq; itidem Latinos interpretaretur, & iuuentutem ad optimas
 artes perdiscendas institueret. Omnium, quibus mandatum
 erat, vnus consensus erat, ut Victorius rem suscipere, atque
 hæc vna vox eo probabatur magis, cum publicum commodum
 ageretur, quod ab ipso Duce Cosmo mitti videbatur. Necessa-
 riorum igitur consilio, & clarissimorum virorum hortatu hoc
 nobilissimum delatum onus non inuicis suscepit. In quo, cum
 stipendio honorificentissimo afficeretur, ad extremam vsq; se-
 nectutem ita sese gessit, ut viris doctissimis satisfaceret, & de
 artibus egregiis bene mereri non desisteret. Satis tamen constar,
 Franciscum Campanam, qui Cosmi Ducis scriptorum à secretis
 princeps erat, numquam, dum vixit, quoties Victorius publi-
 cè doceret, defuisse, quin cum audiret, atque assiduitatem vi-
 ro doctissimo præberet. Supra millesimum agebatur annus

D. xxxix. cū Ioannes Maria Cardinalis à Monte S. Seui nūntiatus est Pontifex Max. qui Iulius III. postea nūcupatus est. Ad hunc ipsum nobilium virorum ab Duce Cosmo legatio decreta est; in qua ut coram Pontifice oraret, summamq; ei ob dignitatem gratularetur, ut mos est, Victorius potissimū de lectius est. Inter multas, quas habuit conciones, exat hæc oratio, luculenta, & insignis; gratusq; Pontifici ob id ipsum, Pontificiæq; cohorti plenus decoris, & laudis paulopost Florentiā reuertitur. Longior profectò, quā vellem, erit hic labor, si lucubraciones, quas suo ingenio peperit, omnes hic ponam. Impressæ sunt igitur aliæ orationes permultæ, quas in exequiis summorum hominum habuit sacris in locis. Sed legit nunc nostra ætas Victorij vigilantia sine errati suspitione Epistolas ad Atticum; legit idem Epistolas, quæ familiares vocantur; in quibus plurimis in locis cū planè lectio antea non consisteret, ira nunc omnium iudicio probatur, ut sensus nec verior, nec genarius magis à viris doctis non requiratur. Epistolæ, quas grauib; de rebus ad varios homines scripsit, magno nūc apud omnes sunt in precio. Ab eodem integritati suæ restituti sunt Sallustius, Terentius: complures præterea auctores, qui multis in locis deprauati nec legi rectis studiis poterant, neque intelligi, nunc variis mendis expurgati & beneficium viri doctissimi ostendunt, & præclaris annotationibus xxxviii. librorum variarum lectionum, quantum valeret ingenio, quotidie testantur. Vfus præterea purè, latineq; scribendi, quo nostra ætas nunc utitur, ab Victorio præcipuè ortus est. Lectis enim verbis, propriisq; res agitur; eaq; diligentia adhibetur; ut ipsa Ciceronis ætas beneficio discretissimi viri rediisse videatur. Eò, ut est nostrorum hominum opinio, iam ventum est, ut nostra ætas (quod superioribus temporibus factum non est) nobilissimis disciplinis sit ornatio, & instructior. Cū id ipsum Victorium non fugeret, ad hanc rem quā ille appositè, quā consultò se accommodauit, & ut communi vtilitati inserviret, quā multis se implicari laboribus passus est? Quamobrem cū latinæ linguæ ratio habita esset ab eo vehementer, ut Aristotelis operam interpretaretur (hic enim auctor exornandis animis, atque instituendis opportunus præter ceteros habetur) & voce, & scriptis aggressus est. Habet Aristotelis librum nostra ætas de arte

arte poetica, quem Victorius Cosino Duci dicatum nobili com-
mento illustravit; habet Demetrium Phaleræum, qui antea iace-
bat in tenebris eiusdem huius viri opera promulgatum; habet
Aristotelis Ethicorum, habet Politicorum opera singulari arti-
ficio enucleata; habet de arte dicendi librum insigni interpre-
tatione explicatum. His omnibus lucubrationibus ad summâ,
cunctisq; ex partibus absolutam eruditionē patefactum est iter,
tam magna cum gloria Victorij, vt non vnus vrbs, sed omniū
hominum cū agatur commodum, tam illustri beneficio huic
viro clarissimo terrarum orbis obstrictus esse videatur. Præter
cætera studuit vehementer, vt cura quàm maxima, & quàm gra-
uissima opus de arte dicendi expoliret, traderetq; summis inge-
niis expurgatum; ita enim illud vetustas vitio temporum depræ-
uarat, variisq; in locis multis mendis corruerat, vt, vel doctis
viris in causam incumbentibus, deploratum plañe, & despera-
ratum videretur. Quoties vt sæpè vsu venit, res aliqua diffici-
lis, atque ardua grauissimis in auctoribus incideret, minimè il-
le suo ingenio contentus aliorum iudicium requirere solitus est.
Idcirco igitur Baccius Valorius in primis, sed nonnulli alij præ-
terea appellati sunt; qui, vt Victorium audirent, cum eius do-
mum frequentarent, sinularq; huius rei admoniti erant, doctis-
simo viro obsecuti sunt, & non minimum doctrinæ sibi hoc fa-
cto pepererunt. Iam verò quàm fuerit gratus viris principibus,
quàm ob mores suauissimos expetitus, quàm donis egregijs af-
fectus, ne longior sim, nequaquam hic ponam; satis tamen
constat, viros alienigenas atque insignes, qui hac sui negotij
gerendi causa transibant, vt viderent Victorium, vt cum eo
colloquerentur, ad eum persæpè diuertisse, Magnosq; nostros
Duces felices iudicasse, qui in suo regno virum tam insignem,
tam egregium haberent. Cum multiplici doctrina, magnoq;
ingenio præditus esset, studio religionis, & pietatis flagrauit
semper eius animus; qui tandem morbo grauissimo implicitus,
(cū tota vita in hoc negotio sui similis esset) ad extremum vs-
que spiritum hanc mentis propensionem sanctissimè retinuit,
Suscipiendis igitur sanctissimis Ecclesiæ Sacramentis, quibus
animus ad diem mortis obeundum præmuniri solet, quamquā
admonebatur, vt sibi parceret, cū maximis doloribus ange-
reretur, exiuit è lecto tamen, flexisq; genibus, atque in cælum ocu-
lis

50 *Elogia virorum Florentinorum*

lis intentis, diuinum numen inuocans Eucharistiæ Sacramentū d. mississimè sumpsit, & summa pietate adorauit. Hoc pacto vir maxime insignis, & doctissimus mortuus est; cum septimū, & octogesi m. annum ageret. In templo Sancti Spiritus gentilitio in sepulchro sepultus est; eò doctissimorum hominum, atque ingens nobilitatis concursus honestandi funeris causa cōuenit; ubi è loco superiore Leonardus Saluiatus, Diui Stephani eques verba fecit; laudauitq; Victorium ornatissima oratione, multamq; ea re omnium iudicio laudem est adeptus. Ego verò duas orationes dissimili argumento, dissimiliq; stylo eiusdem rei causa conscripsi; & vt typis impressæ ederentur, sedulò tanti viri nomine curauī.

LEO BAPTISTA ALBERTVS. XI.

LEO Baptista familia Alberta, quæ nobilissima est, Florentiæ natus est anno M. cccc. . . . Hic magno præditus ingenio disciplinis mathematicis institutus per multa virtutis vel primis temporibus ætatis signa dedit. Pingendi studio incensus dedit operam picturæ non mediocrem, eoq; artificio delectatus, cum literarum opus non intermitteret, res multas varij generis sua manu pinxit, multamq; hac industria laudem est adeptus. Nunc igitur doctrinis humanioribus, in quibus eruditissimus euaserat, nunc alijs artibus egregijs edoctus ita suum ingenium ad res varias appositè versauit, & exercuit, vt documenta utraq; in re nobilis industriæ nobis posteris reliquerit. Tres libri scitè admodum ab eo latinè scripti de pictura leguntur valde eis, qui hanc artem profitentur, vtiles; & qui, quantoperè eo in artificio profecerit, dum leguntur, egregiè ostendunt. Extat opus miro ingenio elucubratum, quoniam pacto res, quæ sunt sub imes metiri in terra possit oculus sine errore. Adhibitaq; est ratio certa, & subtilis, qua viri ingeniosi dum vtuntur, & suum ipsi opus commodè exornant, & rerum vsum varijs artificijs proponunt. Leguntur libri itidem de vita ciuili non sine laude; Declarant tamen libri decem, quos de Architectura scripsit, qui vir, & quantus esset; ab hoc viro ratio illa ædificandi antiquorum egregia, & perutilis excitata est, quam temporum iniquitas, & barbarorum immanitas oppresserat.

Nihil

Nihil enim venustè, nihil commodè moliri, aut fabricari ætas superior solita erat; cùm Leo Albertus res multas, easq; præclaras suo ingenio deprompsit; & vt posset vnusquisque ad suum commodum explicare, declarauit eis in libris tam doctè, tam industriè, vt à viris peritissimis Vitruuius sit Florentinus appellatus. Quod mirum summis in viris iudicatur, minimè verborum opus ab re dissentit; ita enim loquitur, vt fabricari, ita fabricatur, vt loqui rectissimè de suo opere videatur; Nam, quod verbis præcipit, opere impleuit; locus enim in templo Diuæ Annuntiatæ, quò viri sacri ad canendas Deo laudes singulis pænè horis quotidie conueniunt, ab hoc viro egregio proficisci tur; Sigismundo præterea Malatestæ, Arimini Regulo nauauit operam; Ecclesiam Diui Francisci ad formam, quam Leo Baptista dedit, ædificata est tam magno ingenio, vt peritissimorum hominum iudicio, vel nobilissimis totius Italiæ ædificiis non concedat. Nauauit itidem operam Romæ Nicolao Quinto; Pontifici Maximo, multumq; eidem suam industriam, diligentiam probauit. Florentiæ verò domus Cosmæ Oricellarij, quæ ea in via sita est, quæ Vineæ dicitur, ad formam, quæ a Leone data est, miro artificio ædificata est. E regione huius domus porticus (vt ciuibz Florentinis quondam habere nobilitatis causa mos fuit) hunc eundem auctorem eodem in artificio agnoscebat. Tentauit deinde viribus sui ingenij fretus, quantum industria valeret; fecit Comædiam eo præcipuè stylo, vt à priscis poetis scripta crederetur. Multis igitur exemplaribus dilatata, vt Leo volebat experiri, probata est; quam deinde, vt priscam, & priscis temporibus scriptam, typisq; Lucæ sine vllius nominis auctore Aldus Manutius edendam curauit. Rem ita se se habere credidisset posterior ætas, nisi eandem in suo libro à Leone notatam, Ioannes Albertus Cortonæ Episcopus Baccio Valerio, vt factum fuerat, indicasset. Magno est hic in precio apud Iouium; Bembo verò, vt doctissimum virum, & præstantissimum dilaudat. Inter pictores, & architectos; nobiles datus est ei locus, vt notum est; sed viri literati suum omnino sibi vendicant, & pertinere ad se maximè contendunt.

NA RV S est nobili genere Florentię Americus Vespuccius, vir admirabili industria, atq; ingenij magnitudine insignis; qui iure optimo cum viris clarissimis, qui supra nominati sunt, adnumerandus est. Huic viro iudustrio, dum doctrinis mathematicis dat operam, in mentem venit, vt in eis rebus, quas didicerat, non turpi otio senesceret, sed vt aliis commodaret, ad vsum mortalium explicaret. Hic igitur vir nobilissimis artibus, eisq; mathematicis ornatus eò discendo est progressus, vt non vnius ædificij facultatem, sed molem orbis terrarum totam animo comprehenderet. Hac mentis magnitudi-
ne impulsus non inani cogitatione, sed certissimis indiciis admonitus est, terras numquam antea visas, nec cognitās posse reperiri; quò si nostri orbis homines penetrarent, futurum esse facile arbitratu est, vt rerum vtilium commercium, si quæ essent, oriretur, atq; eorum incolæ nostris commodis, & nos eorum diuitiis vteremur; peropportune igitur factum est, vt Hispaniæ Reges acerrimi viri, atq; ingeniosissimi operam requirerent. Hoc nomine forti animo Americus iis nauauit operam, studiuq; quàm potuit maximè, vt summa fides vnà summo cum artificio expectationi virorum principum responderet. Eò vir mirus igitur penetrauit, quò nemo quisquam ne cogitatione quidem antea peruenerat; eò conculcatis mortis periculis progressus est, quò adiri posse nō putabatur; iussu enim Emanuelis, Regis Lusitaniz multis eius nauibus imperauit; ingressusq; zonam torridā, & lineam æquatoris exuperans ultra tropicum Capricorni immensis se itineribus extendit, tam forti animo, tam constanter, vt suæ propemodum salutis oblitus nihil aliud curare videretur, nisi vt Regi suo fideliter inserviret, & Dei omnipotentis voluntati, quo Iesu Christi fidem in barbaras gentes fereret, & propagaret, sua admirabili vigilantia satisfaceret. Dum vir natus rerum mathematicarum scientia fretus, & quadrantis, & astrolabij præsidio cœli regiones metitur, ita, dum nauibus vehitur, suum in terris iter moderatur, & regit; vt cunctis in locis peregrinus, & hospes, aut tanquam antius orbis terrarum incola, ubiq; sedes repererit, vbi è suo nu-

mero homines collocet, ubiq; etiam auri, & argenti copiam, quibus suum Regem locupletet, summa industria collegerit. Cum vrsam maiorem nostri orbis, atq; etiam minorem septem stellarum videre desuisset, quibus syderibus nostrates nauæ suo in cursu moderando vti solent, magno profecto ingenio, summaq; scientia fuit opus, si manere in proposito, & regredi eò, vnde discesserat, salutariter volebat. Extant adhuc binæ literæ, quas scripsit ad Petrum Soderinum, qui tunc Florentiæ Dictator erat, & magna cum auctoritate Reipub. præsidebat; quibus literis scitè admodum, & sapienter narrat, cum anno M. D. I. sexto Idus Maij Vlyssipone oras soluisset, superatis immensi Oceani terroribus, contigit, cum ad meridiem cursum dirigeret, res tam inusitatas reperire, tam visu numquam cognitatas videre, vt eas quo minus scriptis mandet, & multitudine se, & nimia admiratione dicit deterri. Satis tamen constat, ad regna, quæ postea in his longinquis regionibus statuta sunt, condaenda, vnum Americum magna ex parte sui ingenij magnitudine fuisse repertorem, atq; eidem, qui noui orbis terris sunt potiti, magnum debere beneficium, qui infinitis eius laboribus nunc labore exiguo fruuntur. Non sine causa multis itineribus portentosis magnum est nomen Americus, & magnam gloriâ consecutus; qui & subternauigati orbis laudem tulit, & vt maxima totius orbis pars à se reperta peramplis laboribus America appellaretur, singularibus suis meritis effecit. Res singulas ille vniuscuiusq; sui itineris conscripsit, sed retinere apud se libros omnes summi viri principes voluerunt; quorum enim aspiciis, & sumptibus res agebatur, vt statuerent suo iure, quod visum esset, æquum omnino videbatur. Hæc scripta tamen si publicè extarent, & quanta fuisset virtus tanti viri magis liquidò ostenderent, & gloriam magnorum meritorum augerent.

FRANCISCVS GUICCIARDINIVS. XIII.

QUI benè scribendæ historiæ exemplar videre vult, Franciscum Guicciardinum præcipuè intueatur. Hic nobilissimæ familia ortus Florentiæ ineunte ætate, simulatque sapere cœpit, tam multis se ad vim ingenij augendam præsidis communiuit, vt cum esset factus ad uirtutem sua sponte, non expectata

54 *Elogia virorum Florentinorum*

Etata suorum annorum maturitate præcurret et re factis tem-
 pus ætatis, & rationis usitatæ modum mira cupiditate præue-
 niret. Magna illius erat uirtutis opinio apud omnes, magna
 expectatio; ut cum ingenio ualeret multum, industria floreret,
 res nulla esset tam ardua, tam difficilis, quam suscipere magno
 animo, atque egregiè conficere non posset. Oblata est igitur
 occasio experiundæ uirtutis, cum vel virenti ætate potissimum
 delictus est, ut legationem apud Regem Hispaniæ suæ Reipub.
 nomine obiret. Non dicam, quàm benè, quàm grauitè, quàm
 sapienter se se gesserit, cum exitus huius muneris fuerit ei usmo-
 di, ut hominum, vel magna cupientium cupiditati mirabiliter
 responderit, atq; expectationem, quæ erat excitata, superarit.
 Hac fama impulsus Leo, Pontifex Max. non dubitauit Guicciar-
 dinium in concursum maximorum negotiorum vocare, ma-
 gnâq; suloneris partem eius vigilantia delegare. Superiori-
 bus temporibus ea regio, quæ Flaminia nuncupatur, quæq; di-
 tioni Pontificiæ subiecta est, magnis, perpennisq; Regulorum
 contentionibus ira exagitata est, ut nec consistere tutò suis in-
 urbis, nec ullo tempore tranquilla pace ferri posset. Quàm
 seuerus esset Guiciardinus, cum res requireret, quàm acer in
 capiendò consilio, sæpè ostenderat. Pontifex autem Leo cum
 mederi tam magnis perturbationibus uellet, Guiciardinium
 delegit potissimum, cui multis uerbis hanc ipsam regionem re-
 gendam dedit; & ut curæ illi esset, præcipuo quodam modo
 commendauit. Non fefellit uiri sapientissimi iudicium Guic-
 ciardinus; qui absteris contentionum causis, oppressisq; perdi-
 torum hominum consiliis, & populi insolentiarum persæpè sine
 causa fluctuantis frenauit, atque impetum, quo legibus pare-
 re melius assuesceret, singulari vigilantia repressit. Quo tem-
 pore Pontifex Mutina, & Rhegio potitus est, has urbes ut tue-
 retur, Guiciardinio mandatum est; præfuit Parmæ præterea
 Pontificis nomine; atq; ita præfuit, ut Gallos oppugnantes re-
 moueret, & Parmenses, dum magnis periculis trepidare non
 desistunt, incredibili animi constantia confirmaret. Hoc ipso
 ferè tempore cecidit tormenti ictu, Ioannes Medices; qui, dū
 partes Regis Galliæ tueretur, quàm magna esset Itala uirtus, mul-
 tis fortiter factis persæpè demonstrauit. Collegerat Ioannes
 cunctis ex Italiæ locis viros fortes, præceptis militaribus eru-
 dierat,

dierat, ut non solum servare ordines, sed petere hostem, fortiter facere ediscerent, res arduas aggredi, & nullis belli periculis terreri. Huic legioni, quæ post mortem Ioannis Medicis nigrarum cohortium nomine appellata est, Guicciardinius cum summo consensu militari, tum iussu Pontificis præpositus est; ut cunctis planum esset, quod qui consilio esset insignis, ab militari animi magnitudine non abhorreteret. Guicciardinium præterea suis copiis Pontifex præfecit, quas, cum Rex Gallorum armatus in Italiam descenderet, debebat cum armis Caroli Quinti sociare; eoq; in negotio quanti fieret, satis tunc paruit, cum ei summis hominibus, & viris principibus ius esset imperandi. Caram regendæ Bononiæ iussu Pontificis alio tempore ita suscepit, ut viri fortissimi, & sapientissimi nomen inde assequeretur. Ita enim Quadraginta virorum cupiditati obuiam iit, ut eorum unusquisque sentiret, rem esse sibi cum viro forti, & egregio; qui sciret, & hominum voluntati moderari, & habere summæ dignitatis, cum esset opus, rationem. Fuit in iudicando absolutæ firmitatis, & magui iudicii; atque in rebus, quæ valde cõtronerentur, adhibita est severitas eiusmodi, ut nonnulli similem esse viris principibus, alij etiam cum Salomone, Rege omnium sapientissimo conferendum esse dixerint. Hæc tam magna laus in eam opinionem homines adduxit, ut sua ætas omnium consensu Guicciardinium vnum ex septem Sapientibus Italiæ iudicaret. Res igitur tam multas idcirco enarrauimus, in quibus hic admirabilis ingenij vir summa cum dignitate versatus est, ut sit cunctis exploratum, ab eo res gestas clarissimarum virorum mandari potuisse perpetuæ memoriæ certissimis rationibus, qui vel perpetuò interfuerit, vel testatis ab indicis acceperit. Guicciardinius enim ingrauescente iam ætate, & multis laboribus confectus, statuit Florentiam in patriam reuerti, & quod erat reliquum temporis, honesto in otio transigere. Verumtamen ne animus, qui alta spectauit semper, inerti otio contabesceret, decreuit res gestas sui temporis, in quibus ipse magna ex parte interfuit, verbis Tuscis per scribere; & ne memoria magnorum negotiorum intercideret, seculis post se futuris commodare. Habemus igitur historiam quinquaginta annorum magnis summi ingenij artificijs elucubratam; quæ doctorum virorum iudicium dilaudat usquequaque; atque vniuerso-

uerforum hominum consensus miratur, & probat. Ab hoc ingeniosissimo viro explicatur opportunè series temporum, locorum situs, hominum consilium, & rerum gestarum conditio; atque ea ratione explicatur, vt rem ipsam agnoscere, & intueri videare. Legenti nulla venit in mentem suspicio gratiæ, opinio nulla mendacij, nulla fucati sensus ambitio; habetur enim ratio grauitatis, colitur præcipuè veritas, animusq; nullo vitio deprauatus commendatur. Quicquid dicitur, mira quædã animi integritas tueritur; nec solum narrantis spectatur auctoritas, sed res ipsa, vt gesta est, potissimùm attenditur. Nusquã in orationibus multus, sed capitalis; nusquam ineptus, sed opportunus reperitur; æqualem nactus ætati suæ facultatem ita rē persequitur, vt ea suo iure præcedens narrantem trahat secum quodam modo dissimulanter, & veritatis terminos, quos semper adamauit, transilire non permittat. Non discedit à veritate, dum orationibus rectis semper vtitur; quas ea ratione tractat, vt eum, qui eas habuit, agnoscere, non Guicciardinium, qui scripsit, audire videare. Orationum, quæ sunt obliquæ, alia ratio est; studet illa breuitati, sed veritati quandoque est fraudi; quin etiam vt verbis paucis rem exponit, ita à certo seu su plerumq; laborat; maximisq; in negotiis quòd parùm commoda sit, Linius, & Sallustius plenissimè ostendunt; qui (quoties vsu venit) vsquequaque rectis orationibus vtuntur. Cum sedulò inquirerem, cur Guicciardinus in scribenda historia ceteris omnibus scriptoribus præferatur, hanc vnã esse causam, eamq; verissimã sum arbitratus; dum enim rem ipsam narrat, ita eam ante oculos ponit, vt non aliquando fuisse, sed geri in præsentia videatur; nec geri res tantum, sed vt is, qui legit, quodam modo intersit, dum geruntur; neque enim ineptiis, nec fucatis artificiis pascitur animus, sed manu panè ducitur ad eas res inspiciendas, quas intueri tantopere desiderat. Quicquid colligit summus auctor, non ars, sed natura molitur; sedulitas, quæ sua sponte oritur, rem conficit, non industria; vt cum totum corpus complectare, rerum tibi maximarum, & nobilium spectaculum proponas. Vt ipsius naturæ ordo est, ita temporum series, & locorum attenditur; quibus rebus ab auctore pulcherrimè negotium conficitur; quæ res in hac historia tam egregiè conseruatur, vt is, qui legit, rem, non artificium scribendi

scribendi (quod tamen non desideratur) intueri videatur. Id igitur mirum opus Guicciardinij præsentia (qui cunctis rebus interfuit) nauiter præstitit; non diligentia scribendi penitus, quæ ad tantam vim, quanta exprimitur, non aspirat. Auctor ipse qui cunctis rebus, de quibus scripsit, semper interfuit, dum narrat enucleatè, & appositè, manu, ut dictum est, lectorem ducit, & rem vnâ quamque sibi notam pænè digito ostendit. Stylus ipse naturali quodam studio expolitus est, & dum cupidè verborum ornamenta non corrogat, opus, quod omnium cupiditati mirabiliter respondet, nobilissimum, & maximè egregium confecit.

MARCELLVS ADRIANIVS. XIII.

SINGULARIS ingenij vir, Marcellus Adrianus se offert; qui, dum literarum nobilibus monumentis se se augeat, hanc nostram patriam præclaris laudibus illustrat. Natus est Florentiæ nobili genere, anno M. cccc. lxi. Vir miræ eruditionis res cunctas, quas didicit, in varia studia, pro ut erat opus, par titus est. Contigit enim illi, dum suæ Reipub. nauaret operâ, atque eidem à secretis epistolis princeps scriptor inseruiret, ut summa eruditio non mediocri præsidio sibi esset; Dum docet præterea Græcè, & Latinè superiore è loco, iuuit eum necessariò eadem doctrina. Quòd autem mandauit literis, & quod monumentis adhuc extat, satis declarat virum insignem aliorum testimonio parùm egere, qui tam magnificè sua virtute se illustrat. Vis ingenij numquam dormitans, & experiens, mirum omnino dictum est, quàm multa sit strenuè complexa, & quàm egregiè confecerit. Honestabat eum volubilitas lingue, & vox canora, dum publicè doceret; eruditio autem mirabilis mirâ faciebat sibi audientiam; ut ipsa iuuentus, quæ semper erat frequens, & commendare hominis ingenium, & doctrinam efferrelaudibus præcipua inductione animi consuesceret. Accidit igitur, quod minimè prætereundum est silètio, ut legatio hominum honestorum magnis de rebus Florentiam veniret; qui, cum essent doctissimi, Marcellum, quem fama illustis doctrinæ cognitum habebant, audire velle se dixerunt. Imparatum deprehensum esse arbitrabantur nonnulli, cum deberet, vel subito summorum

H homi-

58 *Elogia virorum Florentinorum*

hominum expectationi respondere. Hic suo sibi ingenio confisus, sumpta eorum similitudine, qui repentinò homines hospitio recipiunt, appositè, & eleganter ad suum rem ipsam propositum accommodauit, cum alij raptim atrium, & trichinium perpoliunt, alij stragulata veste explicata parietes exornant; nonnulli mensam expediunt, quidam etiam cibos conficiunt; qui tamè, si quid in præpropera festinatione offensum fuerit, veniam sibi ab hominum æquitate datum iri arbitrantur; eodem modo sibi ipsi dixit euenire, cum subitò essent hospites nobilissimi recipiendi præclaris literarum epulis; sibi enim vni prope randum, vt essent omnia suo loco, suoq; ordine parata; quæ si parum essent prouisa, veniam sibi tamen datum iri tam subito virorum grauissimorum aduentu arbitrabatur. Cætera deinde, quæ præ manibus erant, tam industriè, tam ingeniosè persecutus est, vt, cum suo muneri responderet egregiè, in omnibus, qui aderant, admirationem non mediocrem commoueret. Id verò in Marcello mirum fuit, quòd dum doceret publicè, & iuentutem humanioribus literis erudiret, nomine Reipub. literarum scribendi munus numquam intermisit. Hoc eodem tempore gerebat bellum ciuitas nostra cum Pisanis; quotidie igitur magna negotia oriebantur; quotidie noui casus nouas curas, & noua consilia afferebant. His rebus expediendis perpetuò aderat Marcellus; ille, si quid nuntiabatur timoris, excipiebat; ille, si quid proponebatur laboris, sustinebat; ille magnis in perturbationibus magna cum fide vigilabat. Iam verò, quàm diu fuit supremo in magistratu Petrus Soderinus, semper illi Marcellus præfuit; negotiisq; grauissimis districtus, strenuè, quæ ille iubebat, exequebatur. Sed quantus profectò vir esset, multæ lucubrationes, quas in opus Dioscoridis scripsit, quoti die testantur. E Græco in Latinum conuersus ab eo Dioscorides, & commento illustri declaratus indicio est, quàm multa doctrina, magnoq; ingenio præditus esset. Tentarunt postea rem eandem nonnulli, sed in hoc labore Marcellus princeps fuit; qui rem vtramq; tanta diligentia persecutus est, vt ab huiusmodi rerum periculis magnus eidem honor habeatur; &, dum vsus frequens vsurpatur, doctissimus quisque viri doctissimi iudicium agnoscat. Id opus summa indultia absolutum Leoni Decimo, Pontifici Maximo, tunc recens creato dicauit; quæ

res tam grata fuit, ut Marcellum ad se euocauerit, & ut pridio quoque tempore se conferret Romam, imperauerit. Destinaret vir ille summus viri doctissimi opera uti in rebus grauib; de quo iam quantus esset, cum promulgatis lucubrationibus appareret, & vel eo ipso tacente, res ipsa sua sponte loqueretur. Sed multis laboribus, vigiliisq; fatigatus, dum se comparat ad iter, ut praestò sit Pontifici, incidit in morbum, leuem initio, sed ita grauem tandem est expertus, ut eodem sit extinctus. Magna eius morte iactura literarum facta est; eo enim tempore mortuus est, cum vis ingenij floreret maximè, & de eius doctrina spes maxima esset excitata. Anno enim septimo, & quingentesimo suae aetatis extinctus est, cum se ad res grauiiores compararet, lucubrationesq; maiores, adiuuante ingenio, colligeret. Reliquit filium, Ioannem Baptistam, qui eidem in docendi munere succesit; quique consimili doctrina tanti decoris laude dignus visus est. Docuit enim superiore è loco annos xxx. multa cum dignitate; qui cum suum ingenium nobilissimis disciplinis exornasset, magnoq; usu ad suum se munus exercuisset, perfecit magna cum laude, ut se doctissimi homines frequentarent, nec gloria aliquid in eadem familia imminutum esse sentirent. Eloquentia studiis deditus incendebar homines, ut venirent audire; sed vis multiplicis doctrinae tam multos sibi, eosq; eruditos deuinxerat, ut magno grege semper comitatus, quanti esset, sua sponte facillè ostenderet. Tam fuit ille magno praeditus ingenio, ut numquam ad docendum publicè non esset benè meditat; quoties enim usu venit, cum puer, qui codicem ferebat, praestò non esset, nec tempore ipso compareret, ut sumpto libro ab aliquo ex iis, qui veniebant auditum, lectionem totam persequeretur, duceq; memoria, quae in eo mirabilis erat, totum negotium strenuè perageret? Magno erat indicio, fuisse eum optimis disciplinis instructissimum, qui vel subitò, simulatq; res ipsa oblata esset, dicere posset de rebus grauisimis appositè, & copiosè, atque omnibus, vel cupidè expectentibus, vel sitienter expectantibus opportunè respondere. Cum expeteret Cosmus, Magnus Dux, ut historia sui temporis scriberetur, cum essent multi in ciuitate, qui libenter id oueris susciperent, vnus tamen Ioannes Baptista delectus est, qui hanc rem, quae omnium grauisima est, potissimùm susci-

60 *Elogia virorum Florentinorum*

peret. Expectationem viri amplissimi non fefellit vir doctissimus; qui suscepto negotio, quod mandatum ei fuerat, tam magna industria persecutus est, ut & viris doctissimis satisfaceret, & ceterorum expectationi pulcherrimè responderet. Habebat ille Tuscæ linguæ artificia benè cognita; in libris Græcorum, & Latinorum auctorum volutatus magnum erat vsum consecutus; accedebat vis ingenij omnino admirabilis, & grauis, ut quid vis vel maximum, modo adesset otium, implere posset. Cùm esset igitur his præsiidiis munitus, conflata ab eo est historia cùm multis ingenij viribus, tum clarissimis eloquentiæ artificijs. Spatio enim annorum quattuor, & quadraginta, quibus historia concluditur, res multas, varias, periculorum plenas est complexus; quibus enarrandis ita tenetur legentis animus, ita scribentis industria oblectat, ut nihil, quod ad summam historiæ gravitatem pertineat, desideres. Mortuus est anno M. D. LXXIX. ætatis autem suæ septimo, & sexagesimo. Laudavit eum (cùm hominum nobilissimorum, & doctissimorum concio aduocata esset) insigni oratione Franciscus Boncinus, in templo Diæ Mariæ, cui ab Alberighia familia nomen est; qui locus publico gymnasio pænè subiectus, vbi docerat Ioannes Baptista, non sine causa delectus est; ut pænè ibidem laudaretur, vbi ad aliorum emolumentum gloriosis se laboribus exercuerat. Successit in eodem munere docendi Ioanni Baptistæ Marcellus filius; qui paternæ, atq; auitæ gloriæ non indignus hæres docuit superiore è loco itidem publicè summa cum laude; cui iuuentus Florentina dedit operam multos annos eo pacto, ut Græcis literis per eum benè erudita summi viri, & doctissimi beneficium quotidie testetur. Libros multos Plutarchi è Græco in Latinum conuertit; qui, si euenerit, ut promulgetur, quam eius magna doctrina sit, faciliè ostendent. Magno litteratorum hominum mœrore mortem obiit, anno M. DC. III. cui in Ecclesia Diui Petri iusta satis magnificè facta sunt. Laudavit eum pro concione Auerardus Medices, iuuenis nobilissimus luculenta oratione; mira facta est ei audientia cùm eius, qui laudabatur, meritis; tum artificijs dicendi, quibus Auerardusegregiè, & copiosè vsus est. Marcellus senior in suburano templo Diui Francisci sepultus est, & una cum statua marmorea hoc epitaphio decoratus est.

*Suprema nomen hoc solo
Tantum voluntas iusserat
Poni; sed hanc Rarum pins*

*Erexit hares, nescius
Fama futura, & gloria
Aut nomen, aut nihil satis.*

VINCENTIUS BORGHINIUS. XV.

PER AMPLIS oneratus meritis summis cum viris numeran-
dus est Vincentius Borghinius, qui natus Florentiæ eius Xe-
nodochij appellatus est Prior; ubi aluntur infantes, qui a pa-
centibus nimiam ob egestatem destituti eum in locum lacten-
tes, & vagientes deferuntur. Hic acri ingenio, & magno, dū
grauibus rerum maximarum occupationibus distinetur, susce-
ptis nobilium literarum curis, magnum utroq; in negotio no-
men laudis est adeptus. Iudicio tam explorato, tam firmo præ-
ditus fuit, ut ab eo, quod ille sentit, nemo dissentiat; sed, quod
semel statuit, verissimum esse planè existimet. Vix quisquam
otiosus tam multa collegit, quàm hic multis negotiis distractus
res varias conscripsit; otium nullum tota vita fuit ei otiosum,
qui ingeniosus, & experiens cùm res utiles, & commodas sem-
per cogitaret, benè mereri de humano genere numquam desti-
tit. Dum originem ciuitatis Florentiæ vestigat, quàm ille sub-
tiliter, quàm ingeniosè scrutatur, quàm omnia acri iudicio per-
pendit? Nostratis hominibus gratum opus fuit; alienigenis
gratissimum; ut res singulas habeat cognitatas, quæ ad ciuitatē
nostram pertinent, nemo est, qui vehementer ad eius nomen
non se commoueat; tam ille res multas dignas scitu, & quæ ad
nostram patriam pertinent, tam egregias collegit, ut homines
discendi cupidos non mediocriter delectet, & cùm ciuitas ipsa
inuitet sua sponte, res ipsa tamen, quam summo ingenio per-
sequitur, legendi stimulos facillè suppeditat. Homines literati,
& graues magnis se vtilitatibus, dum legunt, fatentur augeri,
multumq; ut cognoscant omnia, libenti animo laborant. Rem
perditam præterea ad vitam, & vetustatis tenebris obrutam
ad lucem reuocauit, cùm vrbis Fesularum originem indagare,
& reperire conatus est; omnino acri iudicio fuit opus, ut, quod
desperatum fuerat, restitueret, & extinctum iam videndum
omnibus proponeret. Quid dicam de opere, quo totam Etru-
riam complexus, atq; vrbes eiusdem regionis enumerans do-
ctrina

Ærina quàm maximè insigni p̄scrutatur, quænam fuerint duo decim illæ vrbes, quæ rerum initio in terris conditæ præcipuo quodam modo à viris doctis requiruntur? quantum ingenio, quantum industria valeret, dum rem omnium difficillimam vestigat, satis vir ingeniosus ostendit; qui argumentis, & certissimis indiciis rem latitantem in medium profert, &, ne dubitari de veritate possit, multis verbis persuadet. De municipiis autem, & Colonis fuit omnino arduum opus, quod confecit; sed tamen commodum vsquequaque, & expetitum. In causa fuit origo nostræ vr̄bis, quam indagare constituerat, vt vehementer laboraret; qua ille rerum copia, quo ingenio rationes vndique corrogat, vt tandem liquidò appareat, quæ sit eius natura, & conditio, & quid omnino de re proposita statuendum sit? Quod igitur scriptores veteres latuit, qui annales nostræ vr̄bis confecerunt, summa Borghinij industria cognitum est, Florentiam esse Coloniam, eamq; militarem, quæ à trium viris, Cæsare, qui postea Augustus dictus est, Antonio, & Lepido deducta in magnitudinem tam insignem deinde creuit, suasq; vires longè, lateq; tam mirabiliter dilatauit. Viri militares, qui in hanc Coloniam adscripti sunt, ex tribu Scaptia fuerunt, in qua erat Augustus; quam gentem, ne de nostræ vr̄bis nobilitate dubitetur, nec infimæ conditionis fuisse, & bonis natalibus ortam esse, non defunt, qui grauiter assident. Hæc omnia Tusca hac nostra lingua Borghinius scripsit, stylo omnino à grauib; auctoribus non abhorrenti; qui si quandoq; obscurior quibusdam visus est, verborum tamen gravitate (dū paululum attenditur) quæ sit eius sententia, ostenditur. Liber verò de familiis Florētinis est omnino mirabiliter insignis; quàm ille res multas in eo, quàm verè, quàm grauiter proponit, quàm vtiliter perpendit? peregrinari videbatur ciuis Florentinus antea in sua ciuitate, qui, quid vnaquæque res valeret, ignorabat. Nunc autem nobilib; scriptis edoctus lucubrationibus viri doctissimi fruitur, & vim ingenij accerrimi agnoscit. Alij insignia, nonnulli stemmata appellant, quæ in clypeis depicta (quia in bellis vnusquisque nota aliqua distinguebatur ab alio) Arma communi nomine vbique appellata sunt. Hæc res nunc tam latè patet, vt familia sit nulla sine stemmate, nec stemma omnino vltum sine familia intelligatur. Hanc rotam
mate-

materiam tractauit Borghinius subtiliter, & ingeniosè; protulit in lucem, quæ latebant, quæ dubia erant, demptis erroribus, confirmauit, quæ obscura, rationibus certis illustrauit. Quid dicam de moneta, & de pecuniis Florentinis, quàm ille accuratè, quàm diligenter hanc rem vno volumine persequitur, quàm omnia summa industria vestigat, quàm magna diligentia, quòd vult, tandem aliquando peruenit? Iam verò in exquirendis nostræ vrbis rationibus omnino mirus est; dum quærit, vtrum Florentia à ducibus impotentissimis magnis cum exercitibus fuerit vniquam deuastata; atque vtrum imminuto suæ libertatis iure ab Imperatoribus se pecunia redemerit. In quo negotio tanto ille studio perpendit omnia, tam valde in res obscuras se penitus insinuat, tam certa ratione concludit, vt in iis denique, quæ proposita sunt, nihil desideres, & iure optimo còquiescas. Còplexus deniq; Ecclesiæ Florèntinæ negotiū, confecit librū de Episcopis, atq; Archiepiscopis Florèntinis singulari diligentia profectò; qui liber verè aureus est, atq; omnium iudicio eiusmodi, vt auctor ipse, cū gratum viris doctissimis fecerit, ab Sacerdotibus huius diocesis de manibus numquam dimittendus esse videatur. Omnibus res deplorata, & perdita videbatur, cū esset ordo huius negotij (amissis, &, qui reliqui erant, de prauatis codicibus) ab initio repetendus. Sed tamen multo labore, multaq; industria perfecit vir eximius, vt victis difficultatibus, res ipsa se se panderet, &, quid esset suis in latebris, tandem aperiret. Quia ille patientia idcirco libros manu scriptos conquisiuit, quàm deinde subtiliter euoluit, quàm ingeniosè ad suum ipse animi propositum vsus est? Homines eruditi, & qui in eiusmodi rebus diu versati sunt, sedulò affirmant, nihil fieri posse ingeniosius, nihil subtilius; qui, cū res esset obsita tenebris, per hominem doctissimum lucem veritati redditam esse vident, & fatentur. Qui Borghinij occupationes cognitæ habet, & qui cum in suo onere Xenodochij districtum multiplici labore intuetur, nihil ei reliqui temporis ad res alias obeundas fuisse iudicabit; qui verò doctrinam in scribendo, patientiam multis in libris euoluendis erit contemplatus, virum apprime industrium agnoscet, qui huic tam magno oneri non succubat, sed omnim expectationi optimè respondeat. Qui autem rem vtramque grauiter considerat, multis laudibus profequitur,

64 *Elogia virorum Florentinorum*

quitur, atque hominem ingeniosissimum, & doctissimum ad-
nutari non desistit.

IOANNES CASA. XVI.

FVI præterea ingenio, & literis Ioannes Casa præcipuè
insignis; qui parentibus Florentinis, eisq; nobilissimis ortus
eas artes primis ætatis temporibus edoctus est, quarum præsi-
dio legitimus, & maximè opportunus ad res maiores gradus fa-
ctus est. Animus ingenuis moribus excultus, & disciplinis,
prout tempus ferebat, opportunis institutus, dictu mirum est,
crescente ætate, quàm singulis panè diebus fieret amplior, &
melior. Apparebat vel puerilibus annis mens eximia, quæ ve-
ræ laudis cupida res grauiore, quàm fert illa ætas, & viriles ma-
gis suscipere, & moliri consueuerat. Eruditus literis Græcis, &
Latinis auctores, qui ceteris maximè antecellunt, aggressus est;
quibus intentissima cura euoluendis profecit tantum, vt nequa-
quam contentus, quòd eorum sensus egregiè perciperet, imita-
ri eosdem, & exprimere suis scriptis tentauit primo; & cum ipsa
res succederet, ingenij viribus fretus grauiora aggredi studia
ausus est. Quid sit igitur pangendis versibus adeptus, quo sty-
lo suas animi cogitationes expresserit, quibus modis suos ani-
mi sensus depinxerit, & exploratum iam cunctis est, & vno om-
nium doctorum ore celebratum. Liber Latinis versibus exara-
tus, miroq; artificio perpolitus eiusmodi omnino est, vt Lyri-
cis poetis non concedat, qui vel Latinis literis, vel Græcis iam
scripserunt. Stylus ipse verbis lectis, & rem ipsam significan-
tibus conglutinatus quàm ille, quod proponit, acriter conficit?
quàm commouet vtiliter, quàm delectat grauius, quàm inge-
niosè, quod vult, atque ægregiè concludit? Petrus Victorius,
qui tanto viro fuit in primis familiaris, hunc vnum huius rei no-
mine ita dilaudat, vt eis, qui hanc facultatem profitentur, om-
nino præferendum esse putet. Liber præterea, qui de officiis in-
ter potentiores, tenuioresq; amicos inscriptus est, qui latinis
verbis scriptus est, ceterorum laborum huius politici summi scrip-
toris non est dissimilis. Viderelicet in hoc opere eandem panè
scribendi rationem, qua vti Ciceronis ætate viri ingeniosi soli-
ti sunt; neque id mirum esset, si aliquem nunc in vilo emenda-
tè,

tè, politeq; scribendi vsum nostra ætas agnouisset; cùm esset antea homo, qui nihil, nisi inquinatè, & barbarè loqueretur, & scriberet. Tam densis in tenebris tanti viri industria insignis splendor emicuit; admirata est nostra ætas lectissimorum verborum conglutinatam facultatem, & ad vocem elegantissimæ orationis (vt factum est etiam in Victorio) hilarata. Sibi ipsi itaq; non defuit, atq; iter præmonstrantis rationem æmulata, sequitur opportunè, quod proponitur, & à quo tantum bonū acceperit, ingenuè fatetur. Præterea vita duplex, quam scripsit elegantissimè, stylum eundem olet; vita, inquam, Petri Bembi, & Gasparis Contareni, Cardinalium. Hac eadem facultate illustrata est virtus duorum virorum Venetorum; quæ etsi est in signis sua sponte, iudicio tamen viri doctissimi testatam numquam obscurabit obliuio, & perpetua seculorum omnium memoria vigebit. Quid complures epistolas enarrè, quid conciones, quas è Thucidide, Græco auctore, in Latinum conuertit? nemo melius sua lingua vsus est, quam benè hic peregrinus, & hospes aliena lingua dictauit, & scripsit. Sed vir mirus: industria, ingenio excellens, cùm didicisset multa, otium pati non poterat, & cessare tam bonis in rebus scelus omnino iudicabat. Musas igitur Tuscas nimis desidiæ indormientes studiis suis excitauit, docuitq; fateri, nostram hanc linguam mirabilibus viribus esse munitam, & dum modo præstò esset, qui eas explicaret, non deesse facultatem, qua cùm versu egregiè, tum soluta oratione copiosè quid vis persequi posset. Habemus idcirco Lyrica poemata stylo admirabili elucubrata; quæ tam magno ingenio confecta sunt, vt Græcis, & Latinis non concedât, & in nostris, si vera fateri volumus, mirabiliter excellent. Vt mos est in auctoribus eminentissimis, leguntur publicè superiore è loco; quæ cùm animi causa, tum grauissimè interpretata & eis, qui audiunt utilitatem afferunt, & illos, qui docent, non mediocribus laudibus afficiunt. Non desunt qui fatentur, hanc vim totam literarum cunctis poetarum lucubrationibus esse præferendam; nos autem, si quibusdam in rebus laudem Ioannis Casæ cum Petrarca æquatam esse dicimus, admirabilem omnino laudem, & peregregiam esse arbitramur. Aequatus enim poetæ omnium eminentissimo, vt viri doctissimi existimant, nonne ideo perfecit, vt laus quoque, quæ maxima est, æquata

66 *Elogia virorum Florentinorum*

fit? ne hominem de honore suæ ciuitatis tam benè meritum nimium diligere, & veritatis terminos transire videamur. Veniamus tandem ad profam orationem; in quâ Ioannes Casa præter cetera enituit. Extat oratio de restitutione Placentiæ: pro qua à militibus Caroli Quinti occupata, rogat Ioannes Imperatorem, vt Octauio Farnessio, cuius res erat, restitueretur. Hæc vna oratio ex omnibus aliorum, quæ in nostra lingua sunt innumerales, legitur attentè; hæc vna & dicendi artificio, & nobilibus sententiis ceteris huius generis præfertur; hæc vna, & verbis lectis, & numeris absolute elegantibus, vt benè scribendi viuum exemplar, scribentibus proponitur. Et profectò si artificium vsquequaq; excutias, tantum in ea rationis, tantum virium reperies, vt nec fieri melius, nec absolutius esse iudices; sin doctorum hominum consensum intuearè, conferendam cum orationibus veteribus summorum virorum forti animo fateare. Opus qui Galatheus inscribitur, quique omnem manibus eximia cum laude teritur, quanti vir hic sit, planè ostendit. Res nulla est tam egregiè elucubrata, quæ his Galatheï lucubrationibus minor non sit; nulla tam ingeniosè confecta, quæ huius operis industria non vincatur. Vnusquisque enim, dum legit, diuinum quoddam lac sugere præ se fert, & mirabili quodam nectare se alere videtur, dum gustat auidè nobilium præceptorum sententiis, & vim admirandæ scriptiōis sedulò imbibit. Hæc morum facultas tam insignis ab Ethicis Aristotelis abest, vt apparet, sed non deest fortasse; spectat vir ille summus semper alta, semper insignia grauitè considerat. Galatheus verò dum hominum naturam intuetur, quæ sua sponte rudis est, atque informis, humanam imbecillitatem miseratus, quæ in Ethicis aberant, de suo addidit, atq; vt hominum animus ad virtutem informaretur commodius, facultatem elegantium morum opportunissimam proposuit. Aggredienti enim res maiores quàm hæc suppellex appositè inseruit, quàm egregiè, vt se virtutibus exornet, vim suppeditat? Gratum fuit opus, vt apparet, mediis, summis, infimis; omnes ita probant, ita sumunt in manus, ita ad res, quæ in hoc opere continentur, se exercent, vt multis se commodis, & ornamentis augeri fateantur. Dilaudatus est à me hic liber vnâ cum oratione Tusca lingua, & quibus rebus potui, celebratus; qui deinde excusus typis, quâti

à me vir summus æstimetur, facile ostendit. Per multis summis viris Florentia se iure optimo exultat; sed hoc viro doctissimo ita gloriatur, vt exultet; & quibus in locis eius celebratur nomen, eam ipsam laudem suam esse ducit; & ad se potissimum pertinere arbitratur. Miraculi instar visum est, hominem tenui valetudine, cum esset Beneuenti Archiepiscopus, multisq; etiam occupationibus perpetuo districtus, tam multas res, tam difficiles grauioribus in literis obire potuisse; cum cogitarit etiam, si vita suppedicaret, de tribus linguis, Græca, Latina, & Tusca, copiose, & appositè tractare, &, quo pacto vnaquæq; inter se sit affecta, enarrare. Sed morte tam insignis cogitatio interpellata mororem suis necessariis, doctis viris desiderium reliquit; ea enim iactura hac rerum perturbatione facta est, quæ nullis rebus compensari potuit; atque etiam nunc non desiderio solum, sed pænè lacrimis ab omnibus, qui multum sapiunt, requiritur.

ALOYSIUS ALAMANNIUS. XVII.

IN TVENDVS est deinde Aloysius Alamannius iudicio omnium miris laudibus ornatus. Natus Florentiæ Alamannius, & nobilibus artibus institutus, vel primis ætatis temporibus, quanti esset futurus, planè ostendit. Etenim dum studiis se egregiis exercet, contigit ei feliciter, vt saperet plus, quam fert puerilis ætas, & cunctos eiusdem ætatis, tractandis disciplinis, superaret. Dedit ille permulta ingenij sui, & doctrinæ documenta, dum fuit Florentiæ, idest in patria; deinceps autem velut stirps generosa aliò translata non solum eisdem fructus fert, quos natali in solo ferre consueuerat, sed magis vberes aliquando, & meliores; ita Aloysius in Galliam translatus eo pacto ingenij sui vires explicauit, vt nihil eis vberius, nec melius omnino iudices. Cum esset Alamannius Francisco, Regi Gallorum Primo carus vehementer, qui Tuscis in versibus se mirabiliter oblectare consueuerat, quo eius animum promeretur magis, varia poematum genera aggressus est, quibus potentissimum virum magnificè, & laudè muneratus est; qui ab eodem adiutus & Regiam liberalitatem est expertus, &, vt rem institutam persequeretur audacter, incitatus. Scripsit igitur

68 *Elogia virorum Florentinorum*

Tusca lingua Elegias, quas in libros quattuor partitus est, singularis elegantiae plenas, atque artificij. Quod in aliis arduum, & durum est, in hoc suave, & facile perspicitur; nemo enim tam molli stylo, tam dulci vmquam vsus est, qui huius perpetua quadam facilitate non vincatur; fluunt ab eo illaborati versus incredibili suauitate, quos nullus labor vmquam, vel multa industria adhibitus assequetur; qui, cum res varias semper secum ferant, quippe qui nectare quodam dulci conditi sunt, incredibili voluptate legentis animum afficiunt. In his lucubrationibus qua ille eloquentia, quo verborum flumine res sacras, & pias aggreditur, quibus sententiis res gestas Nostri Saluatoris describit, quam pulchrè, quam optimè, quam diuinitus? Animus enim celestibus rebus dulcissimè irretitus, dum ea legit, quæ tam piè scripta sunt, sensim se incendit, atque ad res diuinas singulari quodam modo se inflamat. Scripsit præterea multas Eglogas admirabili artificio; in quibus poetarum more stylo pastoralis res varias persequitur, dulciq; eloquentia, vt solet, legentis animum oblectat. In quo negotio, vt ille scribit, solutis versibus, hoc est, sine rhythmis extremis primus hoc edidit poema, doctoremque hominum auribus satis commodè hæc noua voluptate inseruiuit. Tam ille sententiis crebris opportunus est, tam concinnus, vt veterum poetarum morem æmulatus nequaquam eorum artificijs concedat, & multis partibus sepius excellat. Quid rhythmos commemorè, qui versibus quatuordecim concluduntur? qua ille industria, quo ingenio res varias nunc ad grauitatem, nunc ad læticiam, atque ad animi oblectationem compositas comprehendit? quam est ille mirus interdum, quam egregius, qui quiduis commendandis affectibus conficit, & rem ipsam verbis lectis, & propriis enarrat? Fabula Narcisi mirum in modum suauis describitur ab Aloysio subtili quadam diligentia; quæ, conquisitis artificijs, rem ipsam ita exprimit, vt, dum animus voluptate afficitur, pueri illius casum ponere ante oculos videatur. Quid ego præterea Atlantis fabulam, & Tyberis inundationem pluribus verbis persequar? in his lucubrationibus non est sui dissimilis Aloysius; vno ille tenore verborum, & sententiarum, pro vt subiecta materies quarit, rem exprimit tanto ingenio, tantaq; copia, vt delectet non mediocriter, & prosit. Lactea illa vbertas, nihil est, quod

mira-

mirabiliter non conficiat; multiplex verò rerum scientia quicquid aggreditur, sapienter molitur, & concludit. Quid? nonne mirum est, cum, qui natura hilaris, ingenio mitis tam multis in rebus visus est, ad id repente delabi, quod est severum maximè, & asperum? Satyras igitur, triste dicendi genus, aggressus est, minimè inuita Minerva, ut dicitur, sed non nihil tamen præter eam expectationem, quæ erat de illo ceteris in rebus excitata. Quas ille Satyras non magnò negotio collegit ea de causa, quod ei, qui virtutes omnes egregie imbiberat, atque in eis summa se cum laude exercuerat, minimè arduum erat vitia agnoscere, & mores sui seculi deprauatos obiturgare. Operæ pretium igitur ab eo factum est, qui vitæ innocentia, atque animi munditia puris oderat huius seculi insolentiam, & maculosæ conscientie homines ferre æquo animo non poterat. Pieterea cum esset periculoso, grauiq; morbo confectus (quia se ipsum iam deploratum esse fatebatur) ut, quicquid superesset temporis, de lucro viuere fateretur, firmo animo statuit totam vitam retexere, & Deo cogitationes suas omnes demissimè dicare. Septem igitur Psalmos, ut fecit Dauid, exarauit, quibus se dolenter accusans precatur Deum, ut sibi suam gratiam impertiat, & quicquid peccando superioribus temporibus offensum fuerit, condonet. Alijs in operibus, quæ legi, animi pietatem huius viri, & religionem licet intueri; in his tamen Psalmorum lucubrationibus eximia quædam mentis inductio perspicitur; qua cogitationibus nostræ pietatis nihil esse sibi carius, nihil antiquius ostendit. In tragœdijs explicandis, quæ mirabiles sunt, perspicitur verborum magnificentia, & sententiarum granditas; quàm benè hanc poeticæ facultatem haberet cognitam, hoc rerum genere præcipuè demonstrat. Agrorum cultus solutis versibus, ut dicitur, exaratus, eos, qui hac cura delectantur, vtiliter iuuat. Rerum naturam imitatus ducem adhibitaq; doctrina non vulgari, mirus est conflatus labor, quò in cultu agrorum ita vtuntur nonnulli, ut veterum auctores non requirant. Extat etiam labor diuturnis lucubrationibus confectus, qui Varchides inscribitur; non desunt, qui admirentur, qui dilaudent, qui, cum res singulas subtiliter expendunt, maximis poetarum operibus opponere non dubitent. Poema præterea, cui Gironi Cortesio nomen est, magnam Alamannio tu-

lic laudem; indicatum est enim, quicquid ille in hoc genere didicisset, quicquid haberet ingenij, id ipsum in hoc opus contulisse. Nam & res variae descriptae sunt industriæ, rationibusque poetice artis obseruatis, qui Aristotelem sequuntur, tantopere probant, ut onerare laudibus, & celebrare non desistant. Hæc omnia, dum Regem Gallorum colit, dum viros principes obseruat, dum strepitum cohortis Regiæ non deserit, ira collegit, ut hoc incommodo non nihil laudis meritis iam laudibus adiecerit. Sed profectò qui studet, ut sua opera populo placeant, ab populi usu, tractandis negotijs, non debet abhorrere. Minimè enim percipiet, nec umquam grauitè addiscet, quod populo probetur, nisi populi mores, ut fecit Alamannius, & cogitationes optimè didicerit.

De tribus viris clarissimis, Boccaccio, Petrarca, Dante.

IN summi decoris possessionem ita pedem posuerunt tres viri clarissimi, Boccaccius, Petrarca, Dantes, ut orbis terrarum iudicio ubique gloriosis vocibus celebrentur. ij ea ratione nominantur, ut vnus quisque optimarum artium scientia excellat, & suam, nostramque hanc eandem patriam illustret. Est igitur eorum laus tam insignis, ut nostra nunc laus nequaquam necessaria, sed planè superuacanea videatur. Faciemus igitur nunc, quod ipsi fortasse facerent, si viuerent; qui, cum viderent, se vnus operis nomine tam gloriosè nominari, ceteras lucubrationes, quæ minimi putantur, forti animo abijcerent, & ne suæ laudi officerent, omnino recusarent; eas nos lucubrationes (re vnâ tantum retinentes) nunc idcirco itidè dimitemus, quæ exigui nominis minime ad summam, qua celebrantur, gloriam aspirant. Viri præterea graues, cum incipit aduentare vitæ finis, de suis, quos scripserint, interrogati laboribus, eos tantummodo retinent, quos omnium iudicio probatum iri arbitrantur; recusant per sæpe ceteros exigua industria munitos, & comburendos esse grauitè decernunt. Horum igitur more, omissis ceteris lucubrationibus, rem vnâ in singulis notabimus; quæ & communi omnium ore ubique celebratur, & vis insignis industriae in ea præter cetera perspicitur.

QUAE operis Boccaccij ratio sit, & cuius rei causa nominetur Decameron, ita est omnibus in promptu, ut meis verbis opus non sit, cum ipse auctore eo pacto propositi sui rationem enarrauerit, ut, quicquid adjicias, omnino esse super vacanum videatur. Fabulae centum, quae Nouellae dicuntur à nobis, à Boccaccio enarrantur; quas partim septem florenti aetate mulieribus, partim tribus iuuenibus tribuit; ut tristibus curis, quas pestilentia tunc afferebat, ablegatis, & mortis terroribus vicatis, amoenis in locis, & suburbanis haec florens societas vitam traduceret, & se à malorum impendentium scuitia remoueret. Hoc nomine narrandis rebus tum latis, prout vis ingenij peperit, tum etiam nouis, ut res ipsa quandoq; tulit, conflatata est decem in illis personis ea iucunditas, atque eo pacto societas illa hilarata est, ut ex mortis faucibus crepta in laetitiae sinum recepta esse videatur. Vestigabimus igitur, quo ad eius fieri poterit, quae causa sit, cur hoc Decameronis opus tam magno sit in precio, ut vno omnium consensu ceteris omnium praeferatur. Res minimè facilis, & maximè ardua, se ipsam aperiet, nisi fallor, si quibus rebus sit confecta, legentis animus attendet. Sensus igitur apppositi, atq; opportuni, multumq; ad rem, quae subiecta est, accommodati, cunctis in fabulis ita dominantur, ut eum, qui legit, simulatq; ceperint, perpetuò retineant, & maximè oblectent. Quoties sermo sua sponte, aut de industria obscurior conflatus est, aut in griphos, & res controuersas est deductu, quam ingeniosè tamē se exoluit, & rem implicatam quam explicat enucleat, & concludit? Qui studet poeticae arti, & cōfendis se fabulis exercet, lucubrationes suas huius viri ingeniosissimi lucubrationibus locupletat; qui factus quodammodo ad sollertiam, quae poetarum propria est, miras ille cogitationes persæpè molitur, quas parit tam multo ingenio, tam subtiliter, ut sine rithimis in prosa oratione vim admirabilem poeticae agnoscas. Hinc in rebus formidolosis agnitiones, hinc peripetiae quandoq; non expectatae oriuntur; hinc cogitationes incredibili artificio meditatae se se produnt; quae dum rem propositam exornant, au-

ctoris

ctoris ingenij magnitudinem designant. Verborum delectus præterea optimorum mirus est: ea enim delecta sunt (verbis enim Florentinis tantum modo utitur) quæ propositæ rei maximè conueniunt. Incredibile dictu est, quàm multi hanc verborum exquisitam diligentiam laudarint, quàm probarint iudicium, & in suis ornandis operibus quàm scitè, quàm commodè vsurpauerint. Indicat id magnus numerus obseruationum in hoc opus doctissimorum virorum; indicat assiduus eorū labor, qui quotidie imitari non desistunt; in eis mira verborū proprietates, peregrinis locus est, quoties opus est; translatis ita utitur, vt dignitas in sententijs existat; vsus, qui reliquus est, à ceteris verborum rationibus non abhorret, si quis inquirere diligenter, atque indagare rem voluerit. Iam verò in hoc auctore quanti est illa virtus? qui, cum res multæ varijs dicendi modis possint vsurpari, omnium verborum naturam cognitam habet; vt, quæ conueniunt magis, magisq; opportuna sunt, ad sui ingenij arbitrium, quod maximum est, scienter, & propriè accommodet. Non mirum est, cum omnibus verbis tam benè uti, atque eis orationem suam texere, cui omnium vocum naturam tam benè cognita est. Ingenij acerrimi præterea facultas, id est iudicij quàm maximè obtrusa hanc dicendi vim maximè omnium elegantissimam peperit. Locutiones, & verba scitè, & prudenter vsurpata satis apertè ostendunt, omnia ei perspecta, & cognita fuisse, quæ in hac nostra lingua continentur. Numerus præterea sapienter, & suauiter quodam modo commendatus aurius mirus adeo est, vt eo fieri melius nihil possit. Si quid enim, quod suo loco positum est, aliò commutaueris, aut addideris aliquid, aut dempseris, & numerum ipsum deprauatum esse senties, & supellectilem optimorum verborum dissolutam, & pessimè conglutinatam iudicabis. Multæ locutiones præterea de inuictis opus conficiunt cunctis in rebus omnium instructissimum, & optimum. Dicuntur enim locutiones, & verba de inuictis, quæ tanto artificio munita sunt, vt, si mutantur, nullo alio commutato artificio vinci possint; vt quicquid aut addideris, aut mutaueris, aut dempseris, omnino sit deterius futurum. Hæc res vna auctores omnium optimos, & lucubrationes insignes maximè omnium efficit. Locutiones de inuictis aut verbis vsitatis conficiuntur, aut pariuntur ab eo, qui

qui scribit, dum sententias admirabiles molitur. Hæc ipsa scribendi ratio non, nisi viris ingeniosissimis, & doctissimis contingit; nec in verbis minus, quam in sententijs perspicitur; quæ cuiusmodi sit, legenti accuratè, faciliè occurrer; & dummodo verborum, & sententiarum attendatur virtus, res ipsa sua sponte se ostendet. Non desunt, qui opusculum, qui Labyrinthus inscribitur, eodem habeant in precio, quo Decameron habetur: Nos nihil, nisi quod viris doctissimis placuerit, statuimus; cui si aderit ea preciosa supellex, quam descripsimus, iniurium quidem esset ea laude priuare, quam mirum artificium potissimum requirit. Hic minimè silentio prætereundum est; quid Argyropylos, vir natione Græcus, idemq; doctissimus sentiret de Boccaccio; qui Græcis in auctoribus sapienter, & diu volutatus, cum hoc centum fabularum opus legisset accuratè, affirmare grauitè solebat, Græciam ipsam nullum habere auctorem, qui tam copiosus esset, tam eloquens, nec qui tam magno artificio mores cunctorum hominum exprimeret, nec tam venustè in rebus, & locis describendis cupiditati omnium responderet. Hæc enim facultas tam est insignis, vt laudem eximiam iam pepererit, atq; omnium acerrimis ingenijs probata ubique cupidissimè legatur. Utinam ne auctor ipse nimis suo ingenio indulgens sibi ipsi placere voluisset; qui nimia libertate quandoq; inhonestis argutijs, dum suis artificijs inseruit, ita mores optimos vulnerat, vt ad arbitrium sanctissimorum virorum emendandus nonnullis in locis fuerit, & corrigendus. Cetera suo loco eo pacto durent, & leguntur, vt nostræ linguæ studiosos mirabiliter iuuent; qui crebra lectione tantum profecerunt, vt magnos inde progressus sint adepti. Ad supremam denique laudem non defuit, qui hæc Boccaccij fabulas in linguam Gallicam ex hac Tusca fideliter conuerterit; vt cum earum sensus propter linguæ incertitiam non bene perciperetur, linguæ suæ præsidio cognosceret Gallia, quàm esset hic auctor mirus, quàm insignis, & in varijs rebus effingendis quàm appositè eloquens, & opportunus.

...PETRARCA. XVIII.

No. V. L. I. poetarum secundus Petrarca Florentinis natus patribus se se prodit; qui varijs lucubrationibus insignis, vno opere, quod Tusca lingua exaratum est, vno omnium ore lyricis poetis antecellit. Non desunt, qui commendent varias lucubrationes, quas scripsit; multisque laudibus afficiant. Notum tantum opus, ceteris omnibus omissis, intuebimur, & cur sit tam magno in precio apud omnes, contemplantur. Id opus est, quo Tuscis versibus pulchritudinem moresque insignes Laure, virginis Gallicæ celebrauit, stylo lyrico, artificio admirabili, ingenio tam sublimi, ut nemini, nec quod peruenit, asperare, nec euolare altius unquam fuerit tributum. Ijs, quibus venit in dubium, ut poetis mos est, Petrarcam non imitari, atque idcirco non bene poetæ nomen eidem conuenire, satis accuratè vno opusculo ab Angelo Signio responsum est; qui poemam nostram non tantum poetice imitari, sed ea imitatione persequi affirmat, quæ præcipue optima est, maximeque opportuna, in hac imitatione inest Amans sine vitio, miræ pulchritudinis, admirator, qui (ut Græcis, & Latinis poetis mos est, qui turpibus amoribus illigati res obscenas audacter describunt) non eodem modo suas cogitationes persequitur; sed castis, honestisque sententijs rem conficit, & ut auribus vel virginum castissimis adhiberi possit, optimis versibus proponit. Vtritur verbis ad lyricam poesim accommodatis singulari elegantia, atque artificio incredibili; hæc verborum facultas aurea potius, quam latea dicenda erit, quæ admirabilis cunctis in rebus, & preciosa tam exquisitis rationibus opus, omnium elegantissimum confecit. Verbum ab eo nullum excidit, nisi elegans, nisi purum, & proprium. Verborum coagmentatio tam est concinna, tam iucundè erudita, tam meditata suauiter, ut res nulla dulcior esse possit, nec melior. Singulis in verbis insignis munditia perspicitur; exprimendis in sensibus singularis industria notatur; accedit artificium usquequaq; admirabile, quo & verba splendide illigantur, & sensus insigniter ornati exprimuntur. Varijs tractandis sensibus, dictu incredibile est, quàm sit admirabilis, quàm eximius; qui & si res nouas sapissimè aggreditur,

ter, admirationem tamen sapissimè etiam in animis legentium
ingenerat eo pacto, vt, dum suauissimè oblectat, ab omnibus
animi causa ad verbum ediscatur. Verbis translatis ita vitur,
tam ingeniosè, vt non poeta, sed norma ipsa, & lex poetandi
loqui videatur; tam consideratè, tam artificiosè in hoc nego-
tio adhibita ratio est, vt attendatur ab omnibus; & vt ars, quæ
sit certissima, obseruetur. Quicquid est generis exornationis,
qua oratio expolitur, in eo tam multis dicendi virtutibus re-
peries, vt omnes rhetorum, & poetarum arculas adhibeas, &
pigmenta omnia in hoc vno opere consumpta esse dicas. In-
credibili industria, maximoq; ingenio res tanta confecta est;
sensus mirabiles artificiosis rationibus inuenti, argutia verbo-
rum concinnata. Subriliter hanc facultatem tam suauem, tam
expetitam auribus pepererunt, quæ tam cupide legitur, tam
gloriosè, vt nullis lucubrationibus inferior cunctas poetarum
lucubrationes superarit. Quoties id opus in negotijs expeti-
tur, atque etiam animi causa attenditur, ita gratum est otiosis,
atq; occupatis, vt sine eo nemo sit, quin vitam duram, & in-
suauem esse plane existimet. A pueris cupide ediscitur, honestè
legitur à mulieribus; admiratur undocis, indoctis est iucundum;
egentes in laboribus consolatur, diuites in rerum copia oble-
stat; sermonem vel summis iu viris, & Regibus exornat. Graui-
bus in negotijs non obest; animos moerore affectos hilarat,
hilares nobilibus sententijs pascit, & conseruat. Erit fortasse
in hoc nostro poeta faciendum, quod vir doctus, & gravis fe-
cisse dicitur: qui cum in conuiuio versus quorundam poetarum
dicturus esset (quia honestæ aures ob turpitudinem respuerēt)
ne dicentem pudor confunderet, velato capite pronuntiavit;
qui honestissimis sententijs confatus, & verbis optimis con-
positus, tuto vel in virginem conuentu legi potest; neq; in hoc
erit verendum, vt sanctissimis in moribus iactura sit facienda
probitatis (vt in Græcis poetis, & Latinis vsuuenit) cum viti
omnem turpitudinis hic vir optimus à suis lucubrationibus re-
mouerit, suumq; opus & verbis, & sententijs castissimè exorna-
rit. Volumen vel amplissimum implem; si res singulas ex-
quisiti, artificij persequi vellem; tam enim ingeniosè res vesti-
gat, vt tertio quodq; verbo admirationem commoueat; tam à
multis dicendi virtutibus diues est, vt singulis quodammodo

in verbis id efficitur: Delectat ille docti, foris est iocundus, con-
solatur in ætumnis; exornat in rebus lætis; in otio virtutem ex-
citat, in negotio; ut vim virtutis exerceas, præsto est: Vbiq;
deniq; commodus, ubique opportunus; tēpore ipso, quicquid
expetiueris, suppeditat. In verbis præterea, & sententijs de
inuitis omnino hic noster poeta vincit omnes; in hac facultate
quàm ille creber est, quàm copiosus, quàm vsquequaq; sapiens;
& mirus? Hac ipsa re tam magna gloria nostræ poetæ parata est;
hæc illum præter cetera summum fecit; hæc ingenij magnitudi-
nem illustravit; hæc ut ceteris lyricis poetis antecelleret, facile
præstitit. Quamobrem, ne tantæ virtutis semen desideretur,
proponemus hic aliquid exempli causa, quo cetera, quæ sunt
eiusdem generis; commodius intelligantur. Admirabilis est
igitur ea cogitatio in quadam ode;

Così vedessi io fiso,

Com' amor dolcemente gli governa;

Sol' un giorno da presso,

Senza volger giamai puota superba;

Ne pensassi d' altri, ne di me stesso;

E' l' batter gli occhi miei non fosse spesso.

Quid? in eo nonne, qui legunt, obdormiscunt? Peda in eo nonne

Passa la nave mia colma d' oblio;

Atque in eo itidem nonne mens suavitatis dulcedine cōpletur?

Lenommi il mio pensier in parte, oue era;

Quò peruenit noster poeta, nemo unquam aspirauit; nemo
unquam tantum imbibit scientiæ, quantum ille poeticis senten-
tijs sapienter expresse; nemo unquam se ipsum vincens supra
id, quod potest humana natura, altius ad sublimes sensus euo-
lauit. Quæ res vna ceteris omnibus rebus præferenda est, nulla
in hoc admirabili poetâ errati suspicio reperitur; cum ais sum-
ma, vel summa laus potius omnia occupauerit; quin potius le-
gem quandam insignem, & rationem magno vñ iam corrobo-
ratam vel doctissimi viri deprehendunt, & fatentur. Habeant
sibi ceteræ vrbes sup̄ viros, qui varijs doctrinis sunt insignes;
dum habere nobis perpetuò liceat virum cunctis laudibus cu-
mulatum; qui dotibus ingenij admirandis, artificijs poeticis
tantum præstitit, cum urbem nostram illustrarit, ut ceteros
poetas omnes gloriosis cogitationibus superarit. Neque verò

exiguus

exiguus laboribus tam magna laus ei constitit; qui se ipsam suo ingenio excutiens, dum morosè secum varios sensus versat in solitudine præsertim, quanta vir diligentia esset, non obscure ostendit. libet igitur hic aliquid ponere, quò res, de qua dicimus, sit testator. Consuenerat poeta noster, dum moliri aliquid cogitando vellet, multis spatijs faciendis deambulare solus, & dum orirentur cogitationes, atque aliæ alijs succederent, ne, quæ subito eruperant, evanescerent, pellita quadam in veste, quæ erat indutus, quæq; nullo panno exteriori erat cooperta, scriptitare subito, quæ Tuscis in Musis venerant in mentem, multisq; hac, atque illac notis, & lituris circumscribere. Hanc ipsam vestem Ioannem Casam unâ cum Iacobo Sadoletto, & Ludouico Beccatello, quorum erat in potestate, contemplari solitum esse dicitur; & cum anno MDXXVI. grauis pestilentia omnia in Italia deuastaret, cum animi, tum etiam salutis causa rus Mugellatum Ioannis Casæ omnes concessisse, secumq; hanc vestem, ut per otium contemplerentur, habuisse. Apparebar, summum hunc virum, fastidiosè, diu, & patienter commentari esse solitum, cum alia mutata, alia interlita, alia deleta penitus conspicerentur; nec contentum ijs rebus, quæ primò venerant in mentem, tentasse omnia; ut, quæ sibi maximè esset vsui, maximèq; in optatis, ex inuictis sapienter rem efficeret. Iure optimo Florentia, viri tam illustri patria, gloriatur, quæ lucubrationibus tam sublimis poetæ decorata, singulis horis fruitur gloriosis laboribus; & quicquid in eum laudis, quod maximum est, confertur, omnino ducit suum. Præter nobilissimas artes res duæ in summo viro, cuiusmodi Petrarca fuit, inter se contrariæ quæruntur, ut sit experies, multisq; amicitijs inseruiat; habeatq; sepositum otium, cuius causa conditus in solitudinem communem hominum sensum cognitum habeat, cuius præsidio res explicet, & ut didicit in negotio, quod est intimis in sensibus, pulcherrimè in otio conficiat. Disciplinis nobilissimis præditus poeta noster, quo pacto eis bene uti posset, tractâdis magnis negotijs didicit; quæq; in concursu summarum rerum cognouit, honesto in otio, eoque diuturno explicauit. Nemo enim, quæ homo expetit maxime, addisceret, nisi cum hominum vsus frequens optimè commune faceret. Viris illustribus Petrarca vsus est perpetuò; multisq;
familia-

78 *Elogia virorum Florentinorum*

familiaritatibus implicatus, satis, quid hominum sensus posceret, percepit; suauitatemque omnium optimam in otio mente sua tantum contemplatus opus ceterorum omnium nobilissimum peperit, summisque ingenijs, ut se alerent, proposuit.

D A N T E S. XX.

INGENIO, & doctrina poeta Dantes se se offert poetarum omnium eminentissimus, qui Florentiæ Florentinis natus parentibus, artesque nobilissimas edoctus, vel primis ætatis temporibus, quantus esset futurus, demonstrauit. Didicit enim peracti ingeniores difficiles, & arduas; exornauit se illis doctrinis, quibus miros adeptus progressus res grauiiores deinde inciperet. Memoria fuit tanta, ut, quæ didicit primò, perpetuò retineret; cui, cum se clarissimis disciplinis instruxisset, ut cuius ingenij magnitudinem probare posset, venit in mentem, ut suæ Repub. suam operam nauaret. Id ipsum autem honori sibi futurum eò magis arbitratus est, quò minus esset habiturus, qui se sibi tam præclaris artibus æquare posset; rerumque arbititer cuncta negotia esset ad suum arbitrium acturus. Non deerat ingenij magnitudo, summa voluntas præstò erat; quibus rebus, & gloria sibi fore suam operam, & multum apud omnes suam auctoritatem aucturi iri arbitratus est. Incidit igitur in concursum maximorum negotiorum, ut volebat; sed erant in tanta inter se dissidentium disunctio, ut, quicquid concordie causa hic noster poeta moliretur, cum alterutri partium fauendum esset, non ad mala disceptantium minuenda, sed ad disensionem augendam adhibendum esse videretur. Cum suis officiis, quæ rectissima erant, nonnullos offendsset, in exilium erectus est; tanta aduersariorum sauitia, ut, direptis bonis, dissimulante iure dotis obtineret vxor, ut viri sui bonorum particulam, eamque exiguam ad alendam familiam conuerteret. Hinc tantis viri spe reuertendi in patriam destitutus, varias in regiones vagatus, & profugus, & exul diuersum hominum liberalitate subleuatus est. Egens igitur, & miser in Galliam profectus est; Lutetiamque disciplinarum causa se contulit. Quò in loco eo patet nobilissimis artibus cumulatus est; ut rebus disceptandis (ut publicis in gymnasiis mos est) nemini summis in rebus con-

cede-

cederet, sed ingenij magnitudine superaret. Nemo eo subtilius, nec magis acriter rebus controuersis propositis differuit; nemo res dubias, & obscuras melius cognouit, nemo ad ea, de quibus disceptabatur, respondit sollertius, aduersariorumq; propositum commodius confutauit. Eruditus enim optimis disciplinis cum mathematicis; in quibus erat mirabiliter insignis, tum sacris literis, quas cupidissimè imbiberat, quid vis optimè in disputando facere poterat; confirmare enim quæ placita essent, ita didicerat, ut cum contrà differentes acerrimè refelleret, ad suum, quod probarat, arbitrium sapienter concluderet. Scripsit, quæ extant, multa, ut notum est; nos tres Canticas tantum, ut nominantur, considerabimus, quibus Tusca lingua inferorum loca, Purgatorij, & Paradisi regiones ita describit, & poenarum sceleratorum, & beatorum gaudia enarrat, ut vel maxima ingenia obstupescant, & quo quis est sollertior, & doctior admirari non desistat. Altissimo ingenio, atq; incredibili præditus fuit poeta Dantes, qui res obscuras, & difficiles perscrutatus est, ut primas, & extremas, qui in re tanta secum cōtenderet, nec inuenit adhuc, nec, qui tam sollerter audeat, tā labor immensus habiturus esse uideatur. Scripsit etiā hoc opus primus, ut sententiā tertio quoq; versu rhythmis suauissimis cōcluderet; sed tamen euolauit tam altè, ut solus, & postremus quam gloriam primò sibi peperit, eadem frueretur ad extremū, iureq; optimo omnium consensu retineret. Quod cunctis seculis mirum erit, rudi planè seculo poeta noster has suas lucubrationes scripsit tam exquisitè, tam doctè, tam ornatè, ut nostro nunc seculo, quod tam eruditum est, etiam nunc sitienter legatur, & mirum in modum apud omnes sint in pretio. Peruenit nunc ad summum oratoris facultas, poetarumq; suppellex facta est tam insignis hoc nostro tempore, ut ea profecto ipsa fieri melius nihil possit, nec elegantius. Per multis nunc, magnisq; ornamentis, aut, ut verius dicam, ex antiquis auctoribus in lucem editis, quicquid in his nobilissimis artibus contineri potest, prolatum iam est; cum cunctisq; ingeniis expositum. Quibus rebus tantum abest, ut obscuritas vlla splendidis nostri poetæ lucubrationibus allata sit, ut ab eis nostra ætas didicerit multa, & suas lucubrationes diuino hoc poetæ Dantis legendo opere locupletarit. Ea vis erat in hoc poetæ intelligentiæ, & notionis rerum

rerum mirabilium, ut nihil in suo opere adhiberet, nisi quod esset summa industria elucubraturum, magno artificio expolitum, & ingenio quodam admirabili perfectum. Quam id, quod dicit, verisimile est, quam ad veritatem proximè accedit, quam legi poetarum propriè obtemperat, quam ingeniosè, quam re ipsam pænè verisimè imitatur? Eis interesse rebus videtur animus, dum res formidolosas dicit, & mirabiles; poenis propositis eis, qui maculosis vitiis tenentur, quam ille grauiter exurgit, quam atrociter cruciatus enarrat, quam diuinum iudicium flebiliter proponit, ut denunciatione supplicij deterri ab se scelera propulsent, monitis salutaribus edocti diuinis legibus obtemperent? Nemo vmquam inuentus est, qui hanc tam insignè imitationem sit melius meditatus, qui tam salutariter honestissimis ornamentis, eisq; poeticis cogitationes tam inusitatas persecutus sit, qui vitiorum, & virtutum semina complexus tam vtiliter versibus salutem hominum descripserit. Sacris enim edictis literis, diuinisq; disciplinis eruditus qua copia verborum, quo eloquentiæ flumine, quibus sententiis, quam exquisitis, quàm nobilibus, quam sanctis sacros ille molitur sensus, & enarrat? Ceterorum poetarum morem hic exponerem, ut ex eo quantopere hic noster poeta sit eximius, perspicui posset; nisi, ut breuitati studerem, res ipsa admoneret. Variis in locis Dantes, ut cunctis notum est, variisq; cum hominibus versatus est; in quibus cum res pænè innumerabiles notaret, tam multa admirabili diligentia collegit, ut res omnes habere cognitās iudicetur. Quam est ille idcirco in rebus gestis narrandis acer, & diligens, quam in minimis attentus, quam prudens in magnis, quam in omni historia curiosus? Præterea viget in eo philosophiæ studium, in describendis moribus grauitas, in exhortandis ad virtutem animis sanctitas; est ille etiā, ut apparet, in verbis deligendis accuratus, in eis transferendis diligens, sed omnium maximè, in comparationibus mirabiliter audax, & felix. In hac virtute, dum res dissimiles inter se comparat, & quadam similitudine coniungit, quam est ille perhibendus, quam egregius, quam suo ingenio indulgens admirandus? Concedatur tanto viro, vel ab eo, si quis hac virtute est insignis (cum ingenio tam altè se extulerit) ut in rebus comparandis eidem minimè se comparet, sed poetam nostrum sine vlla controuersia incompara-

comparabilem existimet. Rem ipsam enim, non verba intue-
tur, quoribus has similitudines colligit, qui poetam hunc nobi-
lissimum legit; & delectari maximo artificio, & mirabiliter af-
fici tanto ingenio viri clarissimi sateretur. Per multis, eisq; do-
ctissimorum virorum commentis declaratus, quanta in eo con-
sistat virtus, quanta auctoritas, quanta maiestas, satis explora-
re ostendit; ex intimis philosophiæ sensibus, sacrarumq; litera-
rum sinu mirabiles notiones sapissimè eruit; versus nullus exci-
dit, nulla sententia, immo nullum verbum, in quò maxime fa-
ctum esse operæpretium non iudices; ut, quicquid in hoc opere
consideres, id omne præcipuè opportunum, & egregium repe-
rias. Quæ virtus in dicendo nobilissima est, & ceteris virtuti-
bus præferenda, maxime propria poetæ Dantis est, ut locutio-
nibus, & sensibus de inuictis ita studeat, ut ex eis quodam mo-
do conglutinatum opus, & constatum esse sentias. Sunt enim
tam multa crebrò tam dicta sapienter, tam scitè exarata, tam
acutè cogitata, ut nihil ei placuisse magis arbitrare, nihil atre-
tius considerata, quàm ut hac poetandi materia totum explere-
ret opus, mirabilibusq; modis exornaret. Hinc illud de homi-
ne mœrore insigniter affecto.

Gli occhi alla terra, & le ciglia hanea rase

D'ogni baldanza, & dicea ne' sospiri,

Chi m'ha negate le dolenti case?

Cantus præterea xxxiii. Inferni totus prænè ex inuictis consti-
tus est, qui incipit;

La bocca sollevò dal fiero passo;

Quid illud in Purgatorio?

L'anima semplicetta, che sa nulla,

Salvo, che mossa dal lieto fattore

Volentier torna a ciò, che la trastulla.

Et illud etiam nonne hanc, de qua dicimus, sapientiam sapit?

Non altrimenti stupido si turba

Lo montanaro, & rimirando ammuta,

Quando rozzo, & saluatico s'inurba.

Locus ille itidem est valde perhibendus in Paradiso;

Et tutti gli altri modi erano scarsi

Alla giustizia; se'l figliuol di Dio

Non fosse humiliato ad incarnarsi.

82 *Elogia virorum Florentinorum*

Cantus præterea extremus eiusdem operis, in quo laus Mariæ Virginis exprimitur, hanc rem ipsam spectat, & verba de inuictis, & sensus ita præ se fert, vt mirandis ornamentis materiam omnem, quæ proposita est, pulcherrimè illustret. Quibus artificijs res tam insignis conficiatur, vt iure optimo dicatur de inuictis, vt nihil inueniri elegantius, nihil effici, nihil cogitari melius possit, vel si res cunctas consideres, aliàs dabitur fortasse occasio, vt disseratur, atque ingenium poetæ nobilissimi eius commemorandis artificijs celebretur. Satis tamen constat, hunc ipsum non sine causa tantopere omnium vocibus probari, qui ad summam rerum omnium scientiam sublatus tantum potuit singulari industria, ingenioq; admirabili, vt sit eam facultatem aggressus, quæ priscis seculis intentata, non modo, qui superarit, non dum inuenit, sed ne qui æquarit quidem inuentus sit. Quamobrem non sine causa, aut verissimè potius dictum est à Verino;

Gloria Musarum Dantes, non cedit Homero:

Par quoque Virgilio; doctrina vincit vtrumque.

Doctrinam tam multiplicem, tam exquisitam nequaquam ceteris omnibus in poetis reperiēs, vt præcipuè (sicut doctissimi viri arbitrantur) in Dante præstò est; qui Peripateticorum spatia studiosè emensus, sacrisq; in literis ingeniosè volutatus, & res pænè innumerabiles edoctus, omnino si id, quod dicimus, metiri ratione volumus (nec sibi tantum dignitatis vendicarent vel qui fuerant, vel qui vivebant, vel qui post futuri erāt) cunctis in poetis locum sibi principem prætipuit.

Sed vt ad id, quò volumus, tandè aliquando veniamus, (quoniam nonnulli consilium viri clarissimi mirantur potius, quàm laudent) videndū est, quid sibi velit hæc species in statuendis statuis, quæ nō inusitata solū, verū etiā noua esse putatur. Quod hæc ratio statuarum huius modi quadratis terminis præcipuè Florentiæ inusitata sit, addo etiam noua, ne in nostra sententiā tuenda nimis pertinaces simus, fortasse aliquo pacto verū erit; sed tamen si morem Rerum pub. quæ ceteris grauitate, & consilio præstiterunt, intueniatur, tantum abest, vt, quod egit vir summus, improbemus, vt permultis afficiendum esse laudibus putemus. Minimè ille hanc rem primus instituit, sed ab alijs inuentam Florentiæ renouauit, cunctisq; visendam liberaliter pro-

proposuit. Quid? multarum ciuitatum Græcarum Respub. atque itidem Romanorum nonne id ipsum fecit, ut suasque vires huiusmodi artificiis ornauit? Permultum viri sapientes, Græci præsertim quadratis in formis positum esse dignitatis, & decoris putarunt, eamque vim inesse, vt ab similitudine virtutis non abhorreat. Est enim vis virtutis sua sponte admirabilis, vt vel secundis rebus, & prosperis vigeat, in aduersis, & ærumnosis non infringatur, eoque habitu perpetuò sit, qui perhibendus maximè, & colendus est. Forma itidem quadrata, qui cubus dicitur, quoties, & quo vis modo ieceris, eodem statu toties consistit, eandemque stabilitatem perpetuò nanciscitur. Vir igitur sapiens, & multa virtute præditus, qui nullam in partem vel furentibus ventis se se commouet, nec multum secundis auris sese effert, quadratis formis omnino persimilis, firmissimis in actionibus insistentem vim ipsam virtutis gloriose in se exprimit. Hæc ipsa forma viris doctissimis placuit, & in viris amplissimis cohonestandis magno iudicio adhibita est. Capita ergo clarissimorum virorum, & summa pectoris quadrati termini excipiunt, vt appareat, specie quidem minimè infusa, sed quæ decorem, & dignitatem quandam præfert. Id nimirum hæc ratio statuarum potissimum spectauit, vt viris ingeniosissimis placet, vt trûcus ille pectorum tenus, quatenus quadratus est, vim virtutis exprimeret; quatenus autem terminus esse perspicitur, præcipuè significaret, eò virtutem peruenisse, quò virtus progredi ulterius non potest, cum ad quadratum terminum, qui supremus virtutis gradus est, victis difficultatibus, peruenerit. Has statuas quadratas sine manibus, & pedibus Hermas vocauit antiquitas, quæ viris clarissimis tantummodo & de sua Repub. & de humano genere bene meritis honoris causa publicis in locis ponebantur. Hæc quadrata forma eruditissimis viris placuit tantopere in statu, vt in earum elogijs quadratas literas etiam effingerent, quoties opponenda esset; quadratisque rebus, quæ sapiunt virtutem, vim virtutis laudibus effertent. Etenim o literæ, quæ sua rotunda forma nobilis est, permultum virtutis additum est hac quadrata forma, quæ vim virtutis mirabiliter exprimit. Ad ea, quæ de virtute diximus, spectauit eximius noster poeta Dantes;

*Auuega, ch'io mi senta**Ben tetragono a' co lpi di ventura.**Hic Herma dua ponenda sunt; una Isocratis, Milciadis altera.*

ARISTOTELES etiam hominem quadratum, virum fortissimū, cōstantissimūq; intelligit, qui vt cubo accidit, cū in rebus aduersis, tum in secundis, vt dictum est, elato animo est, atque firmissimo. Statura præterea quadrata, quā in Vespasiano fuisse notatum est, omnium optima indicata est; quæ cōpactis, firmisq; mēbris constans, & valentissimis prædita viribus, nec nimis procera, nec breuior, quā sat est, nec indecora visu, vim valetudinis admirabilem præstat. Hac ratione fortasse Plato, qui antea Aristocles dictus est, à latis humeris nominatus est. Herma Platonis visitur Romæ in ædibus Octauiani Zeni prope theatrum Pompeij in Campo Floræ. Itemq; Valefi Publicolæ est Herma huiusmodi apud Achillem Maffæum Romæ eadem forma.

Herma Valefi, & Platonis hic ponenda sunt.

VALET hæc forma quadrati sua sponte plurimum, atq; in artificijs humanis, (vt rerum humanarum docuit vsus) nō sine causa adhibetur. Hanc quadratum agmen dicitur exercitus, qui, dum est in itinere, à vi, atq; ab hostium insidijs tutus, quicquid inciderit periculi, cunctis militibus ad hanc quadrati formam diligenter dispositis, omnino negligit. Jam verò confugere ad statuam, nonne hanc vim summæ virtutis olet, & summam dignitatem in summis viris nonne significat? Magius ille Campanus constrictus catenis ab Annibale, dum nauis duceretur Carthaginem, delatus Cyrenas cū ad Ptolemæi Regis statuam confugisset, facile ab iniuria Pœnoiu se eripuit. Quid? Nonne impietatis vir quidā nobilis damnatus est, quòd seruum suum verberasset, qui dragmam argenteam collo gestabat Tyberij Imperatoris imagine signatam? Magna statuis tribuebatur auctoritas antiquis temporibus; magna veneratio; adhuc proferuntur iura, quatenus confugientibus ad statuā sit subueniendum; extant leges, quibus, qui à potentioribus premebantur,

mebantur, ab iniuria se hoc subsidio eriperent. Celeberrimis in locis magnarum urbium, ne dicam de priuatis ædibus, hæ statutz Hermæ poni solitz sunt. In foris tamen, & Bibliothecis, vt proprijs in locis, visebantur. Suo igitur iure ascuerunt sibi Bibliothecz viros doctos; cetera loca ceteros viros virtute præditos receperunt. Per multas statuas Romæ ruinæ obruerunt, quæ sepultæ multos annos, erutz tandem, & expositæ in lucem quâvis inminutz, & pænè discerpæ non exiguam viris doctis voluptatem attulerunt. Mos ex auro, & argento, atq; etiam ex ære ponendarum statuarum in Bibliothecis ab Asinio Pollione primùm institutus est; id eius ingenio inuentum, vt viris doctissimis placeret, tributum est; & profectò quorum monimenta apud omnes in precio sunt maximè, eorum vultus visu, & memoria retineri æquum est. Grata est doctrina, iucunda est industria, quæ diuturnis in lucubrationibus continetur; sed tamè omnino gratiores efficitur, cum eum, qui scripsit, intuemur, atque ex eius vultu ingenij magnitudinem metimur. In Bibliotheca Palatina Augustus Cæsar sibi ipsi statuam sui similem poni passus est, quæ tamen staturam, atque habitum Apollinis referret. Ex hoc satis apparet, tributum esse multum summis viris, si quid Bibliothecz causa præstitissent, cum vir ille Imperator, & sublimis laudi sibi duceret, quòd in posterum voluminum memoriæ consulisset. Spectata est etiam Romæ, quam sibi ipse posuit, statua L. Accij, clarissimi poetæ, in æde Musarum, quæ literarum studijs præesse putabantur, maxima potissimùm forma, cum esset ille pusillæ staturæ. Iam verò vt esset testis admirabilis sedulitatis, & industriæ, Hermodoro Ephesio posita statua est in comitio, qui fidelis interpretes Decemuiros (dum Græcas leges intuentur) in scribendis Romanis legibus adiunxit. Omnino virtus cuiusvis hominis, dum modo esset illustis, studiosos, atque optimos viros impellebat, vt eum ponendis statuis summo honore afficerent. Non erant fraudi inimicitiz magnis meritis apud eos, qui vim virtutis in homine ipsa virtute metiri consueuerant. Itaq; tribus in locis tres statutz Annibalis Romæ visebantur; sed id ea fortasse ratione à Romanis actum erat, vt esset omnibus exploratum, dum tanti duccis virtus intuentium animis occurreret, Reipub. Romanæ non defuisse viros, qui eam maiore virtute superarent. Inter eas præ-

terea imagines, quæ in funere Augusti latæ sunt) vt Romanis mos erat) spectata est etiam Magni Pompeij statua, qui vnus Cæsarianis partibus princeps hostili animo restiterat; cum factis omnibus planum esset, Augustum, dum viueret, nec inuidisse Pompeij laudibus, atq; illius statuam contra regiam theatri eiusdem collocasse. Quin etiam idem Augustus honorem proximum diuinis honoribus summis viris præstitit, eis, inquam præcipue, qui imperium populi Romani ex minimo maximum reddidissent. Eorum monimenta, quæ vetustate collapsa erant, manentibus vnus cuiusq; titulis, restituit, atque omnium statuas triumphali effigie in vtraq; fori sui porticu dedicauit. Huic operi tantum tribuit, tam magno studio excoluit, vt edicto gloriatus sit, suum id esse commentum, vt ad eorum exemplar, qui suam operam Reipub. tam egregie præstitissent, firmo animo ceteri principes se conuerterent; inter quos cum se ipsum ederet nominatim, haberent postea ciues, quam virtutem in eis, qui rerum potituri essent, potissimum expeterent. Magnis pro meritis summis viris statuæ ponebantur, vt Aristogitonis Herma conspicitur Romæ apud Cardinalem Carpenssem; itemq; Catonis apud Cardinalem Farnesium. Quod enim Cato Censorius sua in ætate adeptus non est, vt quis virtutis nomine statuas ei poneret, cum diceret ipse, se optare magis, vt quæreretur, cur sibi statua nullo loco posita esset, quam cur posita esset, detulit tamen posterior ætas, quæ; quanti esset virtus tanti viri, libenter agnouit, & statua quadrato termino decorandum iudicauit,

Hic Herma Aristogitonis, & Catonis ponenda sunt.

SCRIBENDIS rebus gestis Romanorum, rem profecto ad mirandam, atque omnium maximam T. Liuius aggressus est, eandemq; admirabilis ingenij sui magnitudine re ipsa præstitit. Neque enim ideo res magna fuit, & memorabilis propter industriam, quæ mirum in modum tunc fuit, atque etiam nunc insignis est, sed propter materiam, quæ scribendæ historix subiecta est; ita ab initio condendæ vrbs subinde se extendit, vt crescens in immensum non solum mirabilibus ingenijs satisfaciât, sed sicut cunctas terras tanti viri ingenio obire confueuerat,

sueuerat, ita terrarum orbem feliciter complexa, cunctos sibi mortales ingenti beneficio deuinciat. Hæc cum ita essent, homines nobiles non doctrinæ splendore, aut facultate eloquentiæ incensi, quibus rebus, vel dum abessent, poterant sibi ipsis satisfacere, sed ut Liuium ipsum, quem in scriptis admirabantur, hoc est, ut eius vultum inspicerent, ex ultimis Hispaniæ, & Galliarum finibus venerunt Romam; ut nec ullus labor, nec longitudo itineris, nec alia difficultas remorata sit, quò minus sibi tam nobili in cupiditate satisfacerent. In vultu principum virorum viget insignis quædam vis; quæ eo magis admirabilis est, quò minus in ceteris hominibus perspicitur. Hæc dignitatem quandam præse fert, simulatque perspecta est, & timorem nescioquem cum admiratione mixtum in animis intuentium in generat. Is enim, qui viro tam magna virtute præditos intuetur, è vestigio humilis suæ conditionis conscius, & se deteriorem intelligit, & eum ipsum, qui est tam sublimis, non sine causa admiratur. Idcirco verè dici potest;

De generes animos timor arguit;

Perseus enim vel grauius viris vsu venit, dum ad virum principem adeunt, & cum eo deinde colloquuntur, ut timore infilito correpti repente animo concidant, & quod cogitarant, proloqui non possint. Quid? nonne dignitas vultus C. Mario saluti fuit? qui Senex, & inermis cum arma Syllæ, hostis sui acerrimi, fugeret, carnificem stricto gladio Minturnis ad se venientem vultus sui præsentia ita terruit, ut properè inde fugeret, & se Marium non posse interficere clamitaret. Maiestate quadam viri clarissimi afflatus, & splendore oculorum panè constrictus, è vestigio è priuata domo, ubi latebat Marius, se in publicum proripuit, præbitaq; ut se seruaret, facultate, factum est paulò post, ut Consul septimum creari posset. Augustus præterea, ut memoriæ proditum est, vultus sui dignitate magno ex periculo ereptus est. E primoribus Galliarum cogitabat vir quidam nobilis propellere eum, & sublimi ex loco in transitu Alpium præcipitare; qui per speciem colloqui ad eum propius admissus tam magnum facinus se perpetrare posse arbitratus est; sed quò minus rem tantam perficeret, serenitate vultus, & splendore oculorum se prohibitum esse ad suos reuersus confessus est. Hoc nomine in exercitibus gerebantur imagines principum Romano-
rum,

rum, quæ in armorum strepitu militem commouerent, &, dum Mars ipse accenditur, decertantium animos ad prælium inflammarent. Signiferi, quibus id mandabatur munus, Imaginarij vocabantur, multumq; adhortando poterant, dum idemidem pro quibus prægerent, hortarentur milites, atq; Imperatorum imagines ostenderent. Idcirco Tyberius, de rebus Seiani insidijs Syriacas legiones non mediocri munere affecit, quod inter cetera signa nullam, ut aliæ ceterorum locorum, eiusdem viri imaginem coluissent. Non mediocriter enim suspicioso principis suspecta fuisset suorum militum fides, si eius imaginem, qui affectandi imperij cupiditate tenebatur, suis in castris habuissent. Illi enim, qui sibi Seianum potestate prænequaasset, nulla erat superuacanea cautio, nec inutilis; qui & si propter hominis perfidiam magno iam periculo defunctus erat, eos tamen, qui se iam integra bene de se meriti erant, omnino diligendos, & præmijs afficiendos iudicabat. Hæc igitur statuarum facultas cum expeteretur ab omnibus, magnoq; esset in honore apud Romanos, eo præsertim tempore, cum rerum potirentur (Græci enim, cum potentia parim possent, in id ipsum, quantum poterant ingenio, & literis contulerunt) priuatis in ædibus curabatur assidue, & publicis in locis studiosè celebrabatur. Vis enim exprimendæ virtutis apud antiquos mirabiliter excubuit; excitabantur præmijs, mouebantur laudibus, inuitabantur honoribus: &, ne sibi quisquam rei nobilissimæ causa deesset, maxima comoda proponebantur. Hinc magistratus, censuræ, Consulatus orti sunt; hinc orationes magnis pro meritis habitæ: hinc multæ utilitates præterea; hinc picturæ, & statuæ viris clarissimis statutæ sunt, non ea ratione solum ne virtus iaceret sine premio, sed ut haberet posterior ætas, quod sibi ad exemplum proponeret, & rem eandem summa cum solertia exprimeret. Huius unius fortasse rei causa omnium laudibus oratio Agrippæ celebratur; hic enim vir eximius cum censeret tam magnum bonum longè, lateque propagandum, orationem habuit Romæ de tabulis, & signis publicandis, &, ut ad usum populi exponerentur, multis rationibus disseruit. Et profectò summo illi viro maximè consentaneum visum est, ut quæ virtus nobili suo exemplo tantum posset, non priuatis parietibus contineretur, sed publicis utilitatibus

ratibus ad rationes Reipublicæ amplificandas inferuaret. Cogitationem admirabilem clarissimi viri dilaudat nostra ætas, aut potius, vt opinor, omnis ætas admirata est, summisque laudibus ad cælum extulit. Nunc verò hoc in negotio quid egit aliud Valerius, nisi vt suis clarissimorum virorum statuis publicatis, locoque publico locatis, vtilitatibus publicis liberaliter inferuiat? Poterat ipse suum commodum tantummodo intueri, & sibi ipsi intus canere, vt proverbio dicitur, nisi commodum publicum generosè spectans gloriæ communis patriæ inferuire voluisset. Pro tam magna liberalitate nulla profectò laus reperietur fortasse, quæ tam magno merito respondeat; virtus enim, quæ clarissimis in viris floruit tam mirabiliter, perpetuò nostræ ciuitatis homines sui officij admonebit, & vt imitari velint, quod admirentur, tacitè, & præcipuo quodam modo adhortabitur. Non homines ille rei cuius vis peritos sumpsit, sed viros disciplinis clarissimis nobilitatos potissimum delegit, qui quadratis terminis locati, & quantum virtutis expresserint suis ingeniosissimis monimentis testantur, & suam patriam nominis sui gloria illustrent. Eò vnus cuiusque virtus (qui viginti sunt numero) progressa est, quò adire posse altitudo ingenij existimatur; eò peruenit industria, vt nemo se prodire posse vterius existimet. Quod autem quadrata forma turbinato modulo posita sit, minimè huic negotio fraudi esse debet; conseruata enim in termino quadrata forma, habita est ratio venustatis, & elegantix, nec de proposito, quod primum est, quicquam imminutum. Delectatus est semper vir illustris nobilissimis summorum auctorum monumentis, ingenia clarorum virorum adanauit, benemereri de literarum studijs numquam destitit; idcirco non pepercit labori, non pecunijs, dum modo foueret industriam, spem aleret, & difficultates in egregijs operibus tractandis imminueret. Dum igitur clarissimorum virorum augendæ gloriæ dat operam, suam ipse gloriam non mediocriter auget; & dum de summis doctrinis benè meritos illustret, quantum in eis profecerit, facile ostendit. Id ipsum tam exploratum est, vt dum eins animi integritatem, doctrinam, moresq; probatissimos intuemur, nihil omnino illustrius nec probandum magis esse possit.

M Habebit

Habebit posterior ætas quod sequatur, quod sedulo imitetur; exemplar enim multiplicis virtutis multum potest non solum in hominibus eiusdem ciuitatis, sed in exteris quoque nationibus; quæ, simulatque se se prodit, rei imitandæ stimulos suppeditat, & , vt ad vim laudum clarissimarum se conforment, egregiè inuitat. Nunc igitur viginti viris egregijs honestandis, quibus singulis singula elogia tribuimus, nostram hanc patriam nō minus, quā statuis hoc eximio honore decoratam esse arbitramur; quibus & si nihil decorat ad summam laudem, hoc tamen munere & cumulata esse gloriam videmus, & miram viri clarissimi propensionem animi agnoscimus.

F J N J S.



91

C A T A L O G V S V I R O R V M
ILLVSTRIVM, QVI FLORENTIA
ORIVNDI DOCTRINIS
CLARVERVNT.

A ccursius legum interpres.	36.
Aldobrandinus Caualcantinus	26.
Aloysius Marsilius	13.
Aloysius Alamannius	67.
Americus Vespuccius	53.
Beatus Philippus Nerius	34.
Boccaccius	71.
Dantes Aligherius	78.
Diuus Antoninus Archiepiscopus Florentia	7.
Donatus Acciaiolius	43.
Franciscus Guicciardinius	53.
Ioannes Casa	64.
Lapus à Castilionchio	18.
Leo Baptista Albertus	50.
Marcellus Adrianus	57.
Marsilius Ficinus	41.
Petrus Victorius	46.
Petrarca	74.
Turrisianus Rusticellius	38.
Vincentius Borghinus	61.

